

無下一本有有  
字驗記同

云々下一本小  
注有已上出智  
元記六字

名勝志引此云  
延長三年五月  
六日中納言澄  
三位橘朝臣澄  
清堯年六十七  
日本紀畧同

無事、已上 四月廿六日癸酉、女御藤原穩子立皇后、同廿九日、以慶賴王立皇太子、年僅二歲、是前坊保明親王之息也、故大宰菅師詔復本位、出記 閏四月十一日、改延喜廿二年、為延長元年、天下咳疫、多以妖亡矣、五月卅日、大僧都增命御修法結願、返昇本山、即日勅授僧正職、上表辭退、勅答不許、已上 七月廿三日、玄鑿大法師任天台座主、世謂華山座主、叡山智源法師、法華驗記云、延喜廿二年陽勝仙人於金峯山、語東大寺僧云、名失予住此山五十餘年、八十有餘、適得仙道、昇天冲虛無障礙、依法華力、見佛聞法、心得自在云云、其母沈病、殆及終焉、歎言、我多子中、陽勝仙人、尤當鐘愛、若知我心、可訪吾齋、陽勝遙聽、飛來屋上、誦法華經、宅中老少、雖聞其音、不見其容、仙人白母、吾離火宅、不入烟里、為孝養故、強來誦經之與語耳、又云、每月十八日、可燒香散華、吾尋香烟、來臨誦經、故老傳云、陽勝仙人、每年八月叡山不斷念佛之比、攀登本山、拜見大師遺跡、餘時不來、信施火災、滿山谷故云云、

延長二年甲申正月廿三日、右大臣藤原忠平任左大臣、年四十五、同日大納言定方任右大臣、年五十二、內大臣高藤子也 廿五日、太上法皇、奉賀天皇四十之算、賜饗百官、二月廿一日己丑、天皇召增命僧正、受如意輪觀音念誦儀軌、三月十四日壬子、勅召僧正、問先日所讀儀軌疑所施僧正掛衣二領御細長一重、退下後、襲房所施絹廿疋綿百屯布百端、

延長三年乙酉六月七日、主上有御瘡病、增命僧正依召參內、尊儀平安、無御惱氣、湛譽法師合眼之間、見鬼下殿去、以御衣賜僧正、并給僧等祿、十八日、皇太子慶賴親王、於職曹司薨、時年五歲、母左大臣藤原時平女、夏間天下大旱、七月十四日、宣旨云、左少辨藤原元方傳宣、大納

避一古本作起  
云下或本有尊  
意二字

長秀一古本賜  
本作平秀  
一本作藤下  
同日一古本賜  
本作月日

言藤原朝臣清貫宣奉勅、炎旱經旬、雨澤不降、宜仰尊意大法師、始自今月十六日、七箇日間、於延曆寺、令修甘雨之法、者謹依勅旨、引率六口僧侶、奉修佛頂尊勝法、尊意和尙夢感四大龍王、示現之想、至第四日正中、從東南隅一聚之雲、指正北超、彌滿大虛、倏然雨降、廿三日宣旨云、所修之法、已有感應、雨澤快降、天下滂沱、禁中上下、朝家諸人、悉以驚喜、皆呼萬歲、尊勝秘法興隆始此矣、已上 八月廿三日癸未、勅於勸修寺、奉為母后胤子被修御法事、以彼寺別當濟宗法師為權律師、法會請僧百口、以東寺會理法師為咒願、以僧正增命法師為講師、聽者流淚、無不發心、奉繡胎藏界內院曼荼羅、奉供養御筆法華經、文章博士菅原淳茂造御願文、令右近權少將希世、給淳茂御衣并掛衣、令少內記小野道風、於射庭殿書御願文、賜祿矣、其詞曰、玉毫光遠、似迎真容於華藏之臺、金字影斜、如雨寶華於瑠璃之界、梵唄播聲於遍法界之風、幡蓋飄影於盡虛空之霄、已上 十月七日丙寅、令伊望朝臣給勘唐僧湛譽智琮等給物文、仰唐僧長秀衣服食料、宜量令宛給、左大臣令申云、湛譽智琮等相從來時、其事分明、實雖唐人、大宰府未申其由、且以穀倉院物令給、食料同日米二斛、略准湛譽例、衣服年給、絹二疋綿十屯、准智琮例、

同月廿一日庚辰、寬明親王為皇太子、時年二歲、朱雀天皇也、延長四年丙戌二月十一日、座主法橋上人位玄鑿卒、夏四月、增命僧正辭法務之職、其表云、去年八月九日、勅命綱所法務、先令觸知者小僧浴德露仁、度冬及夏、靜而量力、知其不堪、增命幼日從師、老年念佛、逃名晦跡、雖早栖志於烟霞、枕石漱流、未嘗繫思於案牘、自居緇徒之上首、深慙素懷之中心、故前年辭座主



空門之功一古  
本賜本作攻君  
美云攻恐政  
哀許君美云恐  
宸許  
小或本作百

不修諸君文粹  
作殺生爲事

之劇職、避賢者之遺跡、抱影於幽巖、待駿駒之過隙、絕慮於要路、慕瘦雁之出籠、大任既過、於器、小量何安、於心、矧乎小僧頽邁之齒、八十有餘、毫已口焉、病亦侵矣、計於梵境、則過羅樹變色之年、訪於俗憲、則迫崦山藏景之暮、方今其在傍、其才堪任、空門之功、可以立功、福田之徒、可以向化、伏願恩容特垂哀許、停彼法務之號、優以間居之懷、然則鳳闕望塵遙鎮、動天之德、菟裘占地、遂全臥雲之謀、上表再三、辭讓懇切也、有勅依請、已五月十一日、阿闍梨尊意補天台座主、生年六十一、廿一日、召興福寺寬建法師、於修明門外奏請、就唐商人船、入唐求法、及巡禮五臺山、許之、又給黃金小百兩、以充旅資、法師又請、此間文士文筆、嘗大臣紀中納言、長谷雄禰贈中納言、廣相都良香等詩九卷、菅氏紀氏各三卷、橘氏二卷、都氏一卷、但件四家集、仰追可、給道風行草書各一卷、付寬建、令流布唐家、可相從入唐僧并雜人等、從僧并雜人等、從僧三口、童子四人、近事二人、勅遣元方於左大臣、忠平宿所、寬建法師入唐之由、宜遣書大二扶幹朝臣許、可仰其旨、六月七日、依有院仰、勅奉黃金五十兩、此爲給入唐求法、沙門寬建也者、已上出七月四日、宇多法皇、爲故左大臣源融朝臣、於七箇寺、被修誦經、其誦誦文、三善文江之作、右奉仰云、河原院者、故左大臣源朝臣之舊宅也、林泉下隣、喧囂隔境、擇地而構、雖在東都之東、人門以居、如遁北山之北、是以年來、尋風烟之幽趣、爲禪定之閑棲、時代已不同、於昔年、舉動何有煩於冀主、而去月廿五日、大臣亡靈、忽託宮人申云、我在世之間、不修諸善、依其業報、墮於惡趣、一日之中、三度受苦、劍林置身、鐵杵碎骨、楚毒至痛、不可具言、唯其答掠之餘、拷案之際、因昔日之愛執、時時來息此院、惣爲侍臣、不舉惡眼、況於寶體、豈有邪心乎、然而重罪之身、暴戾在性、

心文粹作意  
遺下有者字

文粹作今爲卿  
修善令脫其苦  
修如何善脫此  
苦乎  
可得作所得  
慮作圖 失作  
無卜作占  
解作息 逐日  
作照月缺字作  
遂

圓一古本作圓  
七寺一本賜本  
有遺四位大吏  
等七大寺九字

雖無心於害物、猶有凶於向人、冥吏搜求、不得久駐、我子孫皆亡、汲引誰恃、適所遺非、可相救、只悲歎於湯鑊之中、憂惱於枷鎖之下、耳、勅答云、今爲卿修何善、令脫其苦乎、報奏云、罪根至深、妙功難拔、縱修無數之善、不知可脫之期、但於七箇寺、各修誦誦、遙聽拔苦之慈音、暫覺無明之毒睡、自余雖修萬善、非我之可得也、於是觀其如此、悲感自然、朕昔居握符之尊、卿亦爲和羹之佐、自分段無間、生死遂隔、難忘藥石之前言、未改魚水之舊契、常思拔濟得道、早攀覺樹之華、豈慮出離失媒、永溺苦海之浪、合體之義、既重於曩時、滅罪之謀、須廻於今日、仍卜七箇之精舍、叩九乳之梵鐘、今之所企、是其一也、伏乞一音任風、忽解鵝鴨之宿訴、三明逐日、口爲瓔珞之後身、者宮臣奉仰、所修如件、已十月十九日、天皇行幸大井河、親王卿相皆以相從、太上法皇同以御行、雅明親王供奉、十二月十七日、殿上前櫻華盛開、勅召文士、聊開花宴、十九日壬寅、奉爲太上法皇增寶壽、京邊七箇寺、南京七大寺、修御誦經、施用絹六百疋、布六千端、京七寺、東寺西寺、延曆寺、東塔大和寺以上五所、絹各百疋、淨福寺、圓城寺二所、各五十疋、七大寺、東大寺、興福寺、元興寺、大安寺、藥師寺、五寺、布各千端、西大寺、法隆寺二寺、各五百端、其使七寺遣五位侍從、仰事由、又以穀千二百石、行施行事、令檢非違使、及諸衛人等、分行其事、檢非違使、於朱雀、給會集者、大夫諸衛官人、給京中隱者病者等、勅言、今年當太上法皇六十算、欲算賀事、而去年五月、令公賴朝臣、有仰旨、傳曰、聞可有奉賀事、更不可行、仰旨兩廻、事趣切至、難違勅命矣、已上廿八日辛亥、行醍醐寺新堂釋迦佛像、并四天王像開眼事、使藏人近江大掾尹甫、以布百端、誦經、兼見其事、令奏、已上



色一本作之

延長五年丁亥二月十四日、行幸六條院、已四刻上御輿、從建禮門出美福門交門、自二條大路、歷東院東路、到彼院、右中弁英明朝臣執劔、左少辨希世執靈篋、此日不召王公、圍碁送日、逮昏還宮、廿五日、彈正尹親王(克明)為民部卿(清實)六十賀、於桃園宮設法會、奉造樂師佛像、奉寫法華經、隨願藥師金剛壽命般若心經雜染色紙金銀繪之、小野道風同忠則寫之、九月廿九日夜、黑雲三四尺、東西亘天、大江維時云、天地瑞祥志曰、黑雲三四尺亘天、春必有喪云云、十月十一日庚寅、臨時仁王經御讀經、初日卯時、見狐遺矢於南殿御帷內御障子下、其日午時、鷺集清涼殿東庭、當供膳御座向殿、其占甚凶也、十三日寅時、大星頭四五尺、尾數十丈、指南西行、或云起南殿西弓庭殿、或云起小野栗栖野、此月旬間、清涼殿御座邊、好聞有入聲云云、是月訛言甚多、或云、故太宰菅帥靈、夜到舊宅、語息大和守兼茂雜事云、朝廷應有大事、其事應起大和國、汝須好慎行其事、自餘事甚多云云、但他人不得聞之、彼朝臣秘不他語矣、出式部卿重同月廿六日甲辰、供養崇福寺、晚鐘之後、天樂聽空、開眼之間、光輝照天、法會之初、紫雲涌上、見者聞者、歎而又異、會中之衆、隨喜讚嘆、故老比丘垂淚發心、權律師延傲為導師、大僧都增利為呪願、已上供同日供養東大寺講堂、或記云、請僧千人、講師經賀任、大僧都、讀師長海任、小僧都、呪願觀賀任、權僧正、三禮觀宿任、大僧都、唄會理散華寬印已上二人任、小僧都、堂達安靈任、權律師、已上、十一月十一日、僧正增命入滅、春秋八十五、先是同月四日、俄有微病、告弟子院主仁昭曰、我前病時、夢有端正比丘、以三重白疊授吾、是則本尊延二月命也、汝等宜知往生時、至十日洒掃一室、告門弟子曰、人生有限、本尊導我、汝等不可近居、今夜金光忽照、

晚鐘上或本有  
彌勒新像設法  
會七字  
或本作延傲下  
同

慈智證傳作烈  
速作遠一古  
本同  
中務上傳有行  
字  
從四位下少輔  
作從五位下行  
中務少輔  
鄉建作歸

爰或本作受

一本無阿字  
兩作响一古本  
作句

紫雲自聳、音樂遍空、香氣滿室、和尚禮拜西方、念阿彌陀佛、燒香倚几、曉更丑刻、如眠氣止、斂葬之烟中有芳氣、人皆隨喜、無不悲感、和尚年十六歲、於東大寺受戒、行年廿四、廻心向大、受菩薩戒、卅三補內供奉十禪師、就知證大師、重受三部大法、究其奧理、和尚不分尊卑、有客來、先下迎、送之、不啻怠慢、受戒之後、未曾臥寢、若有宿病者、食和尚鉢飯、其苦患者、莫不痊癒矣、已上十二月廿七日官符云、天台座主少僧都法眼和尚位圓珍、贈法印大和尚位、并賜諡號智證大師、勅慈雲秀嶺、仰則彌高、法水清流、酌之寧盡、故天台座主少僧都圓珍、戒珠無塵、惠炬有照、渡大瀛而求法、騁異域而尋師、濟物為宗、泛舟楫於苦海、利他在意、加斧斤於稠林、是以蒙霧斂其翳昧、朗月增其光明、遺慈永傳、餘芳逮播、追憶志節、足以褒崇、宜贈法印大和尚位、諡號智證大師、可依前件、主者施行、延長五年十二月廿七日、三品行中務卿敦實親王宣、從四位上中務大輔源朝臣國淵奉、從四位下少輔源朝臣興平行、奉勅如右、牒到奉行、式部大輔藤原博文之作門人賀書延曆寺沙門智祐等、伏奉昨日勅命、先師贈法印和尚之崇班、賜智證大師之追諡、感生空谷、歡動滿山、故大師遙涉滄溟、深求白法、不建寫瓶之水、能挑傳燈之光、至其鄉身日域、弘道天梯、實智之門高開、秘密之雲遍覆、而茶毘遠過、不改名號於仁山、蘭德長存、幾觸忌諱於法華、是則門弟子等、常所慷慨也、爰飛龍之使、問影堂而徘徊、彩鳳之書、加光寵而追贈、凡在緇侶、誰不悲喜、遺法弟子、不耐戴恩之至、謹詣闕抗表、陳謝以聞、沙門智祐等、誠惶誠恐謹言、延長五年十二月廿九日、大法師等連署、大學頭大增命僧正、同日賜諡號、勅使少納言藤原朝臣俊綱、其詞云、勅故僧正增命阿闍利、佛日受景、法雨甘膏、借權化之浮生、傳正教之勝躅、疊忍辱而代鎧、塵



管中下或本有  
出字 炎炎作  
炎上 云字作  
見之  
枯一古本作括

勞之賊遠離、製慈悲以為衣、寒暑之變不犯、斯固禪林之英華、福田之秀實者也、况朕接其音辭、得聞微旨、悼青眼之永隔、憶素心而難忘、將崇舊典之飾、以加常樂之遊、宜謚號靜觀僧長、已延長六年戊子正月一日、儀式如例、俄風吹倒承明門東扉一板、二月十一日巳時、白珥抱日、三月八日卯時地震、十二日夜、檀林寺火灾、火出金堂、諸堂舍悉蕩盡、唯殘塔寶藏政所町等、廿日、勅遣淑光朝臣於左大臣許、給勘唐僧沙彌等給料例文、仰唐人僧長秀、自公家准前例、可令給料事、前年仰穀倉院令給、而彼院屢稱無物不行、一日自院給長秀、仍所改仰也、四月廿八日、行幸中六條院、(宇多)速昏殿上有絃歌事、亥一刻還御、四五月間、疾疫最甚、五位已上多亡、五月廿二日、臨時御讀經、請百僧紫宸殿、為消除都下疾疫、轉讀大般若經、廿九日未時、雷迅、會昌門樓巽角簷中火、其中烟炎、夕樓屋、飛彈工等云、火勢未盛、以水汲滅、修理職匠預阿多千春、採八省中枯蕨、塞震破處、炎因之暫止、相次以水汲滅、六月一日夕地震、十四日鷺集承明門上、十八日、白女鳥集南殿版位南、令陰陽助氏守占、其占云、可有御藥事及火灾、七月十一日夜、雷震、西大寺塔有火、一基蕩盡、十二日、長谷河水溢流、民家多損、長谷寺鳥居同流失、云云、八月九日、東宮童相撲、於弘徽殿東庭供之、左頭大進忠幹、右頭少進仁鑿、亮伊衡朝臣為左、右近權中將實賴朝臣為右、宮殿上及侍者陣頭侍從各分左右、相撲用四尺五寸童、左右各奏樂、舞人着朝服、伊衡朝臣息男昇殿、今日奏輪臺、為童時殿上故矣、閏八月六日中六條院有童相撲、云々、十七日、法皇參御石山寺、京極御息所(養子)并童親王等扈從、廿八日、宣命以少僧都觀宿任大僧都、律師基經延做、并任少僧都、大法師會理令辰義聖為律師、

故矣下或本有  
二十八日辛未  
拔手半過相撲  
十二字

門交或本作門  
之夾  
與一古本作輦  
還東一古本作  
東還

又天下僧滿位以上、及住位十三年、各叙一階、唯大法師廻授弟子一人、是賜天下僧一階之本意、十月廿一日、行幸朱雀院、儀式如例、十二月五日、行幸大原野、御鷹飼道遙云々、親王公卿及殿上侍臣六位以上、著麴塵袍、諸衛官人着褐衣、腹卷行騰、每事同、大井河行幸、陽成院并親王等、在公卿列、主上御輿、着赤色袍、自朱雀門交門出御、至五條路、西折到桂河邊、主上降自御輿、就幄云云、右大臣奏曰、宜覽近衛及殿上侍臣等裝束、先召左近中將清鑿朝臣右近權中將實賴朝臣、御前、西過更又還東、次左兵衛佐敦忠右兵衛佐師輔、主上賞師輔裝束、仰敦忠、師輔令勸杯、云云、已上重明親王記畧鈔  
延長七年己丑春三月、京畿諸國疫癘流行、死者溢路、宣旨云、左大臣宣奉勅、傳聞真言教中、有除疫死法、宜令座主法橋上人位尊意、早修其法、攘災疫者、謹依論旨、卒卅口伴僧、始自三月廿二日、於豐樂院、七箇日晝夜不斷修不動法、七日之內、疫氣已散、沈痾之類、舉首存命、賞賜度者卅二人、已上六條院遣右近權中將實賴朝臣於法性寺、修左大臣(忠平)五十賀法會、造純金觀世音菩薩、高三許寸、納漆厨子、寫紺紙金字最勝王經觀世音經心經等、納平文經櫃、及在平文華机佛布施散花行香具等、在青甲斐穀覆摺青絹地敷等、以青色紙製名香、請七僧講說所寫經、四月二十五日夜、鬼跡踏宮中、玄龜門外內、及桂芳坊邊、中宮廳、常寧殿內最多、殿壇入寸餘、似大牛跡、二蹄或三蹄云云、其蹄雜青赤毛、一二日間自滅云云、或云、北陣衛士、夜見大熊十三頭入陣、越閫即不見云云、或云、常寧殿見鬼、高餘殿棟云云、或云、鬼跡間有小兒跡、云云、五月十七日、新羅甄萱使張彥澄等二十人、來着對馬島、持送太宰府司書狀并信物、

玄龜玄輝

甄萱新羅金卅  
王各見下



一本無為字  
一本無缺

金一本本作全  
下同  
緩或本作靜

寄上一本作後  
字

潘固或本作蕩  
國

圭一本本作生

援一古本作授  
法作放 實作  
書一本無缺  
書或本作言望  
贈物下或本有  
五月廿日戊子

又送島守坂上經國書及信物等請向府彥澄辭云彼國如古欲進調貢為蒙大府仰奉向  
彥澄等云云島司守憲法拘留彥澄等俯地申云本國之王深存入觀之情重致使信之勞空  
從中途歸去身命難為存島司猶拘使以事由言上府府即申太政官其送府書序欲事朝  
廷之由送島書謝送歸彼國飄蕩人之事先是去正月十三日新羅交易海藻於貧羅島之口飄  
蕩着對馬下縣郡島守經國加安存給糧食并差加擬通事長岑望通檢非違使秦滋景等送飯  
金州三月廿五日滋景獨還來申云金州王甄萱擊并數十州稱大王望通等到彼州之日促  
座緩頰慰勸語曰萱有宿心欲奉日本國前年不勝丹欸進上朝貢而稱陪臣貢調被返却  
也一日欲稱寡者且為奉本意已遂裝船特進朝貢之間汝等幸過來因拘留望通愁  
免滋景初經國販飄蕩人之時牒送金州金州寄彥澄送返牒陳謝恩情兼述願朝貢之深  
欸及注可進發復禮使李榮等之由李榮遂不來廿一日太政官符太宰府新羅人張彥澄等  
資糧從放歸并令文章博士等修太宰對馬返牒書狀案下遣太宰牒略云潘固致計自成警  
關之勤人臣無私何有逾境之好故猥存交通春秋遺加貶之誠曲求面觀脂粉絕為容之勞  
也輝嵩早歸區陳旨意何亦彥澄重到頻而晤言空馳斷金之情未廻復圭之慮爰守典法既  
從却歸云云對馬牒略云前救溺頂之危適成援手之慮非是求隣好唯為重人生云云其廻  
法之旨同府牒其大貳書略云納貢之禮蕃王所勤輝嵩先來已乖口例彥澄重至猶有蹇違  
縱改千萬之面何得二三其詞所贈方奇不敢依領人臣之義已無外交云云對馬守書且絕  
私交不受贈物六月十六日亥時月蝕既七月廿六日夜大風雨通宵川流水溢天下多被

下野國言上藤  
原秀衡等蓋行  
可亂勸之由國  
等官符五通請  
印三十七字  
名勝志無下安  
置二字  
紗上一古本有  
清字

殊或本作譏

風水損民烟人畜穀稼損害甚多 八月自大風後連陰滯雨至月晦無晴日 九月十七日  
左大臣(忠平)子息四人共於法性寺設五十賀齋會其儀本堂毗盧遮那像前安置銀藥師如來  
像安置六角佛殿內畫藥師淨土外金蒔繪殿頂安永精火炎珠當戶懸兩金花鬘代殿角藏形  
懸金幡七僧講師尊意讀師仁觀呪願基繼僧都三禮蓮舟明才准散花奏舜堂達良僧各送  
法服五十僧自大門引入堂群卿大夫皆在禮堂大娘宮君諷誦沙金已兩納銀壺裘青朽葉  
紗付五葉松枝中宮(穩子)職調布二百端後院息所(褒子)調布百端按察大納言(仲平)左衛門督  
(保忠)各百端右近權中將賴朝臣錢十貫中君調布二百端右兵衛佐師輔朝臣信濃布百端師  
氏朝臣調布二百端各諷誦了名香以青朽葉羅髮中宮御諷誦使亮元方朝臣(已上)出史  
延長八年庚寅四月朔日唐客稱東丹國使着丹後國令問子細件使答狀前後相違重令復  
問東丹使人等本雖為渤海人今降為東丹之臣而對答中多稱契丹王之罪惡云云一日為人  
臣者豈其如此乎須舉此旨先令責問今須令進過狀仰下丹後國已了東丹國失禮義件  
年春夏疫癘甚盛 六月廿六日未時大納言民部卿藤原清貫(年六十四參議保則之四男也)并右中辨內藏頭平希  
世及近衛二人於清涼殿為雷被震主上惶怖玉體不念遷幸常寧殿座主尊意依勅候於禁  
中每夜獻于加持皇帝夢云不動明王火焰赫奕威猛厲聲加持聖體夢內尊重覺後聞陀羅尼  
聲此則天台座主尊意也勅左大臣曰朕夢如斯台山座主此不凡人(已上) 九月廿二日壬午  
天皇年卅六禪位皇太子寬明親王或記曰延喜天皇御製曰勿多酒飲又會人唯陳要事勿多  
言語又家內身中貧富善惡之事不可輒披談又交衆之間為公家及世人雖非殊譏而有言



不善之輩、如然之間、必避座而却去、若避座無便、守口攝心、勿預其事、縱人之善、不可謂之、况乎其惡乎、又縱有人、甲與乙有隙、若好件乙、則甲結其怨、又勿伴高聲惡狂之人、常重情貴身、不可行輒輕事、又勿為大怒、心中雖怒、思又勿生慢逸之心、喜怒之心、敢無余過、又始自衣裳、至于車馬、隨有用之、勿求美麗、不量己力、勿好美物、德至力堪、何有之、又輒不可借用他人之物、若要事有限、有借用、其後不過、時剋、早以返送之、又乞不可乞之人、共不可共之物、非只一家之害、必諸人之謗、又他與他相陳、善惡二事、橫不可加言、又他人所言、我以彼同言、不可陳之、又不我所知之事、不可執行、又相對言談之外、不可見人顏之、已昌泰元年如來滅後一千八百四十七年、

二共字一古本作失

情或六作慎

扶桑略記第廿四終

裡書

延喜十八年 正月一日乙亥日食廢務仍无朝賀 七日依去年朔旦叙位 无今日叙位 三月十九日壬辰自來月一日可制止火色之由官旨下知檢非違使但以紅在大一斤為染一疋之色者 六月二十四日乙丑申刻露露落入於東寺僧房乾方翻柱三本驚叫問出錢壞其棟摧損壇石又命堂焦壞大佛光并座等出 同月二十九日庚午大納言源昇卿薨(十三)七月十日治部卿近善卿薨 八月一日辛平日食廢務 十四日夜五條后宮松林佛僧鳥鳴衆人聞奇異自去三日講法華經 十六日丙辰自選明至十七日曉風雨猛烈樹木舍屋摧損澁河水如海牛馬人物漂沒尤多雨不絕數日忽成此災鴨河水車馬不通溺死者又多云云 廿日庚申召寮占霖雨由乾方陰依汗穢所致云云 十月十五日奉敕刑部卿長猷薨由是可自辨官入太宰府解壹岐島言上怪異等解文云西南方彗星二三夜見又長比賣明神社住吉明神社如大鼓鳴動從體美石出寶殿在地上高在神名神內亂警炎光照耀指身弄去下等申云彼島內疾兵革古老云寬平六年二月彗星見月新羅賊來損人物擾吏民察云兵賊驚者 十九日己未行幸北野皇太子相從之 十二月廿二日右大臣召曆博士等令勸申明年正月一日日食可廢務否之由 廿八日博士等令勸申同日日食可廢務否由博士等申云依宗公申夜食不可廢務之由定申又召外記仰云止朝拜者

十九年 正月一日庚午無朝賀天皇御南殿 五月廿三日己丑武藏國飛驒到來其狀云前權介源任運取官物燒亡官舍製可修讀經之由 廿二日丁巳行幸大極殿臨幸幣伊勢依祈雨也 廿四日召官寮卜不雨之由坤巽辰戌近陵有汗穢即召檢非違使 廿八日癸亥依祈雨奉幣龍穴社又自今日於神泉苑修請雨經法 廿九日奉幣山科山陵被謝申伐樹事也 七月五日庚午酉刻日色赤黑其光不明又昨今之月色不似月之光 八月廿七日近衛東二條以北井原皆涸

二十年 七月十四日癸卯依祈雨被立諸社幣使 十九日行幸八省奉遣伊勢臨時奉幣依咳病并甘雨祈也 八月廿日戊寅召官寮有御卜是賀茂藤原賴子薨卒給崇有無之由也又依止雨丹生貴布禰奉幣定 九月九日重陽宴停止依諸國損不堪去夏咳病等也 廿四日參議良岑衆樹卒 十月廿八日丙戌承明門東殿納御匙辛禰聲如振動三度即察不御占 十一月廿一日戊申奉幣十二社從去閏六月為止咳病依祈申也

廿一年 正月一日戊子无朝賀天皇御南殿 五月七日中納言源常時薨 六月一日乙卯日食廢務 十月廿七日己卯依權大僧和觀賢申有贈大僧正空海諡勅書事弘法大師之納言平惟扶著勅書向紀伊國金剛峰寺

廿二年 正月一日壬午天皇御南殿依雨濕止朝拜 五月五日節會依京中病苦停止 廿九日依京中病死於十一社請僧十日自今日三箇日可禱仁王經之由被定 六月五日聖馬島新羅到來早可從却歸之由官符給宰府了七月十三日依旱災自明日五箇日於神泉苑可修請雨經法僧廿日十九日召官寮有御卜依旱也又請雨經二箇日九月二日己卯渤海客女詣越前之由進解文 十月十日癸亥鳥昨拔時杭於神人所由從卜 十四日依養宮寮失火事奉遣伊

雨經下或本有  
八月五日依祈  
雨被奉遣宣命  
使於山陵等



勢臨時幣帛使 廿三日丁卯被定諸國不堪風水使是日虹立待從所門外

廿二年(延長元)正月廿七日壬寅自今日至來廿日於南殿有大殿若御讀經事依咳嗽御祈也僧百口二月九日五畿諸國可祈咳病由給官符 廿一日參議藤原兼茂就陣孟酌之後俄中風倒臥纏出私宅三月七日遂卒去四月八日壬子以名僧卅口於官廳讀金剛般若千卷是去三月廿九日鳥巢彼正廳梁上有御占修之 閏四月廿二日丙申依疫癘奉幣諸社 五月十七日庚申太白晝見 十八日有仁王會事依咳嗽也 廿日未刻人魂自北垣異行又奇雲自東山巨西山其色白黑 廿二日乙丑不知名白虫飛竟飛東大路北從三條間南及六條竟大路正中如曳帛長六分落死者多 八月廿日依霖雨奉幣諸社 十月一日辛未日食廢朝

二年 四月廿六日夜東宮町之西邊待資門北陽明門大路南人家九十餘家失火 五月七日甲辰雨加沃終日不止京中洪水鴨河往還不通 八月四日風雨猛烈公卿不參往還煩 十月十七日壬午戌時白虹亘四天 十二月十七日戊戌刻地震

久其

三年 三月廿七日山城國獻白鳥外記勅申先例 五月六日丁酉中納言橋澄清薨(六十七) 六月十三日甲戌御病病正僧增命及親王公卿等侍又被定諸社御讀經事依祈雨也 同月廿一日至廿三日天皇不視事依皇太子事也又上卿參連彼定文章博士橋公統博士各道助教秦維興等勸申各坊官等也官兼任者近習公卿大夫等可有期年服以否之由公統云不可善脩道云可善而此異論矣有一定又令公統勸申幼稚太子贈謚號之例即申晉時慈懷太子號冲太孫之由然而不被讀謚號 七月十六日丁未神泉御修法三箇日遂无雨仍自今日延二箇日 廿一日壬子去今兩月旱魃仍於神泉苑并十五大寺有供諸寺祈雨暫不降而去十六日於比叡山被修請雨經法 然間自今夜子時雨快降是感應也又酉刻塞神泉苑水但紀伊郡古老等申下神泉水之時必雨降 十月三日官奏千刻雷雨殊甚

四年 正月一日戊午午刻地震 四月十九日乙未刻地震 九月十九日戊戌尾社四至木者召過狀給檢非違使 十一月六日己未北野行幸事

五年 正月三日付侍所奏兵部卿敦國親王薨由四月十日申山崎橋二間斷壞人馬數十死損之由 十七日丁酉賀茂祭也上卿參入被定內職助仲連為齋院長官山城守介依病不供奉以豫一人可替任其替之由 廿三日癸卯北山自然生殺世為帝有諸人聞之收過者莫不滿荷即云數日雖取不盡云云 六月四日癸未被定造東大寺長官并山崎橋等事內匠允作彥真等為造橋使又左大臣宣云內藏寮中犬昨入小兒足二腰皮纏懸令勸穢否之由貞觀十九年四月有如此之例彼時不為穢行諸祭自今以後有如此之事不可為穢者 十二日卯刻左大臣倚子并奏上鳥遺失令占凶也 廿七日丙午依祈雨臨時奉幣諸社仍廢後 七月三日去廿八日燒亡五位已下給物有差

六年 今年住吉遷宮 四月十七日卯時地震 五月二日丙午坂田郡山津照子乃明神犬上郡山田明神位託請印 十七日辛酉依京中諸國咳疫事臨時御讀經定 八月一日癸酉日蝕廢朝 閏八月一日癸卯召陰陽寮令占申近日旱魃事 廿九日

過者上或本有者多取三字

七年下或本分注有五月廿日戊子下野國言上藤原秀鄉等濫行可亂勸之由國可差向人兵等官符五通請印三合下或本有五畿七道

驚或本作驚

辛未神泉鹿仰六府并左右京令追放北山雖然鹿不出 九月四日丙子天台山捕送白鹿二頭 依勅令放神泉 十一月九日庚辰有內中階大神奉授正四位下也

七年 七月廿六日癸巳從午後大風暴雨終夜殊烈京中損壞不可勝計鴨河葛川邊人物流亡鴨河堤潰斷未流入東京舍屋類溺損尤多山崎橋六箇斷壞了昔大同仁壽比雖有此災不及此云云 八月一日去月廿六日流損山城百姓等以正稅稻萬束可賑給之由宣下癸三日己亥依霖雨召神祇官有御占 五日辛丑為止雨於七寺并延曆寺三箇日可讀般若之由又依官寮占申五箇所神付在國令祈霖雨之由依內裡穢也 廿九日乙丑為止雨奉幣諸社 九月九日止重陽宴依損年也 十月十五日庚戌日華門內奏時統一枚紛失 十一月十七日壬午去十五日紛失時統自承明門內鳥昨落云云 十二月廿九日甲子明年依當三合奉幣神祇可讀經佛寺之由下官符了

八年 正月三日戊辰丹後國言上渤海客則來由左大臣參被定召否之由 件客九十三人去年十二月廿三日嘗丹後國竹野郡同八日參議源悅覽 同廿日乙酉渤海客船修造料并若狹但馬結番以正稅可饗同客也 二月六日庚子以米百石穀四百石賑給左右京病者窮人等但件米內以五十斗每條炊飯給之為飢急者也十四日戊申仰檢非違使并左右京令安置施藥院悲田殿曲殿并有便宜所等窮人即下大藏古幣幔掃部古帖等稟院米五石大膳鹽二斗被資給病人今依疫癘入民多愁苦道路故也仁惠之深已及黎庶 廿四日臨時御讀經又於豐樂院自今日七箇日有御修法事依祈京中疫癘也 廿九日敦慶親王薨 三月八日壬申去月廿八日兵庫鳴怪有御占申西戌亥方國國兵革事云云 同九日无品儼子內親王薨 四月五日左大臣家有失火事 廿一日甲寅自今日七箇日於豐樂院有灌頂經御修法事依疫癘也五月一日甲子為祈疫癘臨時奉幣伊勢太神宮并諸社仍廢務 同十七日庚辰被修有供無施臨時仁王會仍廢務是為消除疫癘也 廿四日丁亥如虹色繞日 六月一日癸巳廢務 十二日甲辰甲時紫宸殿異角并太政官東廳坤角虹立召察占申西方兵革失火之由 十四日丙午藏人頭有相朝臣仰外記云去九日大極殿內梁上驚居察占云于午辰戌年公卿可有病者此由令告之 十五日夜子刻月食 同廿日壬子左大臣參入仗座召祭主與生仰云於神祇官西院可降雨之由可祈申京畿諸神其真有祭主祈 同廿三日未刻中京內諸人告東京一條以下六條以上失火氣云云仍巡檢即無由無實九似天言也 廿六日戊午左大臣參仗座召外記宣云奉勅炎旱涉旬田畝焦損爰京南島羽等欲導神泉池水若不許容恐失民業宜令少納言長卒遠視卒六府舍人以下准承前例通池水流已了是日申一刻雲薄雷鳴諸神立陣左大臣以下群卿等起陣侍 清涼殿殿上近習十餘人連膝但左丞相近御前同三刻早天降陰雨濛濛疾雷風烈閃電照臨即大納言清貫卿右中弁平希世朝臣震死傍人不能仰瞻眼或魂迷或呼或走云云先是登殿之上舍人等俱於清涼殿逢霹靂右近衛忠兼死形體如焦二人衣服燒損死活相半良久遂無恙又雷火着清涼殿南簷右近衛茂景獨撲滅申四刻雨晴雷止臥故清貫卿於部上數人肩昇出式乾門載車還家又荷希世出簡明門外載車將去上下之人親如堵壩如此騷動未嘗有矣 七月五日丙寅雲歛天晴雷聲殿殿 八日午刻月見 十五日酉刻流星差良方渡俗云人魂也 廿日辛巳雷鳴雨風殊烈龍尾道高欄倒 廿一日於延曆寺被造始白檀五大尊高五寸依天皇御藥所被行也 八月九日庚子被定度者五百人事依御藥也 十一日壬寅定來十三日前奉幣使依御藥也准弘仁七年九月元慶二年三月例也 十二日弁官西戶梁上鳩巢察占云凶也 十七日戊申廣瀨社祭廢朝也去月依穢延引又穢奠內論議博士等依廢務日還遣之無先例由記申云云 十九日庚戌依修驗之聞召河內國志貴山寺住沙彌命蓮令候 兵衛陣



爲加持候御前 廿一日壬子自今日七箇日有御修法事依御藥也僧二十三人 九月七日丁卯天皇不豫左右大臣夜居  
十六日丙子鳥咋拔時杭二枚陰陽寮占凶由 廿二日壬午有雀讓位事依御藥危俄有此事人人拭淚 廿九日己丑依御  
懼危遂落筋歸真未刻崩  
于右近衛府御年四十六

扶桑略記第廿五

朱雀天皇 六十二代 諱寬明 治十六年 王子女一人 无節位

紀畧作第十一  
之子

紀畧作山科山  
陵

紀畧無失字

五月下名勝志  
引有十五日三  
字終有分注  
出供養記四字

醍醐天皇第十三子、母關白太政大臣基經四女皇后穩子、延長八年庚寅九月廿二日壬午、生年八  
歲受禪踐祚、同日、左大臣藤原朝臣忠平、詔爲攝政、時年五十一也、廿七日丁亥、先帝出宮、移御  
於右近衛府大將曹司、廿九日、太上天皇崩、醍醐四十六十月十日、葬後山科山陵、十一月廿一日、天皇  
於大極殿即位、  
延長九年辛卯四月廿六日、改爲承平元年、母儀中宮爲皇太后、七月十九日、太上天皇崩、年六十  
院 八月五日、火葬山城國葛野郡大內山、依遺詔不造山陵、不入國忌、是歲、吳竹枯失、  
承平二年壬辰八月四日、右大臣藤原朝臣定方薨、十六 十月廿五日、御禊鴨川、十一月十六日、  
大嘗會、近江丹波供奉其事、  
承平三年癸巳五月、東光寺內、更立一堂供奉之、并供奉一切經論、其地爲體、誠是幽閑、清泉遠  
階、觀念之月自泛、祿苔滿地、座禪之茵遍鋪者也、唱梵唄而連音、不改靈山之舊跡、揚題名而  
分響、自寫竹林之遺風矣、  
承平四年甲午春、弘徽殿前柿樹鳥作巢、爲令移去、勅座主尊意、令修不動法、從第三日、鳥日  
日昨巢飛去北山、七日之內、悉以昨去、已上 三月廿六日、於常寧殿、有太后穩子五十御賀、  
十月十九日、雷火燒亡東大寺西塔、  
承平五年乙未九月時司時申算一枚鳥昨飛去、御占云不吉、於常寧殿、嘔座主尊意、七日之間令



慈惠傳為承平七年

望之云且恐亦漏一本作浦

康保三年條云承平五年觀山中堂燒亡

淑仁紀畧作淑人 大介作守

紀畧內膳司屋顛倒壓死者四人

宛一本作充亦作且

修不動法、至第五日、烏昨算飛來、置本所而去已上。十月、興福寺維摩會、講師天台基壇其時良源大法師、為訪講師匠、得向奈良京、于時勅使左中辨藤原在衡僉議云、良源是台山之龍鳳也、義昭且南都之鷲子也、弁論之道、古今希類、為第一番、互決雌雄、於是良源言泉浪漏、流懸河弁、南北英才、共歸其德、其後嘉聲播揚、鼓動天下已上。傳文。承平六年丙申三月六日、比叡山根本中堂火災、并傍堂舍四十餘宇燒亡、但藥師佛像等、衆人扶出不燒、建立以後、百五十五年云々、一云五年燒。夏六月、南海道賊船千餘艘浮於海上、強取官物、殺害人命、仍上下往來、人物不通、勅以從四位下紀朝臣淑仁、補賊地伊與國大介、令兼行海賊追捕事、賊徒聞其寬仁汎愛之狀、二千五百餘人、悔過就刑、魁帥小野氏寬紀秋茂津時成等、合卅餘人、手進夾名、降請歸伏、時淑仁朝臣、皆施寬恕、賜以衣食、班給田疇、下行種子、就耕教農民、烟漸靜、郡國興復。八月十九日、攝政左大臣藤原朝臣忠平任太政大臣、年五十七。廿二日、右大臣藤原朝臣仲平任左大臣、年六十四、同日、大納言藤原朝臣恒佐任右大臣、年五十九、左大臣良世之男也。

承平七年丁酉正月四日丁未、天皇元服、年十五歲。五日、幸大極殿、受朝賀。承平八年戊戌四月十五日、地大震動、天下舍屋多以顛倒、地震之間、內膳司人死去、依件觸穢、停賀茂祭、陰陽寮占云、東西可有兵革。五月五日、右大臣藤原朝臣恒佐薨、年六十一。同月洪水、廿三日、改為天慶元年、尊意座主傳云、僧平仁生年八十有餘、諸弟子中、最一之膺、年齒長大、受戒以降、轉讀法華、至終无倦、一生以瓦器為齋食之具、晝夜以一疊宛居息之藉、麻衣以外、

亦无餘服、情操質朴、永離希望、天慶元年、平仁以夢想、告啓尊意和尚言、平仁得兜率請、其文云、為修法華會、早以可參者、奉諾之由、返報已畢、平仁候和尚前、今日許也、唯有一恨、和尚之前仁之去乎、和尚平仁、遞以悲哀、還私房、後、無疾奄逝、臨終之日、告弟子曰、太虛之中、有伎樂聲、汝等聞否、兜率之迎、已以到來、容色恣遠、言畢氣絕已上。尊年代曆云、天台山東塔法華三昧堂僧平忍、座主尊意和尚入室弟子也、至性潔白、不染俗塵、閉戶閑居、不好外遊、晝還於房、夜參於堂、專讀誦法華經、此外無餘時、詣於師言、平忍今日可生、兜率內院焉、無言歸去、座主驚異、語僧信賢云、平忍之言、頗以可奇、若風痾更發、神心違、例歛、相送白米和布味噲等、可問訊之、送使還來言、平忍已以入滅、告弟子曰、虛中聞樂、汝等聞否、兜率迎到、言畢氣絕、座主尊意歎言、聖人陰德、凡慮難測已上。

天慶二年己亥、夏比炎旱經旬、田畝難期、仍勅法務大僧都尊意座主云、准先年例、修尊勝法、祈禱甘雨、必致感應者、自七月十五日、於延命院、五箇日間、率廿口僧、勤修伴法、至第五日、雨澤滂沱、賞以度者廿二人矣已上。尊座主傳。或記云、栗田山之東、山科里之北、有一仁祠、號藤尾寺、南有別道場、伴道場有一尼、自先年奉造石清水八幡大菩薩像、安置尚矣、凡厥靈驗、觸事多端、仍遠近僧尼、貴賤男女、歸依如林、輻湊成市、彼石清水本宮、每至八月十五日、弁設一會、號之放生、上下諸人、莫不來會、而伴尼同日更設此會、晝則迎伶人、盡音樂之妙曲、夜則請名僧、傳菩薩之大戒、飲食引物、盡善盡美、布施供養、如山如岳、因茲僧徒樂人、難向本宮、本宮法會、頗以寂寥、爰本宮道俗相議云、菩薩廣德、普覃法界、彼尼宿慮、非可制止、但設法會於同

栗賜本作粟或記即外記日記文

一本脫音字或本同望之云當依古事談補舞字今昔物語世一載此事云微



妙半音樂ヲ奏  
歌舞ヲ調ヘテ

望之云據小野  
宮年中行事此  
所引或記即外  
記日記也  
或所下或本有  
又字

印一本作官

將門記上總守  
常陸守並作介

日成障礙於本宮源流細而未流深本根小而枝葉大今此所行為之如何云本宮牒新宮云  
大小之事曾無所禁抑同八月十五日是本宮放生會之日也乞改他日行新宮會事云々而伴  
尼蔑爾本宮之告經年無所改定爰八月十二日本宮道俗數千人向伴山科新宮壞弃其神  
社打縛彼尼身至于其靈像奉移石清水本宮即捕尼身將去本宮云々或記云同九月二  
日丙午注之近日東西兩京大小路衢刻木作神相對安置凡厥體像髣髴丈夫頭上加冠鬢邊  
垂纓以丹塗身成緋衫色起居不同遞各異貌或所作女形對丈夫而立之臍下腰底刻  
繪陰陽構几案於其前置坏器於其上兒童猥雜拜禮慙慙捧幣帛或供香華號曰岐神又稱  
御靈未知何祥時人奇之也十一月廿一日陸奥鎮守府前將軍從五位下故平良持之男將門  
謀叛亂逆率千餘人兵軍討取於常陸國合戰舍宅皆悉燒廻蟄屋燒者迷烟不去遁火出者  
驚矢還入凡一國人物一旦燒滅矣同廿九日將門還豐田郡鎌輪之宿長官詔使令住一家雖  
加慰勞寢食不穩于時武藏權守與世王竊議將門云雖討一國公責不輕虜掠坂東且待  
僉議將門報言所思然也須奪諸國印鑑一向領之十二月十一日將門率數千兵就下野國  
廳時守藤原弘雅前司大中臣定行等兼見擬奪國氣色先拜將門使擊印鑑差幹了使追  
長官於京都同十五日將門遷上野國國司藤原尚範被奪印鑑追却國司其後領府入職固  
四門陣且行諸國除目賊主將門恣行合戰章云下野守平將賴將門上野守多治經明別當上總  
守與世王武藏下總守平將為常陸守藤原玄茂相模守平將文伊豆守平將武安房守文室好立又  
定可建王城之處下總國猿島郡石井鄉南亭可為都朝又左右大臣納言參議文武百官六弁

縣一本作贖或  
本作懸

顯或本作省將  
門記古事談同

珍一本作族  
作誅或本作殊

勳賜本作勳

八史皆以點定但所闕曆博士耳又以書狀進寄太政大臣其狀云將討滅一國罪科可及百  
縣因茲候待朝議之間且虜掠坂東諸國畢伏檢昭穆將門栢原帝王五代孫也縱永領半國  
豈謂非運哉昔振兵威取天下者皆史書所見也將門天之所與既在武藝而公家頗無褒  
賞被下譴責之符顧身多耻面目何施推而察之甚以幸也將門少年之日奉名簿於太政大  
臣殿下數十年間致勤公誠然相國攝政之世不意舉於此事歎念之至不可勝言將門雖萌  
倍君之謀何奉忘舊主貴閭且賜察之幸也以一貫萬將門謹言天慶二年十二月十五日平  
將門上謹謹上太政大臣少將閻賀息下已其後將門武藏相模等巡檢皆領印鑑可勤公務之由  
召仰留守國宰等已畢爰天下騷動古今無雙或占居於幽岩之阿或惜別於夫婦之間往來絕  
跡餓死滿途天慶二年庚子正月十一日官符云太政官符東海東山道諸國司應有殊功  
輩加不次賞事右平將門積惡彌長宿暴暗成猥招烏合之群只宗狼戾之事冤國宰而奪印  
鑑領縣邑而事抄掠輕俠之黨愚惑之徒或欲免一朝之辱自赴勤誘之屬或擬延片時之命  
多入劫略之中將門不顧微分還忘朝憲遂恣逆亂之意更夾窺窬之謀縱有帶甲之千萬何  
犯畫象之化縱有驍勇之數百何越紆帶之城獨知井底廣空忘海外之守開關以來本朝之  
間叛逆之甚未有此比適懷異心之志空遇殄滅之誅皇天自可施天誅神明何有秘神兵抑  
一天之下寧非王土九州之內誰非公民官軍點虜之間豈無憂國之士乎田夫野叟之中豈  
無忘身之民乎者左大臣宣奉勅宜仰國宰若殺魁帥者募以朱紫之品賜以田地賞永  
及子孫傳之不朽又斬次將者隨其勳功賜官爵者諸國承知依宣行之普告遐邇知此



由符到奉行、從五位下右大史尾張言鑿、右少弁正五位下兼行內藏頭源朝臣相職、已同月廿二日、善相公男定額僧沙門淨藏、爲降伏將門、於延曆寺首楞嚴院、期三七日、修大威德之法、然聞將門帶弓箭、現立燈盞、人々見驚、然鑄聲自壇中出、指東去畢、淨藏既知將門降伏、公家被修仁王大會、淨藏爲待賢門講師、其日京洛騷動、將門之軍、只今既入京都、淨藏奏曰、將門之首、今日持參也、者果如其言、已上 廿四日、有勅遣延曆寺阿闍梨明達於美濃國中山南神宮寺、令修調伏四天王法、擢授內供奉十禪師、于時燒香之煙、遍滿寺中、助修僧侶卅人、各掩其鼻、將門被誅之日、臭香滿國、結願之時、賊主將門、其首到來、松尾明神託宣曰、明達者遣唐使阿倍仲丸後身也云々、又世相傳云、於東大寺羅索院執金剛神前、七大寺諸僧集會、祈請將門調伏之由、然間數萬大蜂、遍滿堂內、迅風俄來、吹折執金剛神之髻系、數萬之蜂、相隨髻系、向東穿雲飛去、時人皆謂、將門誅害之瑞也、一云、東大寺羅索院後、有等身執金剛神之像、頭光右方天衣切落、古老云、天慶之比、有平將門、謀危國家、兵革無絕、公家爲免其難、祈請此寺、神像已隱廿餘日、寺家稱恠、屢經奏聞、疑合戰之不利、彌以恐怖、不經幾日、像已立本壇之跡、見其天冠之飾、右方已缺落、又其身濕如流汗、現爲賊被射損之相也、依此祥異、遂梟將門之首、又公家於大膳職、被修小栗栖法琳寺之大元法、古老傳言、壇中血出云々、凡神社佛寺祈請事等、不可勝計、二月八日甲辰辰刻、主上出御南殿、賜征夷大將軍右衛門督藤原忠文節刀、下遣於坂東國、即以參議修理大夫兼右衛門督藤原忠文、爲大將軍、世謂宇治民部卿是也、刑部大輔藤原忠舒、右京亮藤原國幹、大監物平清基、散位源就國、同經基等、爲副將軍、并下總權少掾平公連、藤原遠方等同

將門記作迷三兵之手散於四方之野

合戰章以下十  
二字一本分注  
古事談同  
自將門記作暗  
有被字編年記  
一本事談同  
是也  
尼下或本賜本  
有呪字

恒時一本作恒照

不可賜本作未

下遣也、爰官使未到間、二月一日、下野押領使藤原秀鄉、常陸掾平貞盛等、率四千餘人兵、一云七萬九千人兵於下野國、與將門合戰、時將門之陣、已被討靡、迷三兵手、遁身四方、中矢死者數百人也、同十三日、貞盛秀鄉等、至下總國、征襲將門、然將門率兵、隱島廣山、爰貞盛等、始自將門之館、至于士卒之宅、皆悉燒廻、十四日未刻、於同國、貞盛爲憲秀鄉等、弃身忘命、馳向射合、于時將門忘風飛之步、失梨老之術、即中貞盛之矢、落馬、秀鄉馳至、斬將門頸、以屬士卒、貞盛下馬、到秀鄉前、合戰章云、現有天罰自中神鏑、其日將門伴類、射殺者一百九十七人、擒得雜物、平楯三百枚、弓胡籙各百九十九、具太刀五十一柄、謀叛書等、已上 同月廿四日、天台座主大僧都尊意卒、年七十七、俗姓息長丹生真人、左京人也、歲及六七、好讀文書、村邑諸童、推而爲首、口唱南無、心樂山林、不啻魚肉、不害羽毛、隣家有翁、授以千手陀羅尼、幼少之心、常以誦誦、北山有幽遠堂、號曰度賀尾寺、登彼道場、三箇年間、不歸親家、日夜不斷、誦千手陀羅尼、元慶三年九月十四日、生年十四、始登叡山、到增全房、師見器量、授以經卷、教以義章、同六年、生年十七、習學優長、文義兼通、四月八日、落髮出家、其後處處靈驗、聖跡巡禮、仁和三年四月十三日、年廿二、從天台坐主圓珍和尚、受具足戒、隨增全阿闍梨、受兩部大法等、重就玄昭律師、稟三部秘法等、苦行有餘、効驗無雙、臨終前日、剃髮沐浴、漸及晡時、命弟子恒時曰、余此界之緣已盡、他生之期將至、余從少年、歸依觀音、敢無兩心、汝及黃昏、誦千手陀羅尼、加持我身、偏憑汲引、年來之頃、願生極樂、今改蓄念、欲生兜率、又含藥叡大德等曰、葬送之法、不擇日時吉凶、不用陰陽鎮地、管加持淨水、誦五字呪、洒其點地、結四方堺、又我弟子等、四十九日間、集居舊房、不可念佛、各



從五位上將門  
記作正五位上  
編年記等同

住自房修學莫退，明日及于寅刻，悉脫上下內外之衣裳，更着清淨新潔之法衣，洗手嗽口，步出乘輿，赴習禪房，無惱入滅，閣維之間，聊無臆氣，來集之人，皆稱奇異。廿六日，公家贈僧正職，勅使少納言源朝臣泉房前宣命。廿九日，奏將門誅殺之由。三月九日乙亥，即賞藤原秀鄉、叙從四位下、兼賜功田、永傳子孫，更追兼任下野武藏兩國守，又平貞盛叙從五位上，任右馬助，又告人源經基叙從五位下，兼補太宰少貳。廿五日庚申，將門之頭，進於洛都。十一日，令修毘沙門天調伏法，引率廿口伴僧。時海賊純友等，遂以捕得純友追討記云。伊豫掾藤原純友，居住彼國，為海賊首，唯所受性，狼戾為宗，不拘禮法，多率人眾，常行南海山陽等國，濫吹為事，暴惡之類，聞彼威猛，追從稍多，押取官物，燒亡官舍，以之為其朝暮之勤，遙聞將門謀反之由，亦企亂逆，漸擬上道。此比東西二京，連夜放火，男送夜於屋上，女運水於庭中，純友士卒，交京洛所致也。於是備前介藤原子高，風聞其事，為奏其旨。天慶二年十二月下旬，相具妻子，自陸上道，純友聞之，將為害子高，令郎侗文元等追及攝津國菟原郡須岐驛，同十二月廿六日壬戌寅刻，純友郎等放矢如雨，遂獲子高，即截耳割鼻，奪妻將去也。子息等為賊被殺，公家大驚，下固關使於諸國，且放純友，給教諭官符，兼預榮爵，叙從五位下，而純友野心未改，猶賊彌倍，讚岐國與彼賊軍合戰，大破，中矢死者數百人，介藤原國風軍破，招警固使坂上敏基，竊逃向阿波國也。純友入國府，放火燒亡，取公私財物也。介國風更向淡路國，注於具狀，飛驒言上，經二箇月，招集武勇人，歸讚岐國，相待官軍之到來。于時公家遣追捕使，以右近衛少

放一本賜本作  
於古事談同  
倍十訓抄作  
軍破或本賜本  
軍作敗

擊或本作擊古  
事談同  
陸地或本作陸  
更或本作吏

將小野好古為長官，以源經基為次官，以右衛門尉藤原慶幸為判官，以右衛門志大藏春實為主典，即向播磨讚岐等二國，作二百餘艘船，指賊地伊豫國，於是純友所儲船，號千五百艘，官使未到以前，純友次將藤原恒利，脫賊陣竊逃來，着國風處，件恒利能知賊徒宿所隱家并海陸兩道通塞案內者也，仍國風置為指南，副勇捍者令繫賊，大敗散，如葉浮海上，且防陸地，絕其便道，且追海上，認其泊處，遭風波難，共失賊所向，相求之間，賊徒到大宰府，更所儲軍士出壁防戰，為賊被敗，于時賊奪取大宰府累代財物，放火燒府畢，寇賊部內之間，官使好古，引率武勇，自陸地行向慶幸春實等，鼓棹自海上赴，向筑前國博多津，賊即待戰，一舉欲決死生，春實戰酣，裸袒亂髮，取短兵，振呼入賊中，恒利遠方等，亦相隨逐入，截得數多賊，陣更乘船戰之時，官軍入賊船，着火燒船，凶黨遂破，悉就擒殺，所取得賊船八百餘艘，中箭死傷者數百人，恐官軍威，入海男女，不可勝計，賊徒主伴，相共各離散，或亡或降，分散如雲，純友乘扁舟，逃歸伊豫國，為警固使橘遠保被擒，次將等皆國々處々被捕，純友得捕，禁固其身，於獄中死。月日不詳。八月廿七日，尾張參河遠江三箇國，封戶各十烟，有勅奉寄伊勢大神宮，又被寄員弁郡，是亂逆間為遂，賽也。同月，有風雨災，年穀不登，人庶大飢。十二月廿五日，律師義海為延曆寺座主。

天慶四年辛丑春二月，相當酉方有星，其光如白虹，本細末漸廣，程十里許，經二箇月，其號曰穗垂星，其秋年登，天下頗豐。道賢上人冥途記云，弟子道賢，以去延喜十六年春二月，年十有二，初入此金峰山，即於發心門椿山寺，剃髮改衣，斷絕鹽穀，龍山六年，爰得風傳云，母氏頻



沈病痼，戀泣不休云々，因之以同廿一年春三月，出山入洛，自後年中一般踏攀不倦，自彼入山之春，至于今年之秋，此山勤修，既及廿六箇年也，年來天下國土災難非一，隨見觸聞，身半如死，加以爲<sub>レ</sub>囚，物怪夢想，紛紜不休，天文陰陽，頻告不祥，仍爲<sub>レ</sub>蒙靈驗之助，拋萬事，攀登此山，從深彌深入，企強信精進，是則先爲<sub>レ</sub>鎮護天下，後誓念身上也，更結三七日，無言斷食，一心念佛，于時天慶四年八月二日午時許，居壇作法之間，枯熱忽發，喉舌枯燥，氣息不通，竊自思惟，既言無言，何得呼人，泣唯作息，思惟之間，出息已斷也，即命過出立，峒外口負荷佛經，如入山時，眼廻四方，見可行方之間，峒內一禪僧出來，手執金甌，盛水與弟子令服，其味入骨髓，甚甘善也，其禪僧云，我是執金剛神也，常住此窟，釋迦遺法守護，我感上人年來法施，忽往雪山，取此水而施而已云々，又有數十天童子，種々飲食，盛大蓮葉，捧持侍立，禪僧云，是所謂廿八部衆也，須臾之間，從西岩上，一宿德和上來下，即申左手，授弟子令執，相導直道，攀登於岩上，窮雪數千丈，適至其頂，見即一切世界皆悉下地也，此山極最勝，其地平正純一，黃金光明甚照，北方有一金山，其中有七寶高座，和上至畢，座其座，大和尚曰，我是矣尼化身藏王菩薩也，此土是金峰山淨土也，汝餘命非幾，競命修善，人身難得，誤莫邪行，佛子言，愚暗之身，不惜命盡，但恐建立道場，未究竟命過哉，願示其餘算，又歸何佛，修何法，當得增壽命，菩薩取短札，記八字賜之，其文云，日藏九々年月，王護菩薩曰，佛子汝命，如浮雲懸山，離散浮空，易斷，汝命且爾，在山修行長遠也，住里懈怠短促也，日藏者所聞尊與法也，依尊之法，早改汝名，九々者余命也，年月者長短也，王護者加被也，汝護法菩薩爲師，重受淨戒，于時有自然光明照耀，其光五色，

缺字或本賜本作擔

大政天曰賜本作丈夫曰

天或本賜本作大梅城錄作火下文同

菩薩曰，日本太政威德天來也，須臾之間，從西山虛空中，千萬人衆來，宛如天王即位行幸之儀式，侍從眷屬，異類雜形，不可勝計，或如金剛力士，或如雷神鬼王夜叉神等，甚可怖畏，各持弓箭，稍無量鎌杖也，太政天欲退出時，見佛子云，此佛子欲相示我所住大威德城，還遣如何，菩薩許之，即相共乘一白馬，行數百里，有一大池，其池中有大島，廣百里許，其內有八肘方壇，々中有一蓮花，其花上有寶塔，塔內安置妙法蓮花經，東西懸兩部大曼陀羅，佛經之莊嚴，不可稱盡，又見北方有一大城，光明照耀，是太政天宮城也，無數眷屬，皆入侍護其中，大政天曰，我是上人本國管相府也，卅三天呼我字日本太政威德天，我初相當愛別離苦之悲，非不動我心，故我欲惱亂君臣，損傷人民，殄滅國土，我主一切疾病災難事，我初思念用我生前所流之淚，必滅彼國，遂爲水海，經八十四年後，成立國土，爲我住城也，然而彼所有普賢龍猛等，盛流布密教，我素愛重此教，故昔日怨心，十分之一息也，加以化身菩薩等悲願力故，假名神明，或在山上林中，或住海邊河岸，各盡智力，常慰喻我，故未致巨害也，但我眷屬十六萬八千惡神等，隨處致損害，我尙難禁，况餘神乎，佛子言，我本國之人，上下俱稱火雷天神，尊重猶如世尊，何故有此怨心乎，太政天曰，彼國我爲大怨賊，誰人尊重，而彼火雷天氣毒王，我第三使者名也，自我不成佛之外，何時忘此舊惡之心也，若有居我在世時所帶官位者，我必令傷害之，但今日爲我上人，遺一誓言，若有人信上人，傳我言，作我形像，稱我名號，有慇懃祈請者，我必相應於上人祈耳，但上人有短命相，慎精進莫懈怠，云々，佛子曰，金峰菩薩賜此短札，未知其意，太政天釋曰，日者大日也，藏者胎藏也，九々者八十一也，年者八十一一年也，月者八十一月也，王者藏



遮下一本有一  
缺字賜本同

容一本作吞

臣也或本賜本  
作官也

元或本賜本作  
管作管

王也、護者守護也、歸依大日如來、修行胎藏大法餘算八十一也、但如說修行延為九々年、无懺  
懈怠促為九々月、即蒙藏王守護也、曰、今日後、改本名稱日藏、勇猛精進、不得懈怠、佛子奉  
教命已畢、還至金峰、如上披陣也、菩薩曰、我為汝令知世間災難根源故遣而已、又滿德天  
曰、彼日本太政天者、菅公是也、其眷屬十六萬八千毒龍惡鬼水火雷電風伯雨師毒害邪神等、遍  
滿國土、行大災害、國土舊善神不能遮、又去延長八年夏、震害清貫希世朝臣等、即此天火第三  
使者、火雷天氣毒王之所作也、我延喜王身肉六府、悉爛壞也、因爾彼王遂命終、且燒亡崇福法  
隆東大延曆檀林等諸大寺、即是使者天所作也、如是惡神等滅法害生之罪、我延喜王獨受其  
殃、譬如衆川之水容一大海也、又自余眷屬勢力與彼火雷王同、或崩山振地、壞城損物、或  
吹暴風、降疾雨、人物併損害、或行疫癘、天死之疾、或令發謀反亂逆之心、然金峰八幡等、我滿德  
天、堅執不許、故不能自由也、宣授已畢、重教歸路、佛子赴入巖穴、即得蘇生、于時天慶四年八  
月十三日寅時也、入死門畢、已經十二个日、僅得再生、記冥途事而已、又追註記入死門間夢  
事、金峰菩薩、令佛子見地獄、時復至鐵窟、有一茅屋、其中居四箇人、其形如灰燼、一人有衣、僅  
覆背上、三人裸袒、躡居赤灰、獄領曰、有衣一人、上人本國延喜帝王也、餘裸三人其臣也、君臣共  
受苦、王見佛子相招云、我是日本金剛覺大王之子也、而今受此鐵窟之苦、彼太政天神、以怨心  
燒滅佛法、損害衆生、其所作惡報、惣來我所、我為其怨心之根元、故今受此苦也、太政天者管  
臣是也、此臣宿世福力、故成大威德之天、我父法王、令險路步行、心神困苦、其罪一也、予居高殿、  
令聖父座下地、焦心落淚、其罪二也、賢臣无事誤流、其罪三也、久貪國位、得怨滅法、其罪四也、

五日下一本無  
缺字或本賜本  
同

齒或本賜本作

紀畧作二百廿  
四年

令自怨敵害他衆生、其罪五也、是五為本、餘罪枝葉無量也、受苦無休、苦哉悲哉、汝如我辭、可  
奏主上、我身辛苦、早可救濟云々、又攝政大臣、可告為我拔苦、起一萬率都波、十一月八  
日、太政大臣藤原朝臣忠平辭攝政、為關白、年六十二、  
天慶五年壬寅四月廿七日、有石清水臨時祭、廿九日、行幸賀茂、是并賊亂之間宿賽也、或記  
云、佛滅度後歷一千十六年、佛法始傳漢土、其後經四百八十六年、相傳本朝以後、今至天慶五  
年壬寅、三百九十一年也、并如來滅後惣計一千八百九十一年、已  
天慶六年癸卯七月五日□□□ 同年、建延曆寺大日院、置十禪師、月日少僧都貞宗上表、作者  
文時右  
貞宗去昌泰二年、謝東寺廿僧、依有本願、籠金峰山之邊、結構一新草堂、三十餘年、更絕出山  
之思、一生之間、欲遂臥雲之志、而延長五年、頻蒙恩詔、俄候禁圍、厥後于今十七箇年、勵朽邁  
之愚性、奉二代之明時、偏忘煙霞之舊栖、忝沐雨露厚恩、况乎无為之化自及、不次之賞頻降、歡  
娛有餘、還耻肥雁之貌、涯分已溢、如何腐蝶之身、於是齒是八旬、命期一夕、耳目漸失、視聽之  
勤、手足且亡、舉動之便、雖報壯日之昔心、不堪暮年之老力、望請殊蒙慈恩、罷歸本山、將送餘  
喘、若留露命於草庵、過霜資於松岫、則拭一心之觀月、而遙添金輪之曉光、廻六時之念珠、而彌  
祈玉宸之遐算、貞宗誠惶誠恐謹言、真言宗東大寺  
右京入三善氏  
天慶七年甲辰正月九日夜半、長谷寺燒亡、歷二百十八年、有此火災、佛像同成火燼、四月九  
日、大納言藤原朝臣實賴任右大臣、年四十五、關白忠平之一男也、同廿二日甲子、成明村土親  
王立皇太子、生年十九歲、九月三日、天下大風、京洛官舍門樓、多以顛倒、其日信濃守紀文幹、



到着國府、出居國廳、夕屋顛倒、歷殺守文幹、

天慶八年乙巳九月五日、左大臣藤原朝臣仲平薨、七十左大臣平生時、與律師无空、有芳蘭契律

師念佛爲業、衣食常乏、自謂我貧、亡後定煩遺弟、竊以萬錢、置於房內天井之上、欲支葬歛也、

律師臥病、言不及錢、忽以即世、枇杷左大臣夢、无空律師衣裳垢穢、形容枯槁、來相謂曰、我以

有伏藏錢貨、不度、受蛇身、願以其錢、可書寫法花經、大臣自到舊房、搜得萬錢、錢中有一小

蛇、見人逃去、大臣忽令書寫供養法華經一部畢、他日夢、律師法服鮮明、顏色悅澤、持香爐來、

謂大臣曰、吾以相府之恩、得免邪道、今詣極樂、語畢西向飛去焉、已上慶十二月廿九日內供

奉十禪師明達任權律師、年七十七、攝津國人、土師氏、天台延曆寺、

天慶九年丙午四月十三日、天皇春秋廿四、讓位於皇太子成明親王、承平元年、如來滅後一

千八百八十年、

醍醐天皇第十七子、母關白太政大臣藤原基經四女、皇后穩子、天慶九年丙午四月十九日、受禪踐

祚、一云十同日、於大極殿即位、年廿一歲、五月廿日、關白太政大臣藤原朝臣忠平、詔准

三宮、本隨身外、更授內舍人二人、左右近衛四人、以爲隨身、又賜任人爵人、時年六十九也、十

一月十九日、大嘗會、近江備中供奉悠紀主基、十二月卅日、律師延昌任天台座主、

天慶十天曆元年丁未四月廿四日、改爲天曆元年、廿六日、右大臣藤原朝臣實賴任左大臣、年

四十七、同日大納言藤原朝臣師輔任右大臣、年四十一、關白太政大臣忠平二男、

十三日下一本  
賜本有分注出  
一云十九日五  
字

紀畧第十四之  
皇子也

村上天皇 六十三代 諱成明 治廿一年  
王氏男九人 女十人 二人即位

山下林下文粹  
並有之字  
昔文粹作本

天曆二年戊申、有疱瘡患、五月廿七日、行明親王薨、

天曆三年己酉三月十四日、太上天皇 朱雀院落飾入道、一云六年三月出家、御佛陀寺、八月十五

日、關白太政大臣藤原朝臣忠平薨、年七十二、諡號貞信公、九月廿九日、陽成太上天皇崩、年八

十一、同月元慶寺燒亡、十一月十一日雷火、大安寺西塔燒亡、十四日、冷泉院燒亡、十八

日、陽成院七々日御法事、於圓覺寺被修之、作者姑射山上送八十年之春風、功德林中迎四八相

之秋月、言其尊儀、娑婆世界十善之主、計其寶算、釋迦如來一年之兄、千官景從、昔是諸天之愛

子、九品雲從、今則三界之慈親、作者十二月十三日、中宮職自一七日至七々日、逆修御諷誦文、

朝綱 右奉令旨云、側聞人身無常、似霜露之逢朝日、世間不定、同芭蕉之待秋風、方今百年之

期、差過其半、一生之裡、漸少其殘、數年之後、枕席乖和、長信月光、逢苦霧而屢暗、永安竹色、受

寒露而不鮮、雲母窓間、擣藥之聲不靜、翡翠簾下、問寢之訪頻聞、彼壯齒无病之日、猶起有爲

之悲、暮春有恙之時、彌倍無常之歎、爰始自一七日至七々日、皇城東西二寺、天台嶺上五

堂、瞻仰遠近七箇之精舍、結構今後二世之因緣、者宮臣奉下命、所修如件敬白、作者同月、左大

臣藤原朝臣實賴、蒙關白詔、時年五十、天曆四年庚戌七月廿三日、憲平親王立皇太子、降誕以

後歷三箇月、

天曆五年辛亥九月初發殘菊廣宴、

天曆六年壬子八月十五日、朱雀太上天皇春秋卅崩、葬愛宕郡山、置御骨於醍醐山陵傍、依遺



詔或本賜本作勅

七十五卷文粹作六十三卷網文粹作網是也

算數一本作贊歎

天曆七年癸丑二月十二日壬戌丑刻藍園町有失火事延及神祇官後廳屋燒亡已畢勅遣左近少將國紀防止其火十三日癸亥勅遣失火百姓賑給之例宜勘申又去夜失火登神祇官高倉撲滅火者宜令給祿又仰右大臣給官符於五畿七道諸國可令修造神社佛寺破損也勘申注進今夜失火之間登高倉消火者夾名山城國乙訓社祝々部真茂勅賜祿畢

十八日戊辰詔於雲林院始奉造御願小多寶塔八基中佛像二十日庚午始自今夜於仁壽殿東西庇以權大僧都延昌權少僧都寬空各始御修法番僧各二十口並為息災也廿三日癸酉伊豫國封廿五戶奉宛石清水護國寺御記三月廿日己亥權少僧都明珍申給官符向伊豫國溫泉治病八月七日朱雀院御周關奉書寫供養一切經論五千三百七十五卷目錄之外經廿六卷奉皇太后宮令旨云上皇昔有奉寫一切經之叡念蔡子宅中魚網雖舊張芝池畔松煙非深尋沖禁於舊日畢繕寫於今朝大小乘之並軸貫春花而爭鮮權實教之飛文垂曉露而分點彼一句半偈之功能佛猶難算數况八萬十二之技量誰敢知淺深於天台山敬展講筵秋山運心所設者百羅漢之綺饌羅逕分味所助者千比丘之霞飧已

天曆八年甲寅正月四日太皇太后藤原穩子於昭陽舍崩年七十焉二月廿一日勅供養法性寺塔造金色普賢菩薩像金色觀世音菩薩像安置塔婆又供養一切經實教權教疊練細於功德之山大乘小乘比卷軸於道場之樹雁聯雲外高仰明行足之讚揚星聚漢河遙思波彼飲光之結集惣所書五千一百一十三卷四百八十七帙於法性寺敢唱題名小鳥勸大樹之智先拂垢門明珠澄濁水之心能除塵翳已三月廿日公家奉為母公被修法事口口作者參議大江朝綱伏

恩或本賜本作思文粹作哀樂如夢未就是界之壽福相改忽赴他方之遊

讀一本賜本作親

惟先太皇太后大慈在情撫萬姓於一子碩德被物頌十善於四瀛偏承鐘愛既在朕躬爰移仙居於九重之裡營孝恩於萬機之先哀樂如夢忽趣他方噫娑婆遺哀縱屑千行於眼下真如新筓定現萬字於胸前仰願鷲頭雲霧鷄足山開无上世尊高並妙覺之座摩訶迦葉跪奉付囑之衣已九月十四日三品式部卿重明親王薨年四十九延喜帝王四子也十二月五日天台宗良源大法師請元興寺三論宗義昭大德於延曆寺修四箇日法花八講問者十五人或云廿人九條右丞相師輔為同入講登山居曹局天曆比沙門淨藏住八坂寺然間強盜數輩亂入房中燃炬叛劔噴目徒立更無其所作且無言語先後不覺稍經數刻更漏漸闌殆以垂曙淨藏哲白本尊早可免遣者時賊徒適復尋常致禮共去同比八坂寺塔傾斜殿上侍臣等多來見之淨藏云今夜試可直立之由約諾已畢夜坐露地向塔加持漸及亥刻微風吹來塔婆震動寶鐸篋篋隨動和鳴明日見之其塔直立見者嘉歎已

天曆九年乙卯正月四日皇帝奉為母儀故太皇太后供養御筆法花經作者參議大江維時始思黃鳥出谷近報七旬之春光紅桃在園遙祈千年之榮耀豈圖駕鸞之殿永鑲空隔玉音沙鹿之山再崩遂藏金彩慶賀之思忽變只積悲愁於紫宮絲管之遊無期頻鳴梵鐘於精舍奉繡法花曼荼羅一鋪奉書金字法華經一部秋風染翰初寫貝葉之文冬雪畢功多聯貫花之偈四轉鳥輪八講玉軸聚義林龍樹之輩實語傳風選智日天龍之倫明光拂霧昔願念蒼生稱日域之國母今圓融自滿號月輪之世尊已上一周之晨九重之裡於弘徽殿敷八講筵擇諸寺僧綱名僧惣六十五人也以耆宿僧綱四人為證匠也次僧綱凡僧中抽決擇英秀之輩八人為其講匠撰難問傑



四衆一本賜本  
作四宗一本賜本作  
若是一本賜本作  
若是也

彼文粹作其  
聊上有有抑字  
託宣記云天曆  
元年丁未三月  
十二日

尺即笏之借字

出之者廿人、爲其職衆、四衆龍象、互振智囊、諸寺鐵腹、各摧義鋒也、以松門禪師十六人爲錫杖衆、各誦一度苦行之文、共鳴九條錫杖之響、屈蘭苦苾芻十六口、爲梵音衆、口傳魚山之風、手散鹿苑之花焉、第五卷講說之朝、上從親王公卿、下至朱紫綠衫、或捧綾羅絹縠之服、或賚金銀珠玉之寶、同聲讚嘆、繞弘微殿、以其捧物、分施諸僧、殊勅定額運日爲薪、御導師教化、已問者表白文、小倉親王作金輪聖主堯雲遍議、潤藥草於春畝、舜日重照、轉法輪於昏衢、方今開蓮之文、出聖跡臨池之妙、貫花之偈、生神筆入木之功、爰擇碩德於雁堂、開講筵於燕寢、誠是所未曾聽、不可得逢者也、講匠先當其仁、始說彼義、東風未温、舌下之水盡解、子夜未至、胸中之月先明、聊叩疑關之樞、將披難入之義、已三月十二日酉時、天滿天神託宣記云、近江國比良宮仁之天禰宜神良種加男太郎九年七歲那留童、託天宣久我可云、事有良種等聞、我加像加タ持リシ有リ其ヲ令取ヨト、仰給フ良種等申久何處爾加候良半止、答仰給久我物具トモハ、此仁來住セシ始皆納置リ、佛舍利玉帶銀造太刀尺鏡ナトモ有リ我從者仁老松富部ト云者ノ二人有リ笏ハ老松爾持セ佛舍利ハ富部爾令持タリ是皆筑紫ヨリ我カ共ニ來ル者止モ我カ居タル左右ニテ置タレ不言シト思トモ入テ有リ此二人ノヤツトモハ甚不調ノ者止モ心仕ツカヒ我カ居タル左右ニテ置タレ不言シト思トモ笏仁依天云フ此年來ハ像モ無ク有團禮ハ不告之天有團留リ老松ハ久我仁隨天成奴留者也是南無至所每仁松乃種八壽久我昔大臣止在シ時仁夢仁松身仁生天即折南無見シハ流佐留南利松ハ我像乃物也我瞋恚乃身止成多利其瞋恚乃焰天仁滿多利諸乃雷神鬼ハ皆我加從類止成天摠天十萬五千仁成多利只我所行行事ハ世界乃災難乃事也帝釋毛一向仁任給多利其故ハ不信乃者世爾多ク成多利疫癘之事於毛行

雷等託宣記作  
雷公等

邊止宣此我伴類於南無所々使仁天令行留今、只不信仁有無人於ハ雷等仁仰天令踏殺無惡瘡不吉物ハ有女留汝等モ我爲仁不信南真八子孫八絕天無止阿波禮加久云許曾也世界仁侘呂比悲不衆生於見禮八何天救半止耳曾思フ我筑紫仁有之程仁常仁佛天於仰天願之樣八若命終南八當世仁如我久慮外乃災仁遇無人摠天恠無者於八助救比人於沉損世無者於ハ糺ス身止生ト願之ヲ如思成多利我敵ハ漸无南利今少久有留其ハ我於切仁歸依須禮八暫免多留南利我宮於今年造多留加喜幾甚面白所也止天賀茂八幡比叡南止毛常仁坐之給邊利無便團留曾伊止善之自余乃神達毛常來坐南利加久天毛猶狹之我宮體ハ青松垣白沙於地ニ敷利背仁八高山有利前ハ大濱背山ハ雪青山靈地止可云也花乃散留春乃朝葉乃落留秋乃夕月明風涼支時憐レ風情之地也南大納言年名乃尙齒會ハ此月ソ爲加シ此仁天槐林乃枝於攀天韻於作八也我會仁ハ音樂止論義止於令爲與我近邊仁ハ更突烏殺事南世之瞋恚彌增天何天災ヲ興止思心起留皆人八加茂八幡止耳云テ我等於ハ不屑并女利我ハ憑人於ハ守半止思心深之津良幾人一人有也筑紫末天我居所仁人於送天祈願之人乃思比叶奴者毛近有止毛不向女留又賀茂八幡トソ祈メル何神毛我於衣江押伏給ハシ燒爾燒拂天無小童部毛立出女利也去月此若宮事也止天出人仁被障天還來留仍天可申事有於八端乃角乃邊爾末禮若ハ坊城乃邊仁末禮立依天マ申未之止宣フ右近乃馬庭古曾與宴乃地南禮我彼乃馬庭乃邊仁移居ハ但至真無所仁ハ可生松良種申久己加身乃上可有事又天下仁可有事仰給邊止申我何事於加ハ云無事可有世間南女利汝等ハ何事加ハ有無天下乃事於古曾事止ハ云邊我世界有之間仁公事於勤止天佛物於南無多申止多留其中仁毛天台乃堂寺燈分於南無止多利之其罪摠深天自在乃身止成止毛苦事多加留於彼代仁此邊仁法華三昧堂也八立天大法螺マハ每時吹世奴佐良波何仁喜



喜名勝志引作

之加一大事乃因緣八不可思議也。我家仁、後集乃二句於々、誦世奴離家三四月止云句止雁足黏將天  
 帛於懸也。疑止云句止於誦世與初後乃句止於振立誦世無何興有無止宣不童覺、仍見聞人相共、記之  
 彌宜神其種神主奉。六月九日、大僧都禪喜入滅、以極樂寺竹林院、為終焉地、春秋八十二也、俗姓藤  
 浦行見聞人六人。氏、左京人也、法師幼夢、靈異佛像、從天台山、舒手招、兒年及七歲、始登叡山、參詣中堂、拜觀藥  
 師如來尊容、此則夢見像也、幼情驚悟、感動在心、年十六歲、出家受戒、一紀籠山、性稟聰敏、博涉  
 經論、延長年中、步三會庭、帝感才傑、遂任綱維、母逝去後、彫其形容、安於居傍、茶菓齋飯、先獻  
 上分、然後自喫、齒及懸車、手自繕寫法花一部、書經之時、著淨潔服、以瓠覆面、穿孔視文、正  
 向西方、先禮彌陀、內外清淨、寫一部畢、法師生前、上從王公、下迄黎民、起其情願、昇高講經、  
 一千余度、一生之間、專憑觀音、昏曉二時、偏念彌陀、大小便利、不向西方、臨終之日、集弟子等、  
 令唱彌陀、念佛合掌聽受、身无所怠、念佛氣絕焉、往生行業、遂以不怠、  
 傳文

扶桑略記第廿五終

裡書

延長八年九月廿二日壬午有讓位事、左大臣貞信公在陣座、右大臣定方起座、為內弁、中納言恒佐為宣命使、依御藥急俄  
 方角、自常寧殿先還、御此殿、參宣耀殿、奉授新帝、為避方忌、先御此殿、亥時事了、新帝自宣耀殿遷、御弘徽殿、十月  
 二日見徒罪人皆悉放免、人別給錢云々、左右衛門尉鑿之、同五日乙未於右兵衛府、有御葬裝束事始、十日庚子、太上天皇出  
 右近衛府、奉葬醍醐寺邊山陵、出御之後、開宮門、諸門、但開陽明殿宮門、左大臣及兩三諸卿候、內裡天皇及近侍者、素服  
 十一月五日甲子午刻、太上天皇宮中、六條院掃地燒亡、廿一日天皇於大極殿即位、三品貞親王中納言恒佐參議公賴藤當幹  
 平時望等著禮服、  
 為外弁、申刻事了

九年

九年(承平元)正月廿八日丁亥雷鳴四五度、諸人驚之、二月八日召仰左右近衛、門等檢非違使等可、夜行之由、近日群盜滿  
 入直舍人迷惑無害、三月二日子刻地震、四月十四日壬寅召官察令占申、去月廿六日被奉神寶之日、依穢氣、神殿不被  
 開也、閏五月七日召官察有御卜、依霖雨也、六月四日庚申承明門、良角虹立、同廿三日己卯申刻承明門、良角并官正廳東  
 二間虹立、察占、  
 申官怪處凶由

二年

二年 正月廿九日辛亥、入承明門、前至園司町、被射死、三月八日大納言邦基薨、四月十三日為消疫癘、奉幣諸社、五  
 月一日壬午日食廢務、廿五日辰刻、印盤丹綿鼠、昨散去、廿三日正廳內、牛入仍相並有御卜、六月三日午刻、狐居侍從所納  
 言座云云、八月十三日政此間、虹立、辨廳前、  
 廿五日未刻、兵庫倉町西北廿一間、倉轉倒

三年

三年 正月廿三日庚子、上卿召、久永朝臣、仰云、近日群盜入、交京中、掠取人物、宜召仰諸衛、結番令勤、每夜巡檢、以左右馬寮  
 御馬充之者、二月十八日甲子、中納言藤原兼輔薨、四月一日若狹國貢、進雉雞四足、卵子等、五月十二日、民部史生諸  
 藤殺、害侍從源宗城朝臣、并其母、六月三日戊申、請陸寮舍等、皆以燒亡、七月十一日、請印東海山陽諸國、并丹波太宰府、祈明  
 神、可勤警固、由官符、是依、南殿版位、犬遺矢、可慎、兵革賊、之由、占申之、同十三日丁亥、颶風吹、損右近陣、火炬屋、并春興校書  
 殿、檜皮寮、占、乾坤方、兵革之由、仍山陰山陽、太宰府、以官符、十一月五日、被定、伊勢奉幣事、依齋王  
 御病也、十二月十七日、南海國々、海賊未從、追捕、遍滿云云、就中、阿波解狀、今日定、遣國國警固使

四年

四年 閏正月十五日、已時、空響兩度、似雷、二月五日乙亥、官正廳、梁上、烏巢、三月十一日、山城國、進子、鷄雞一翼、其體自頸下相  
 分二體、有四翼、四足、二月廿三日壬辰、被立、諸社奉幣、依海賊事也、五月九日、戊申、山陽、南海、兩道、十箇國、十八所  
 諸神被奉、臨時幣帛、使、依海賊御祈也、同廿七日丙寅、午刻、大地震、二度、京中所、所築垣、轉倒、酉刻、紫宸殿、南方、東第二間、砌下、虹  
 見、廿八日卯刻、小地震、廿九日巳刻、地震、六月三日卯時、地震二度、十九日戊子、被立、後田邑、後山科、山陵、使、依、彼山陵、方數



度鳴也。廿九日於神泉馬出殿試。右衛門志貞直內藏史生宗良左近衛常陸等之誓為遣海賊所也。七月十七日薩馬國唐馬一疋(華毛牝馬)牽進左大臣家。廿六日甲子兵庫允在原相安率諸家兵士并武藏兵士等發向追捕海賊之所。九月一日戊戌日食廢務。十月十九日辰刻地震。戊戌刻雷鳴今夜東大寺西塔并廊等為神火燒亡但大和國分寺也。

五年 正月九日頃年之間海賊未隨追捕。去年之未盜運伊豫國喜多郡不動三千餘石云云。同廿二日夜上東門北富小路東元利親王家失火。同廿八日癸亥地震。二月二日弁官梁上鳥成巢有御占。同八日癸酉申刻虹立弁官廳砌下有御占。同十九日戌刻地震。同廿日午刻地震。三月一日乙未日食廢務。六日庚子申刻比叡中堂鐘堂食堂雜舍摠四十餘宇燒亡但佛像并法具等僅奉取出云云。四月四日夜霜降為異。七日辰刻地震。廿七日依祈雨奉幣諸社。五月四日丁酉自今日三箇日依祈雨於大極殿以百僧讀大般若經。九日壬寅東大寺講堂并新佛開眼會也。請僧一千。九月一日癸巳左衛門少尉小野維幹府生忠宗等捕得群盜十三人仰內藏寮給御服下品絹。

扶桑略記第廿六

村上天皇下

天曆十年丙辰天下大以旱魃。

天曆十一(天德元)年丁巳十月廿七日改為天德元年是由水旱損也十一月廿八日參議左大弁大江朝綱薨年七十二。

天德二年戊午十月廿七日女御藤原安子立為中宮右大臣師輔之女也。

天德三年己未四月廿九日延昌僧正供養補多樂寺請僧百口僧綱二十人凡僧八十人也八十禪衆出慈嶺而雁行四五僧綱下雪山而鳩集又奏音樂龍之鳴水中重聞馬季長之笛鳳之翔雲上再遇王子晉之笙者也。八月十六日有殿上詩合。

詩合即圖詩也  
有圖詩行事畧  
記

天德四年庚申正月四日甲辰公家於法性寺始御入講會。二月廿四日甲午新立雲林院御願塔心柱勅使藏人右衛門佐忠尹修御誦經布施調布百端。廿八日戊戌大藏省奏神態御庫度

有內裡歌合卷  
濱左下一本有  
作字

度鳴狀。三月卅日己巳於清涼殿有女房和歌合左右方人更衣童女左方六人右方四人各自南北共獻和歌洲濱左金山吹花枝其葉書歌右書色紙左方右兵衛督延光朝臣右方右近中將博雅朝臣進出就洲濱下各讀其歌召樂所人相分候南北庭遞奏歌曲關白左大臣(實賴)彈箏大納言源朝臣高明彈琵琶盃酌頻巡絃歌無斷大臣以下賜祿有差。四月十八日丁亥式部大輔直幹朝臣自省退出之間於美福門前為雜人被打損。十九日戊子檢非違使右衛門府生穗積良石生秋鄉等參內令藏人雅材奏直幹朝臣申詞日記又令申損所甚多辛苦



紀畧捕獲直幹  
朝臣所指申下  
手人省坐史生  
奈癸忠雅

異上一本有爲  
字

大藏一本作大  
貳是也  
清涼殿紀畧作  
南殿

无極、且捕獲所指申下手人等、勅曰、未嘗聞毆傷四位以上、如此之事、早隨直幹申、可勘  
糺、又仰雅材、以醫藥下、賜直幹朝臣、令加救療、廿日己丑、主稅頭以忠令奏、去十八日寅時、  
月犯南斗第三星狀、廿二日辛卯、陰陽頭賀茂保憲、爲天文博士、五月一日己亥、日蝕仍廢  
務、二日庚子辰刻、勅使主殿頭時經、問右大臣(師輔)病、兼訪出家實否、午刻、右大臣以春宮大  
進時柄、令奏云、年來本意之上、依病危急、今日可出家者、報勅云、縱有本意、忽出家事如何、東  
宮(冷泉)未成人、又无可訓導人、至子病痾、平否難量、猶暫難許、入道之事、右大臣奏云、爲果  
素懷、令奏出家之由、須待重勅、乃雖行之、依病火急、剃髮已畢、今問恐申者、又天下疾疫天亡  
之輩甚繁、給官符諸國并十五大寺等、讀經祈疫癘事、四日壬寅、前右大臣藤原朝臣師輔、年  
五十三、薨於九條第、八日丙午、霜降尤可異、十日戊申、中宮移御右近權中將伊尹朝臣之  
一條第、依親父丞相薨也、同日勅遣藏人雅材、問皇太子所惱、七月廿三日辛酉、勅云、炎旱既  
久、依例遣少納言、放給神泉苑池水、廿九日丁卯、於大日院、令僧正延昌、修熾盛光法、限以  
七日、爲除天變也、八月九日丙子、大僧都寬空爲權僧正、少僧都證蓮爲大僧都、律師智淵爲  
權少僧都、大法師觀理昭日、並爲權律師、十四日辛巳、勅令藏人永保、賜緝子內親王蔭繪匣調  
度一具、銀器一具、屏風四帖、亥二刻、內親王始謁主上、十八日乙酉有大風、廿二日己丑、大  
納言從二位藤原顯忠朝臣任右大臣、年六十三、故左大臣時平二男也、九月十九日丙辰、太宰  
府言、貞元錄一切經五千五百九十六卷內、依無證本、不堪書具、勅云、延命院故太政大臣令書  
本等、暫付大藏好古朝臣、下遣可令寫者、廿二日己未、請四十口僧於清涼殿、令轉讀大般若

紀畧火出自直  
陽門內方北掖  
陣

櫃下一本有事  
字

曹司下一本有  
仍促與向曹  
司七字左一  
本作右  
濫觴抄無靈字  
印下有銚字

濫觴抄契下有  
印字

經始自今夜、於仁壽殿、令僧正延昌、修熾盛光法、爲除天變災也、御日記云、廿三日庚申、此  
夜寢殿後、聞侍臣等走叫之聲、驚起問其由緒、少納言兼家奏云、火燒左兵衛陣門、非可消救、走  
出見之、火焰已盛、即着衣冠、出南殿庭、左近中將重光朝臣、持御劔聖宮相從、即遣人召御輿、  
不能早持來、又令侍臣取內侍所納太刀契等、令權右中辨國光朝臣、行撥殿廊、救火事、而  
雜人甚少、無力救之、侍臣等言、火已着温明殿、不能出內侍所、納太刀契等、又令召御讀經  
僧等立願、而火勢彌盛、延政門以南廊漸燒、烟滿承明門東邊、于時知災火不可止、更還清涼  
殿、經後涼殿及陰明門、微行到中院、留神嘉殿避火、此間心神迷惑、宛如夢裡、主殿官人持腰  
輿來、皇太子被抱侍臣來着、左衛門督藤原朝臣(師氏)參入、仰向內裡、令行救火事、次右大將  
藤原朝臣(師尹)參入、行取出鈴印銚櫃、次右大臣(顯忠)并公卿等參來、依火勢漸近、右大將藤  
原朝臣相議、令幸太政官、即乘腰輿、出中院、到太政官朝所屋、乍乘輦在板敷上、太子相從  
候、同屋內、右大將藤原朝臣言、太政官自內裡當御忌方、又太白在此方、須移御職曹司、皇太  
子乘車相從、召左大臣、詔朕以不德久居尊位、遭此災殃、歎憂無極、朝忠朝臣還來奏、火氣漸  
衰、不可延及八省、火起自亥四點、迄于丑四點、宣陽殿累代寶物、温明殿神靈鏡太刀節刀契  
印、春興安福兩殿戎具、內記所文書、又仁壽殿太一式盤、皆成灰燼、天下之災、无過於是、斯後代  
之讖、不知所謝、鈴辛櫃置御所內、印并銚辛櫃納外記局、人代以後、內裡燒亡三度也、難波宮藤  
原宮今平安宮也、遷都之後、既歷百七十年、始有此災、廿四日辛酉、令延光朝臣仰云、遣左右中  
少將鑿求温明殿所納神靈鏡并大刀契等、遣藏人忠尹、仰僧正延昌、於左近衛府大將曹司、可



參一本作奏帶當作帶

修畢御修法、御讀經於八省修畢、可宜重光朝臣來參云、依火氣頗消罷、到温明殿所求見、瓦上在鏡一面、徑八寸許、頭雖有小瑕、專無損、圓規并帶等、甚以分明露出、俯破瓦上見之者无不驚感、又求得大刀契等、以神鏡等安置、縫殿寮高殿、廿八日乙丑、定造宮、參議雅信朝臣書之、紫宸殿仁壽殿承明門修理常寧殿清涼殿木工承香殿淑景舍北一字美濃貞觀殿防春興殿山宜陽殿襲芳舍磨綾綺殿淑景舍南一字近江麗景殿和宣耀殿安藝温明殿賀安福殿攝津授書殿丹弘徽殿河內登華殿備前後涼殿紀伊昭陽舍南一字美作同舍北一字淡路飛香舍阿波凝華舍和泉建春門若狹宣陽門尾張陰明門長門玄輝門土四面廊東面伊勢越前南面伊豫西面備前備後北面讚岐進物所作物所御與宿屋及殿之間、軒廊直廬屋等、可分宛近國帶、袖以來年為造畢期耳、廿九日丙寅、勸學院倉一字、政所板屋二字燒亡、已十月二日戊辰、勸聽左大臣實賴乘輦車、出入宮中、右大將藤原朝臣奏云、近日人々曰、故平將門男入京事、勸右衛門督朝忠朝臣、仰檢非違使、令搜求、又令延光仰滿仲義忠春實等、同令伺求者、四日庚午夜、人々於清水寺見鬼、大遍滿京城、五日辛未、大學南堂廊燒亡、七日癸酉、改定宛諸國門舍四面廊等、九日乙亥、木工寮頭小野朝臣道風、為內藏權頭、以散位藤原滋望為木工頭、道風朝臣病後、言語不通、無便急作行事、仍任其替也、十一月四日庚子、自職曹司、移幸冷泉院、儀式如常、十七日癸丑、自辰初、薄蝕、色赤而無光、至午四刻復、廿日丙辰、新嘗會、天德五應和元年辛酉正月廿八日癸亥、勸內藏權頭小野道風散位藤原佐理、共聽昇殿、二月十六日庚辰、二勉始立內裡殿舍門廊柱、并上梁、同日改天德五年、為應和元年、天德是火神號也、可有其忌、仍改元也、世傳云、新造內裡之柱、虫食三十一字、其歌曰、作倫又母屋計南菅原

遍大一本作火遍

紀畧改元依皇居火災并辛酉革命之御儀也大赦天下

濫觴抄作雅親今一本作令濫觴抄同

舍棟之板間不合奴限者 十八日壬午、東大寺戒壇和尚律師法橋上人位明祐入滅、伊賀國人也、一生持齋、全護戒律、每夜參堂、不宿房舍、及于命終、念佛不休、先一兩日、頗有惱氣、飲食非例、弟子等曰、終日不食、勸粥如何、師曰、齋時已過、命終又邇、何可破乎、重命曰、二月者寺例有所修之佛事、我慙生而過之也、十七日夕、弟子等誦阿彌陀經、廻向畢後、師曰、如前可調音樂、答曰、無有音樂、何言之相誤乎、師曰、我心神不爽、以前有音樂所陳也、明日即世矣、已廿五日己丑、東大寺別當律師光智令奏、以新造尊勝院為寺、宛一院置智行僧十口、令勤修公家御祈願者仰依請、廿七日辛卯酉時、坤方彗星似野火氣、三月四日丁酉、勸差遣藏人所雜色各一人、於七大寺延曆東西寺修諷誦、興福東大延曆三箇寺各調布二百端、自餘諸寺、各調布百端、為天下安穩、并息災延命也、五日戊戌、於冷泉院釣殿有花宴、所召文人、文章得業生二人、文章生四人、擬文章生二十人、學生藤原公方同行葛舊文章生民部大輔保光朝臣左中弁文範朝臣因幡守雅規右衛門權佐偕行、大內記今茂少外記笠朝望少內記菅原篤茂、勘解由判官源順等也、式部大輔直幹朝臣等、相率文人參入、各著座、召直幹為講師、然直幹遲參、仍令文時講詩、九日壬寅、勸始自今夜、於延曆寺法華三昧堂、令座主僧正延昌、修無量壽決定王如來法、限七日竟之、廿八日辛酉、內藏權頭道風朝臣、於殿上書承明門額、始自此日、書內裡殿舍門等額、閏三月十一日、於釣殿有藤花宴、龍頭鷓首、舟各一艘、有童舞等、關白左大臣實賴朝臣彈箏、大納言源朝臣高明彈琵琶、雅信朝臣吹笙、朝忠朝臣吹笛、以御衣、各賜公卿畢、十七日庚辰、始自今日、於冷泉院東對、令權僧正寬空、率廿口伴僧、修孔雀經法、又於叡山大日院修



宅一本作陀  
寺下一本有金  
堂

古事談中務下  
有卿字下同

王家下一本有  
內字古事談作  
成子內親王家  
內近輔下有  
疊字親繁下  
有王字猶伺  
上家字一本作  
罪古事談同

五壇法、權律師喜慶率番僧十口、修不動法、內供奉十禪師賀靜、修降三世法、內供奉十禪師尋  
眞、修軍宅利法、阿闍梨行譽修大威德法、阿闍梨長勇修金剛藥叉法、各率伴僧六人、但大威德  
法阿闍梨良泐、忽申故障、仍改請。廿七日庚寅、始自今日三箇日間、請六十僧於興福寺、令  
讀大般若經、卜彼寺塔鳴怪、國家以有可慎之由也、此日兵部卿有明親王薨、四月一日癸巳  
日蝕、仍廢務、八日庚子、有灌佛事、導師淨藏率弟子、自南緣東戶參上、發願灌佛訖、即侍臣  
一一灌佛、次教化畢、導師欲退、右近少將清遠以祿施賜、其後退下、廿三日乙卯、勅聞天下患疫  
疾者巨多、宜給官符五畿七道諸國、奉幣轉經祈禱除災、又令七大寺及有供諸寺同讀經、祈止  
疾疫事、五月四日丙寅、中宮職於天台橫川寺、令修故前右大臣(師輔)周忌法事、使左衛門佐  
濟時修諷誦、布施調布三百端、十日壬申夜、強盜入前武藏權守滿仲之宅、爰滿仲躬留類人倉  
橋弘重、弘重指申中務(式明)親王第二男、及宮內丞中臣良材土佐權守蕃基男等所爲也、檢非違  
使左衛門志錦文明參內奏聞、中務親王家人申云、伴孫王今曉入親王家、其同類紀近輔中臣良材  
等、可有此家、仍以事由告親王、親王令申云、男親繁日來重煩痼病、在此家內、不堪起居、待  
平復時、可進者、依宣旨使官人等、令搜求同類人、親王家內、遂不捕獲、戊子(廿六)同親王家  
捕獲紀近輔、申云、親繁爲首、入滿仲家實也、贓物可有、彼親繁孫王之許、勅云、依不進男、忽  
科親王家、猶伺親繁之出外、可召捕者、十四日丙子、內藏頭小野道風朝臣、書內裡殿舍門等  
額畢、但除紫宸殿仁壽安福清涼殿等四箇所以、有舊額也、道風朝臣別給祿、下襲表袴等也、  
十八日庚辰、公家於石清水宮寺、供養金泥自在王菩薩經最勝王經各三部、請僧廿六口、七僧在

銅一本作網

錢弘下一本有  
叔字  
措作摺

送一本作送

隨喜下一本有  
感字差作差  
措作摺

此內、加威從各一人、中納言大江朝臣維時作願文、使藏人右近衛少將助信修諷誦、布施調布  
二百端、差遣侍從、廿二日、暴雨雷鳴、西京有震死童一人、卅日酉時、白虹經天、六月天下旱  
魃、祈雨、十一月七日、公家有萬僧供、廿日庚辰、遷幸新造內裡、寶篋印經記云、應和元年  
春、遊左扶風、于時肥前國刺史稱唐物、出一基銅塔、示我、高九寸餘、四面鑄鏤佛菩薩像、德宇  
四角上、有龕形、如馬耳、內亦有佛菩薩像、大如棗核、捧持瞻視之頃、自塔中一囊落、開見有一  
經、其端紙注云、天下都元帥吳越國王錢弘措本、寶篋印經八萬四千卷之內、安寶塔之中、供養廻  
向已畢、顯德三年丙辰歲記也、文字小細、老眼難見、即雇一僧、令寫大字、一往視之、文字落誤、  
不足耽讀、然而粗見經趣、肝動膽奮、淚零涕送、隨喜感悅、問弘措意、於是刺史答曰、由无願文、  
其意難知、但當州沙門日延、天慶年中入唐、天曆之抄歸來、即稱唐物、付屬是塔之次、談云、大唐  
顯德以往、天下大飢、黃巾結黨、抄劫邊州、煙塵張天、殆及封畿、弘措爲大將、領天下兵、征伐凶  
黨、及九年、比與賊合戰二十四度、斬首五百餘級、顯德元年春、人彌飢荐、烏合蟻結、蝥食華鄙、弘  
措麾其師旅、應響攻擊、賊飢不戰、立以大敗、乘勝追北、至汝水邊、洪水頓漲、激浪鼓怒、津處無  
船、賊徒知其巨脫、各投深水、暴虎馮河之輩、追捕溺殺、其數不知、幾億萬、汝水爲之不流、自爾  
以降、天下清肅、弘措復命之日、主上大喜、作九錫命、封王吳興、越、弘措不幾、坐殺若干人、罪  
得重病、送數月、常狂語云、刀劍刺骨、猛火纏身、展轉反側、舉手謝罪、爰有一僧告云、汝願造  
塔、書寶篋印經、安其中、供養香花、弘措咽中發件願、兩三度合掌禮謝、即得本心、隨喜歎云、願  
力無極、重病忽差、于時弘措思阿育王昔事、鑄八萬四千塔、措此經、每塔入之、是其一本也云



々、妙哉大國之僧、有此優譚、惜哉小藝之客、無其精勤、爰我價募、身命訪求、正本、口中郊外、跋履  
遍問、適於江郡禪寂寺、得件經、其本亦多誤、然兩本相合、互檢得失、終獲其真、然後日分轉經、  
終日無倦、夜至誦呪、每夜不眠、漸經三箇月、于時空中有聲、告曰、汝於此經、懇重渴仰、但此經  
有兩譯、師所持者、先譯多除、梵本、其後譯者為之具足也、其本在伊豆國禪院、天下無二本、我  
常與二十八部大藥叉大將等、守護彼經、我獨感汝精誠、常廻汝邊、且告此事、于時小僧就國  
司、便誦觸可、書贈彼經之狀、遂以康保二年四月十三日、送件經、披閱其卷、功能絕妙、耽弄其  
文、深理染肝、十二分教為礫、是經其中如意珠八萬、法藏為沙、是經其中紫磨金一句之味、如醍  
醐、百病萬惱、一般消滅、一字之光、越日月、鐵圍沙界、俱時照明、非唯忽滅、重罪、速證佛果、何得  
見是經典、聞斯妙理、哉已上

一本作箕尾  
一本無味字望  
之云無味字與  
觀傳合  
今昔物語十六  
載丹波國郡司  
造觀音像語蓋  
即此事唯有小  
異

征一本作往

應和二年壬戌、千觀內供於攝州葦尾山觀音院、作法華三昧宗相對抄、八月十六日、御覽瀧口  
相撲、同年丹波國桑田郡宇治宿禰宮成、依婦女勸、企造佛思、則同郡菩提寺字穴觀音像是也、遣  
使京洛、求佛工人、沙彌感世應、請往到、佛工感世、每日轉讀法華經、其中誦誦普門品、日々必誦  
三十三卷、奉仕觀音、為多年業、隨宮成語、造金色觀音像、其功既畢、檀越施物宮成、本性猛惡、  
竊進到大江山、隱立途側、射害佛工感世、奪取所與祿物、歸宅已畢、明日參拜、新造觀音、其  
像胸前立矢、昨日所放之箭也、從疵赤血流出、慈眼似泣、金體如惱、少低而立矣、宮成見之、心  
懷憂苦、悲淚歎息、則知此像代彼受苦、為知佛師存亡、遣使令見、於是感世無瘡、居宅則語  
曰、我從丹波歸洛之日、雖遇盜人、不被疵害、是則妙法威力觀音靈驗也、檀那生怖畏、自征佛

之功文粹無之  
字

工之所、更與祿物、見聞之輩、發心供養、其像今存、已上穴總  
應和三年癸亥二月廿八日辛亥、皇太子元服、三月十九日辛未、有雲林院塔供養會矣、行幸彼

寺、多寶塔一基、安置五佛像、飾金之鐸、待曉風而常鳴、承露之盤、非秋日以永映、便開支提之  
會、三身歸心、正驚羅漢之僧、百口應請、鵝王之威力、遠任遍法界之風聲、鴈塔之功、能遙分利  
衆生之月影、已上 秋八月、有勅、撰請天台南京各十八名德於清涼殿、五箇日間、令講法華經、決  
擇奧義、時天台宗良源大法師、法相宗法藏大法師、決擇一切衆生皆成佛理、良源詞林花鮮、義域  
月朗、爰法藏言、見禪公之宏辨、富樓那反啞羊也、重叩疑關、謂時人何、因茲帝王公卿殿上階下、  
悉仰一乘奧旨、稱美天台幽致矣、已上 同八月廿三日、空也聖人鴨河東岸建堂、供養金字大般

若經會、請僧六百人、有舞音樂、

應和四康保元年甲子正月十五日、延曆寺座主僧正延昌入滅、八十加賀國人也、僧正兼學顯密、專  
惜寸分、受戒以降、每夜誦尊勝陀羅尼百遍、每月十五日、招延諸僧、唱彌陀讚、兼令對論淨土  
因緣法華奧義、往年夢有四品朝服之人、神彩甚閑、語僧正曰、若欲生極樂者、為一切衆生、書  
寫法華經百部、僧正捨衣鉢、書寫供養、僧正平生常曰、先命終之期、欲修三七日不斷念佛、其結  
願之日、我入滅之時也、去年十二月廿四日、命門弟子三七日令修不斷念佛、今年正月十五日、  
僧正沐浴淨衣、向本尊像曰、西山日暮、南浮露消、不過今夕、必可相迎、言訖右脇以臥、枕前奉  
安彌陀尊勝兩像、以絲繫于佛御手、結着我手、其遷化之期、果如前言、朱雀邑上兩帝歸依為  
師、賜諡號慈念矣、已上 三月九日、大僧都鎮朝補延曆寺座主、十五日、大學寮北堂學生等、於

三七日下一本  
有間字



新文粹作觀無  
兩之字望之云  
一本作親按江  
吏部集有暮春  
勸會於親林  
寺云云詩作觀  
不是新親未知  
孰是耳

叡山西坂下始修勸學會由聞法歡喜讚之心講法華經以經中一句為其題作詩詠歌也序曰處無定處新林月林之一兩寺期有定期三月九月之十五日已上四月十五日中宮藤原朝臣安子於主殿寮崩年三十五七月十日壬午改應和四年為康保元年依早魃并甲子歲改元也十月五日天台座主大僧都鎮朝卒去八十十一月廿一日酉時定額僧淨藏入滅年七十四臨終早朝云命終之期今日既到乃於東山雲居寺專住正念對西念佛及黃昏時安坐遷化俗姓三善朝臣右京人也參議從四位上宮內卿兼播磨權守清行第八子也母嵯峨皇帝孫也母夢天人來人懷中覺後有娠月滿誕生僅及四歲讀千字文穎悟拔萃聞一知二出家以後凡顯密悉曇管絃天文易道卜筮占相教化醫道修驗陀羅尼音曲文章種々才藝悉以拔群不遑毛舉又於金峰山安居行業修畢還向之路宿丹治坂下人家家女悲泣問其由緒答云婦夫腹中脹滿三年辛苦遂以亡沒已經三日哀其悲歎乍立加持腹中污穢令其護法踐出臭香滿室即以甦生又或人送新染袈裟淨藏着之忽以自口出火燒斯袈裟他所着衣凡全不燒尋其由緒不淨人縫云々又南親王為沈痾令始修法修中親王俄薨即誦火界咒一百八遍自得蘇生淨藏語伴僧言是定業也為顯法驗延四箇日之命結願之後親王薨逝又詣長谷寺為正月導師時自伊賀國參男俄拔太刀狂亂滿堂騷動爰淨藏暫置如意作本尊印狂人被縛終夜打着禮堂之柱教化事畢解男伴男數年鬼病一旦平痊佛法威驗不測量已上傳

沈痾上一本有  
祈字

不測量一本作  
不可測量

康保二年乙丑二月十九日小僧都喜慶補天台座主三月廿日夜近江國崇福寺火災堂塔佛像經藏鐘樓僧房等皆悉燒亡四月廿四日行幸朱雀院有競馬十月廿七日兵庫累代戎

柏應作拍

一朝臣恐衍

具皆以燒亡

康保三年丙寅正月十六日大納言源朝臣高明任右大臣延喜帝王第十之子年五十二也七月十七日座主少僧都喜慶卒去八月十五日殿上有前裁合十八日有洪水廿八日律師良源任天台座主五十超法性寺座主律師賀靜所補也十月七日丁卯殿上有侍臣舞左大臣實賴彈箏右大臣高明琵琶治部卿源朝臣雅信朝成朝臣二人笙博雅朝臣右馬允藤原清適二人橫笛吉水清真大筆篋良岑行正小筆篋左衛門督藤原朝臣師氏銅鉢子修理大夫源朝臣重信鞞鼓助信朝臣摺鼓寬仁朝臣柏子右衛門志秦良佐大鼓共政鉦鼓左馬允永原守節播磨掾藤原公方唱歌次奏萬歲樂舞人左兵衛佐佐理高遠次奏延喜樂舞人兼家朝臣忠尹朝臣朝光理兼次奏賀殿舞人兼通朝臣親賢朝臣次奏輪臺舞人修理大夫源朝臣延光朝臣次清海波濟時為光着麴塵缺腋袍帶劍朱紫交舞視聽催感次奏散手破陣樂重光朝臣次歸德候時中次太平樂初定舞人四人而濟時忽有所勞不能供奉仍為光佐理二人次酣醉樂兼家朝臣理兼次胡飲酒兼通朝臣次羅陵王小舍人藤原親光着舞衣并天冠次納蘇利小舍人實資着天冠舞衣舞畢召實資於床子脫阿古女衣賜之左大臣不堪欣感起舞前例給御衣者即拜舞今夜不拜少小之內舞裝束難致拜禮歟右大臣獻御酒又令奏呂歌暫賜祿公卿以下有差大臣給御下襲表袴各一重親王納言白掛紅袴各一重參議紅染掛袴各一重舞人四位白合褂一重五位單重白褂一重小童亦同自餘給匹絹皇太子先是退下仍不給祿次奏退出音聲越殿樂朕即入內公卿侍臣丑二刻退出已上廿八日延曆寺講堂鐘樓文殊樓常行堂法花

講堂上紀畧出  
總持院三字



移下一本有建字

堂四王院延命院并故座主喜慶等七人房舍合三十一宇拂地燒亡廿九日己丑左大臣令濟時奏曰去承平五年叡山中堂燒亡時不見遣官使之由若准崇福寺燒亡時遣檢非違使如何令仰云崇福寺雖為皇御願比延曆寺頗口相合去延喜十七年東大寺講堂火災之時遣弁官兼施綿僧等須勘彼例准行云々講堂草創以後歷百八十二年始有此災其後文殊樓移虛空藏峰十一月九日己亥以右大弁文範朝臣為藏人頭卅日庚申今夜召殿上侍臣於御前聊打攤給酒及曉令詠和歌以納殿絹給侍臣十二月廿六日丙戌召大臣於御前定僧綱等以律師房算安委救世為權少僧都定昭昌矣行譽為權律師智興餘慶等為阿闍梨康保四年丁卯正月三日雷大震鳴廿九日律師賀靜卒去二月東宮有病五月十四日天皇不豫廿五日天皇春秋四十二崩即日嗣祚於凝華舍山陵山城國葛野郡村上陵六月四日葬之仁和寺也同代京洛有僧其名空也不言父母亡命在世或云出自潢流口常唱彌陀佛故世號阿彌陀聖或住市中作佛事又號市聖過嶮路即鏟之當無橋亦造之見無井即掘之號曰阿彌陀井播磨國楫穗郡峰合寺有一切經數年披閱若有難義者夢有金人常教之阿波土左兩州之間有島曰湯島矣人傳有觀音像靈驗揭焉上人腕上燒香一七日夜不動不眠尊像新放光明閉目則見又一鍛冶工遇於上人懷金而歸陳曰日暮路遠非無怖畏上人教曰可念彌陀佛工人中途果遇盜人心竊念佛如上人言盜人來見稱市聖而去西京有一老尼大和介伴典職之舊室也一生念佛上人為師上人令補綴一衲衣尼補畢命婢曰我師今日可遷化汝早可資參婢還陳入滅尼曾不驚嘆見者奇之上人遷化之日着淨衣擎香爐向西方以端坐

二本無劍字

語門弟子曰多佛菩薩來迎引接氣絕之後猶擎香爐此時音樂聞空香氣滿室嗚呼上人化緣已盡歸去極樂天慶以往道場聚落誦念佛三昧希有也何況小人愚女多忌之上人來後自唱令他唱之爾後舉世念佛為事誠是上人化度眾生之力也嗚河東岸上六波羅密寺是遺跡也已上出同代大和國有僧其名歡喜行住坐臥念彌勒菩薩願生兜率內院常好修治古塔寺往生記至叟材木用人夫時自擊劍鼓而唱彌勒上生兜率天四十九重摩尼殿等偈以勸進人心老後三箇年間糞穢狼藉終年自然異香薰室已上出天曆元年如來滅後一千八百九十六年

冷泉天皇六十四代 諱憲平 治二年 王子男四人 女三人 二人即位

村上天皇第二子母右大臣藤原師輔女中宮安子也康保四年丁卯五月廿五日諸卿奉神璽寶劍於凝華舍御在所九月一日以守平圓融親王為皇太子于時年九歲天皇同胞弟也四日以昌子內親王為皇后年十八也九日夜始自亥時至于寅時普天之下衆星自東流西走散無間形如刀劍十月一日天皇即位於南殿年十八歲十二月十三日關白左大臣藤原實賴朝臣任太政大臣年六十八同日右大臣源朝臣高明任左大臣年五十四同日大納言藤原朝臣師尹任右大臣年四十八貞信公五男也

美服下一本有供養而數月五立一本作豎

康保五安和元年戊辰此天皇從東宮時有御惱今年春比御藥尤劇于時有香山聖人只以菓子為食不用火熟之食又不洗手其驗殊勝云々由夢告有勅令侍殿上王公卿相送百味美服祇候更無其驗密隱逃去世云習多波天法者也又時人云事有云々不注之六月延曆寺始廣學立義立者覺圓博士禪藝律師所立三觀義因明四相違八月十三日改為安和元



年、十月廿六日、御禊東河、是日皇子(花山)誕生、十一月廿日、左近中將藤原兼家叙從三位、藏人頭如故、廿三日、大嘗會、近江播磨供養其事、

安和二年己巳二月廿六日、從三位藤原兼家任權中納言、兼藏人頭、中將如故、三月有尙齒會、大納言藤原在衡行之、文時作序、其詞曰、少於樂天三年、猶既衰之齒也、遊於勝地、一日、豈非是老之幸哉、己巳廿六日、左大臣源朝臣高明、坐事遷太宰權帥、年五十六、是依左馬助源滿

良時一本作善  
時編年記同  
役恐促字

仲前武藏介藤原良時等之密告也云々、左降之除目以前午時、左府先以出家、同一男左兵衛佐忠賢同以入道、雖然不改官符文、猶早役、左遷追使右衛門尉藤原爲儀、迄山崎、使右衛門佐大江朝臣澄景也、逆主僧連茂、中務少輔橘朝臣敏延、左兵衛大尉源朝臣連前、相模權介藤原千晴等也、即流連茂於伊豆國、配敏延於土左國、流千晴於隱岐國、配連前於佐渡國、凡緣坐者有數、同日右大臣藤原朝臣師尹任左大臣、年五十也、大納言藤原朝臣在衡任右大臣、年七十九、大僧都如無之子也、八月十三日戊子、天皇春秋二十歲、讓位皇太子守平親王、同日以師貞(花山)親王、立皇太子、十六日辛卯、太上天皇出宮遷御冷泉院、安和元年佛滅後一千九百一十七年也、

戊子字一本作  
己丑

扶桑略記第廿六終

扶桑略記第廿七

圓融天皇 六十五代 諱守平 治十五年 王子男一人即位

村上天皇第五皇子、母右大臣藤原師輔女、皇后安子也、安和二年己巳八月十三日戊子、生年十一歲受神璽、同日、關白太政大臣藤原朝臣實賴、改蒙攝政詔、年七十也、九月廿日、天皇自襲芳舍遷御清涼殿、同廿三日於大極殿即位、十月十五日、左大臣藤原朝臣師尹薨、年五十矣、

八日紀畧作十  
八日 十三日  
作廿日

廿日紀畧作十  
七日

安和三年庚午正月廿七日、右大臣在衡任左大臣、年八十、大納言伊尹任右大臣、年四十七、三月廿五日、改爲天祿元年、四月三日、冷泉院火災、太上天皇遷御朱雀院、五月八日、太政大臣實賴薨、年七十一、諡號清慎公、十三日、伊尹蒙攝政詔、廿日夜、延曆寺惣持院燒亡、一云四月廿日燒亡、十月十日、在衡薨、十一月廿日、大嘗會、近江丹波供奉其事、

天祿二年辛未十一月二日、伊尹任太政大臣、年四十八、天祿三年壬申正月三日、天皇有御元服、年十四歲、五月、入道前左大臣高明朝臣、有詔召反、十一月一日、伊尹薨、年四十九、諡謙德公、同廿六日、中納言藤原朝臣兼通蒙關白宣旨、即日任內大臣、不經大納言、年四十八、右大臣師輔二男也、超於大納言兼右近大將藤原兼家卿等、忽蒙不次朝恩、是依母后之遺書也、萬機巨細、偏委關白、

紀畧所遺金塔  
一基

天祿四(天延元)年癸酉二月廿七日夜、藥師寺燒亡、從食堂童宿所、慮外失火、三月日、北野天神宮燒亡、七月一日、以皇后昌子爲皇太后、同日、以關白內大臣兼通女々御藤原皇子爲皇后、春秋廿七矣、十二月廿日、改爲天延元年、是由天變也、



天延二年甲戌二月廿八日、兼通任太政大臣十五。八九月間、有疱瘡疫、天下貴賤天亡者多矣。秋月、伊尹朝臣之四男右近少將藤原義孝、瘡瘡而卒矣。深歸佛法、常誦法華、命終之間、誦方便品、氣絕之後、異香滿室、同府亞相藤原高遠同在禁省、相友善矣。義孝卒後、不幾夢裡相伴宛如平生、便詠一句詩云、昔契蓬萊宮裡月、今遊極樂界中風。已上出慶氏記

天延三年乙亥五月、武德殿燒亡、七月一日辰時、日蝕皆既、天下忽暗、已見衆星。八月十三日、左大臣源朝臣兼明、於龜山祈水祭文作之、其詞云々、世傳云、即時清水涌出云々。

天延四貞元年丙子正月晦日、如意寺沙門增祐入滅、播磨國賀古郡峰目鄉人也、少日入京、住如意寺、同正月、身有少瘡、飲食非例、或人夢、寺中西井邊有三車、問曰何車乎、車下人答云、為迎增祐上人也、重夢、車初在井下、今在房前、同月晦日、增祐謂弟子曰、死期已至、可儲葬具、寺僧聞之、相共會集、論談釋教義理世間无常、晚頭被扶、弟子僧、向葬所、先是去寺五六町許、穿一大穴、上人於穴中念佛即世矣、此時寺南廿許人高聲唱彌陀號、驚而尋見、已無人焉。出慶氏往

五月十一日于時、內裡燒亡、天皇遷幸職曹司、六月十八日申時、有大地震、內裡築垣頽天下舍屋京洛築垣、皆以頽落、主上為遷幸堀河太政兼通大臣家、立數百工部、令修理間、四面築垣、忽倒、打殺工卅餘人、堀出十八人、又御讀經請僧童子等被壓殺、崇福寺法華堂南方、頽入谷底、時守堂僧千聖、同入谷死、鐘堂顛倒、彌勒堂上岸崩落、居堂上一大石落、打損乾角、又近江國分寺大門倒、二王悉碎損、國府廳并雜屋卅餘宇顛倒、關寺大佛悉碎損、腰上已無矣、其後一兩日間、頻震不止、七月十三日改為貞元元年、有災變也、十一月廿八日庚寅、立內裡柱、

五月上一本有同年

紀畧右大臣賴忠為左大臣

貞元二年丁丑三月廿六日、行幸於大相國兼通閑院第、有花宴、賦詩奏樂、四月廿四日、左大臣源兼明被停大臣職、改為親王、叙二品任中務卿、年六十二、七月廿九日戊子申時、天皇遷幸新造內裡、

貞元三年天元年戊寅十一月廿九日、改為天元元年、一云四月十五日改元同年、延曆寺沙門真覺入滅、權中

納言藤原敦忠卿第四男也、初在俗時、官歷右兵衛佐、去康保四年出家、從師受兩界法阿彌陀供養法、三時是修、一生不廢、臨終之時、有微病、相語同法等曰、有尾長白鳥、囀曰去來去來、即向西飛去、又曰閉目即極樂相、髣髴現前、入滅之日、誓願曰、我十二箇年所修善根、今日惣以廻向極樂、入滅之夜、三人同夢、衆僧上龍頭舟、來相迎而去焉。已上出往生傳

天元二年己卯二月廿五日、關白太政大臣藤原賴忠朝臣嫡子公任、於殿上元服、天皇手自授冠加首、八月廿八日勅、故僧正延昌閣梨、法宇棟梁、佛海舟楫、惠風高扇、既無六塵之遺、定水遠澄、更令五濁以淨、况松室素懷、久積濟世利國之日、蓮偈玄理、再授承平天曆之朝、公之餘芳、朕盡崇飭旗、功于二代之間、加名於十號之外、宜謚號慈念僧正、勅使少納言源元忠、作者源為憲、

天元三年庚辰往生記云、天元三年七月五日、宮內卿從四位下高階真人良臣卒去、齒迨知命、深歸佛法、晝讀法華經、夜念彌陀佛、雖臥病筵、不敢一廢、先死三日、其病忽平、剃首受戒、其氣既絕、家有香氣、空有音樂、雖遇暑月、稍歷數日、身不爛壞、尚如存生。已上出慶氏記同七月九日、天下大風、羅城門美福門皇嘉門達智門并諸司諸堂、皆悉吹倒、八月一日、有大洪水、山林舍屋多為江河、九月卅日、延曆寺座主僧正良源、供養根本中堂、請僧百五十人、或衣薜祢而出、嶺秋

紀畧大洪水為七月十五日



霧繞肩、或排松扇、而振錫、曉雲封眉、釋子雲集、讚頌之唱任、風、伶人影從、絃管之音沸、浪者也、

已上出  
供養記

十一月廿二日申時、賀茂臨時祭間、內裡燒亡、移幸職曹司、

天元四年辛巳五月十一日、四品兵部卿致平親王出家為僧、春秋廿九歲、七月八日癸卯、上內

裡棟、天皇遷御四條後院、九月十日、藏人貞孝於殿上頓死、十月廿七日辛卯、天皇遷幸新造

內裡、十二月權大僧都餘慶任法性寺座主、于時慈覺(圓仁)大師門徒云、法性寺座主者建立太

政大臣貞信(忠平)公、以慈覺大師門人而補任之、仍長者四代之間、奏任座主九人、他門不交、而

第五長者、當時太政大臣誤違舊蹤、以智證大師門徒餘慶、奏任第十座主、仍慈覺大師門徒僧

綱阿闍梨等廿二人、諸院諸寺從僧百六十餘人引率、參向關白太政大臣里第、僧徒失禮、有濫

吹事、因茲供奉之僧綱等、召仰綱所被停公請、其後不幾經日、權大僧都餘慶、辭法性寺座

主、

天元五年壬午正月九日、藏人掃部助平恒昌、有勅登延曆寺、入夜留宿千手院中、十日早朝、召

仰三綱云、奉綸命、傳傳聞、千手院無一人住僧、智證大師經藏法文、有紛失疑、宜仰三綱、令

守護之者、三綱等為恐勅命、可令近邊住僧守護之狀、進申文耳、仍廿一人為一番、各守五

箇日夜、可守護之狀、帖而彼藏近邊住僧百廿六人畢、勅使藏人歸洛已了、綸旨座主良源所行、

可燒亡千手院經藏、并觀音院一乘寺之事、可殺害餘慶穆算等五人之事、已有其聞、極以不

善者、座主大僧正良源獻請奏云、伏尋內外典、放火殺害、是罪中之大罪、佛教之所誡、身壞命

終、必墜地獄、多劫受苦、設入死門、不可犯惡逆罪、況至法性寺事、門徒愁申之旨、不為各身利

天皇下名榜志  
引有自官廳三  
字

從僧一本作供  
僧

綸旨上一本有  
又字下有稱字

益名聞、只為令不墜一門舊跡也、望請天裁、早被召問奏聞之人、體故弁申虛偽之旨矣、二

月十九日、皇太子(花山)元服、年十五歲、三月五日、關白太政大臣藤原賴忠之女女御遵子為皇

后、年廿六、世言四條宮、八月十五日、日本國東大寺、牒大唐青龍寺、傳燈大法師位齋然牒、往年

祖師空海大僧正入朝、受法惠果大和尚、聖教東流以降、殆垂二百載矣、我朝入覲久絕、書信難

通、蒼海自隔、雖為一天之參商、白法是同、寧非八代之弟子、件齋然遙趣大方、慕禮聖跡、汗

之潤、顧鰲波而既期、燭火之光、望鳥景而不息、乞也察狀、將慰萬里泣岐之心、令得五臺指

南之便、謹牒、同月十六日、日本國天台延曆寺、牒大唐天台國清寺、東大寺傳燈大法師位齋

然陳狀、備十餘年間、有心渡海、蓋歷觀名山、巡禮聖跡也、適遇商客、將付歸艙、汗然鄉土非

不懷、尚寄心於台嶺之月、波浪非不畏、偏任身於清涼之雲、往者真如出瀆派、而趣中天竺、靈

仙拋家國、而住五臺山、縱雖庸才、欲追古跡、伏望垂允容、給小契、以為行路之遠信者、夫以

二方異域、雲水雖迥、一味同法、師資是親、件齋然學傳三論、志在斗薨、願令萬里之飛蓬、付一

箇之行李、以牒、已上齋然注  
橋度唐牒十月、大內記慶滋保胤作池亭記、其文曰、東京四條以北、人無貴賤、

多所群聚也、高家比門連堂、小屋隔壁接簷、東隣有火災、西隣不免餘災、南宅有盜賊、北宅難

避、流矢、南院貧北院富、富者未必有德、貧者且猶有耻、又近勢家、容微身者、屋雖破不得葺、

垣雖壞不得築、有樂不能大開口而咲、有哀不能高揚聲而哭、進退有懼、心神不安、譬猶鳥

雀之近鷹鷂矣、何況初置第宅、轉廣門戶、小屋相并、小人相訴者多矣、宛如子孫去父母之國、仙

官謫人世之塵、其尤甚者、或至以狹土、滅一家之恩民、或卜東河之畔、若遇大水、與魚鼈為

陳狀上一本有  
牒得齋然四字

鶴一本作鶴



佛那恐佛陀

不得窺一本作  
不可窺文粹  
紀畧新嘗會為  
十五日

託宣記作念佛  
讀經天動地感

伍、或住北野之中，若有苦旱，雖渴乏無水，彼兩京之間，无空閑之地歟，何其人心之強甚乎，且夫河邊野外，非管比屋比戶，兼復為田為島，老圃永得地以開畝，老農便堰河以溉田，夏天納涼之客，已无漁小鮎之涯，秋風遊狩之士，又無臂小鷹之野，予六條以南，初卜荒地，築四垣開一門，就隆為小山，遇窪穿少池，池西置小堂，安彌陀，池東開小閣，納書籍，池北起假屋，着妻子，綠松島白沙汀，紅鯉白鷺，小橋小船，平生所好，盡在其中，况乎春有東岸之柳，細烟嫋娜，夏有北戶之竹，清風颯然，秋有西窓之月，可以披書，冬有南簷之日，可以炙背，予職雖在柱下，心如住山中，官爵者任運命，天之工均矣，壽夭者付乾坤，丘之禱久焉，身暫隨王事，心永歸佛那，予出有青草之袍，位雖卑職尚貴，入有白麻之衣，暄自春潔於雪，漢文帝為異代之主，以好儉約安人民也，唐樂天為異代之師，以長詩句歸佛法也，云云，予杜門閉戶，獨吟獨咏，以仁義為棟梁，以禮法為柱石，以道德為門戶，以慈悲為垣墻，以好儉為家事，以積善為家資，居其中者，火不能燒，風不能倒，妖不得至，疾不得來，鬼神不得窺，盜賊不可犯，其家自富，其主是壽，官位永得，子孫相承，已十一月十七日乙卯，新嘗會終，同夜寅時，大內燒亡，天元六（永觀元）年癸未三月廿二日，公家供養圓融寺，安置七佛藥師像，池東建法華堂，四月十五日，改為永觀元年。

永觀二年甲申六月廿九日戊申，安樂寺託宣，辰時以禰宜藤原長子託宣曰，我此砌下，月來之間，兩三僧侶，種種修善，遙以出入，黃昏錫杖之音，日夜懺法之響，念佛讚經，地感天喜，何况我及眷屬，尤有其益，須以件僧等，令述陳之，而三摩耶形，是皆釋衆，若用此人，可无法威，仍以愚暗

昔下託記有日  
字

任上託記有當  
字

郡託記作祥

女、輕輕令言，何可求賢，不用本心之故也，寺家別當取筆注之，我欲亦一事云云，我家子孫，遠近有員，內外不隔，漸經數代，遙難相知，歟，昔依讒言，放我之日，大臣時平卿光卿納言定國卿菅根朝臣，偽稱勅宣，召陰陽寮官人，充給種種珍寶，令呪咀我并子孫，永絕不可相續之由，神祭多送日月，皇城八方占山野，厭術埋置雜寶，然而我不可絕之術，隨分相構，被指姓名之人，皆以短命，又次次孫孫，不高官位，家貧才乏，是依厭術也，朝家之政豈可然乎，故高視淳茂朝臣等，切切祈念云，子子孫孫家業不斷云云，我為思家文殿書等被空廢事，令遂淳茂登省及策，次次在躬輔正令相續事，一向我加護力，每度成妨乎，大貳朝臣兼式部大輔事，又希有為家有面目，為公无憲法，大貳朝臣內外共末孫，又存信心，依發造塔寫經之大願，我深廻謀，令赴任，暫停他事，早遂此願，致合力之人，現世後生之大願皆成，生生世世因果全熟，我一時之間，廻於三界，常住所濟度衆生界也，此界普賢文殊觀音地藏四體菩薩遙來化度，我每日往帝釋宮，閻羅王宮，自在天宮，五天竺國，大唐長安城，并西明寺，青龍寺，新羅國郡武城，當州皇城，并當府及諸國所歸依占別宮等也，我隨身伴黨一萬二千八百餘人，惣含恨背世，貴賤靈魂，皆以集來，但无理，含恨之輩，專不相共，昔自少年時，有入唐之心，出身之後，被任大使，依有本意，早欲渡海，而副使長谷雄朝臣，聊有相語，遲怠之間，昇大臣官，已以不遂，依彼本執，常在唐家，抑我是蒙攝政之詔，成功之身，朝家定憲何无其賞，只贈一階，大山之上，如加一塵，我已負无實事之後，帝釋宮召鎮國明神，被勘糺之，隨即種種災變，面面出來，公家不堪其譴，改元為延長之日，授本大臣官，彼左遷時，文書皆燒失，不可傳後代之詔明白，是依無罪所行也，彼詔



見託記作更

無事託記作無  
別事成怪作  
成奇怪

氏中下託記有  
可有定三字

作人事旨不快，仍又天罰畢，愚人之甚，不得其心，贈太政大臣止一位，今為我無益，而南山隱者等，皆大恠咎云々，定無罪由，可無例賞云云，依有先蹤也，已無糺事益云云，仍所亦也，我每日阜城燒亡度度，我見不屑，而伴類中所成，為公常以嘲哢，令致大費，後後又不絕歎，上自崇道天皇，下至菅家小臣，不去帝釋宮，愁緒難斷，去昌泰三年正月三日，行幸朱雀院，太上皇（宇多與今上）（醍醐）合額言談召我，甚密密被仰，天下政汝獨可奏下，改先詔如何，左大臣（時平）見氣色出陳外，我返奏曰，上在大臣，先詔下畢，是極不便，有大慙歎云云，議定曰，有召無事，人成怪矣，可上詩，題以春生柳眼中，即被下畢，俄令獻詩，此日例祿之上，兩帝皇并后宮，各賜御衣，衆人驚怪，榮耀無比，左大臣氣色頗異也，又延喜御後皇胤不變，是只依法皇深御契所護持也，我家末葉立朝廷者數少，又無力也，吉祥院事，誰人堪力，得改作乎，氏中十月十七日，悔過，于今不怠，子孫不絕，只依此誠也，至公事告而無益，不可披露，此勤修諸僧，可令知我歡喜之由云云，已上託 八月廿七日甲辰，天皇春秋廿六，禪位於皇太子師貞（花山）親王，同日懷仁（一條）親王立皇太子，延曆寺內供奉十禪師阿闍梨千觀入滅，俗姓橘氏，其母無子，竊祈觀音，夢得蓮花一莖，後終有娠，誕于闍梨，闍梨心在慈悲，面無瞋色，兼學顯密，莫不博涉，除食時外，不去書案，或集法華釋文，具載三宗，或記義科奧旨，各成卷軸，凡厥所撰，究美窮理，亦作阿彌陀倭贊二十餘行，都鄙老少，以為口實，樂樂結緣者，往往而多矣，闍梨夢有人語曰，信心是深，豈隔極樂上品之蓮，善根無量，定期彌勒下生之曉，闍梨以入事而誠，徒衆發十願而導群生，遷化之時，手握願文，口唱佛號，權中納言敦忠卿第一女子，久以為師，相語曰，大師命終之

後，夢中必示生處，入滅未幾，夢闍梨上蓮華船，唱昔所作阿彌陀贊，西方行焉，已上出 生記 曰，此內供之往生，年來未詳，可考，故老傳曰，千觀內供，蟄居攝津國箕面山觀音寺，念佛餘暇，撰集法華

三宗相對釋文之比，天下早魘，仍公家為祈雨，遣勅使於內供奉十禪師千觀之草庵，于時千觀與勅使相共，登向箕面之瀧，瀧上有大柳樹，頓仆橫覆，瀧壺，木上三人並居，與坐內供手擎香爐，次居從僧手持水瓶，後侍勅使手執勅祿，千公啓白致誠請雨，而香爐煙聳，自然滿山，從瀧壺內，黑雲昇虛，導師稱曰，法既成就，出山歸房，途中值雨，自瀧至室，可廿餘町，時人隨喜，故傳記也，又同箕面山瀧下有松樹，有修行僧，寄居此樹下，八月十五日，夜閉月明，天上忽有音樂及檣聲，樹上有人曰，欲迎我歟，空中答曰，今夜為迎他人，向他所也，可迎汝者，明年今夜也，又無他語，音樂漸遠，樹下僧初知，樹上有人，便問樹上人曰，此何聲哉，樹上人答曰，此冊八願之符聲也，樹下僧竊相待，明年八月十五日夜，至于期日，果如其語，微細音樂，相迎西去矣。

華山院六十六代王子男  
二人 无即位人

永觀三（寬和元）年乙酉正月三日，座主大僧正良源遷化，年七十四，諡號慈惠，近江國淺井郡人也，十八日，東堂合廿四町，悉以燒亡，二月廿二日，皇太后昌子內親王，天台山脚建立精舍，號觀音院，此院之裡有六箇堂，其一曰講堂，即奉安置金色六觀音像，為引攝六道衆生也，復有六天像，令護持佛法，故也，其二曰五大堂，安置五大尊像，其三曰灌頂堂，夫灌頂者，大悲之水灌頂，妙覺之月圓光，遍十方而利生，亘三世而濟物，其四曰法華堂，新安普賢像，長轉法華經，一生有限，百齡難期，是以今構一乘堂，長勤三昧講，其五曰阿彌陀堂，即安尊像，專為先慈，其六

廿二日名勝志  
引作廿九日丁酉



陵一本作考

紀畧廿九日定  
大嘗會悠紀主  
基等

紀畧廿三日庚  
申今嵯和刻許  
云是月戊戌  
朔廿三日庚申  
也

編年記云義懷  
卿法名悟真後  
改寂真

梅城錄引此云  
人王六十六代  
一條天皇諱  
仁則融天皇太  
子寬和二年丙  
戌生年七歲受  
禪六月即位於  
大極殿

曰真言堂、安置兩部曼陀羅、先陵（朱雀）先妣（照子）外、雖無遺體之輩、妾獨不忘報恩之心、訪泉  
聲兮和雲色、所延者比丘之一百餘、弄洞羅兮點嶺松、所供者滿山之三千弱、已廿五日、權僧正  
尋禪任天台座主、右大臣師輔十男也、三月廿九日、圓融院太上天皇春秋廿七、依病出家、法諱  
金剛法、四月、天台沙門源信、撰往生要集、流布天下、九月十九日、法皇自堀河院、移圓融  
寺、十一月廿日、大嘗會、依豐樂院破壞於大極殿、有大嘗會、

寬和二年丙戌四月、太上天皇（圓融）於東大寺登壇受戒、五月八日、四品盛明親王薨、延喜帝王  
第十五之皇子也、六月廿二日庚申夜半、天皇生年十九、出鳳闕宮、向花山寺、落飾入道、法號  
入覺、藏人左少辨藤原道兼、僧嚴久二人陪從、出縫殿陣、參元慶寺、即時令左近少將藤原道綱  
持神璽寶劍、獻東宮（一條）御在所凝華舍、伴三人外、他人不敢知之、禁省事秘故也、即夜右大臣  
藤原兼家、參入內裡、令固禁門、中納言義懷、并左中辨惟成、追參華山、同以出家、惟成法名寂  
空、先帝固辭太上天皇之號、并不賜任人爵人封戶等、偏行佛道、交入山林焉、寬和元年如來滅  
後一千九百三十四年

一條天皇上 王子男三人 女二人

寬和二年丙戌六月廿二日庚申、生年七歲受禪、同廿三日辛酉、有太子授位宣命、同日太政大臣  
賴忠被罷、關白整居、年六十三、七月四日、炎旱之後雨降、先是遣少僧都元杲於神泉苑、請雨  
之驗也、五日、以皇太后昌子內親王、為太皇太后、年三十歲、同日以天皇母后詮子、為皇太后、  
年三十六歲、九日、大宰府言大宋國商客鄭仁德來着狀、十六日、以居貞親王立皇太子、

來下名勝志引  
有自山崎津登  
來蓮臺寺九字

冷泉院 同日於外祖攝政右大臣南院第、皇太子元服、年十一、廿一日丁亥、二品宗子內親王薨、  
二男也、  
廿二日、花山法皇徒行、赴播磨國書寫山、謁性空聖人、八月廿五日、仰大宰府、令歸朝入唐僧  
齋然等、十月十日、圓融法皇幸大炊河、賦詩詠歌、攝政右大臣以下多以從之、十一月十日終  
夜、春日社鳴如雷、大風又雨、三日間有電光、十二月十七日、以吉田社准大原野社、行二季祭、  
四月中申日十  
一月中酉日

寬和二年（永延元年）丁亥正月卅日、重禁兵仗、二月十三日戊子、圓融院上皇幸紫野、有子日遊、又  
有倭歌、十六日勅、故大僧正良源阿闍梨、垂跡浮生、棲心常樂、智惠之水澄、邪見之煙歛、久居  
台嶽之貫首、深貯法藏於唯心、況乎自朕誕育之始、厚其護持之慈、而忍辱之衣永隔、攀戀之襟難  
忘、其人爰在、其懷可酬、宜加褒崇、諡曰慈惠、縱雖樂金繩之風、請莫輕紫泥之露、同日入唐僧  
齋然歸朝、摺本一切經論、并靈山第三傳釋迦等身立像、十六羅漢繪像持來、今日天皇從凝華舍  
遷御清涼殿、三月四日、仰有司立新制十三箇條、十日、置慈德寺阿闍梨五日、四月十二  
日、盜入主稅寮文殿、取散雜文、五月五日、立新制五箇條、廿四日、於神泉苑、修請雨經、依  
祈雨也、廿九日、服御常膳減撤、又高年人賑給、調庸未進免除、又大赦天下、依災旱也、六月  
廿九日庚申、攝政并左大臣以下群卿、參賀茂社競馬、依賽祈雨之感應也、七月廿八日、仰公  
卿等、令上封事、依天變旱災等也、八月廿一日、保子內親王薨、村上三女  
年卅九十月十四日、行幸攝政東三  
九月廿二日、行代始仁王會、廿六日、一品行中務卿兼明親王薨、十月十四日、行幸攝政東三  
條第、命詩宴、又召擬文章生等、奉試賦詩、詔授角振隼兩神從四位下、又賞家子家司等、十六



日、召儒士於陣頭、評定試詩、廿六日、圓融法皇御幸南京、巡拜諸寺、於東大寺受戒、太宗國商人朱仁聰來到、十一月二日、加制止上下人人不用錢貨事、六日、參議正三位大江齊光薨、<sup>五十</sup>八日、行幸石清水、皇太后同參、十七日夜、兵庫倉二字有火、十二月十五日、行幸賀茂社、皇太后(詮子)同參、廿八日、大赦天下、又老人給穀復百姓半倍、依武庫災并天變也、月日、改造北野寶殿、月日、少僧都湛然卒、

阿一本作安

濫觴抄作實圓

永延二年二月八日、歸朝僧齋然、差弟子嘉因并唐僧祈乾等、奉大宋國、廿一日、參議正三位右衛門督源忠清薨、<sup>五十</sup>三月廿日、供養太上法皇圓融寺五重塔、廿五日、主上於常寧殿、賜賀攝政(兼家)六十算、左右大臣(雅信爲光)以下候、攝政孫兒二人奏舞、廿六日、從一位右大臣藤原朝臣爲光、供養法住寺五間堂舍一字、安置金色丈六釋迦如來像、結跏於中央、金色藥師觀音延命如意輪列座左右、更刻六尺之像、又法華三昧堂一字、安普賢菩薩、乘六牙象、西面常行三昧堂一字、阿彌陀世尊與四攝衆、東向、共在一時、始其三昧、起自鬘髮之春、限以龍華之曉、嘔一百餘口之比丘、滿兩三年來之願海、錫聲梵響、嶺嵐吹而遠傳、花雨香煙、洞雲拂而猶散、<sup>已</sup>同年、性空聖人於書寫山、建堂、號圓教寺、造立丈六釋迦佛像、供養講師延曆寺實因、四月廿六日、太政官頒奉幣帛於六十社、依賀攝政六十算也、十月十二日、兵部卿四品永平親王薨、<sup>四</sup>廿七日、圓融法皇爲廻心、欲登台山、幸攝政二條京極新造寺、於同馬場殿有走馬事、今夕宿御一乘寺、廿八日、法皇登台山、廿九日、太上法皇登延曆寺、受灌頂戒、一云於東大寺受灌頂戒、卅日、法皇差使於鎌倉、奉訪花山法皇、十一月日、大僧都元果卒、十二月二日、少僧

都興良卒、

永延二(永祚元)年己丑八月八日、改爲永祚元年、依彗星天變也、十三日夜、天下大風、宮城關門樓閣堂舍殿廊及諸司舍屋垣門萬人家宅諸寺諸社、皆以顛倒、無一舍立、拔樹頽山、又有洪水高潮、畿內海濱河邊民煙、畜田爲之皆沒、死亡損害、天下大災、古今無雙、平城京藥師寺金堂上層重閣爲大風被吹落矣、九月廿九日、大僧都餘慶任天台座主、十二月二日、宣命使少納言源時方、於觀音院受取印鑑焉、

濫觴抄作一百  
餘口對三十二  
相

由一本作依

永祚二(正曆元)年庚寅正月五日壬午、天皇元服、<sup>時年</sup>十一月日、行幸圓融寺、拜謁法皇、二月二日、西大寺燒亡、三月廿日、太上天皇供養圓融寺塔、造五重塔一基、摩訶毗盧遮那如來像四體、圖繪於塔中、彌陀釋迦藥師彌勒各一軀、安置於壇上、屈請一百口之僧侶、啓白卅二相之佛、<sup>已</sup>昨在金闕、如父於四海之人、今成沙門、作子於十方之佛、<sup>已</sup>十月五日丁未、以太政大臣賴忠之女中宮遵子、改爲皇后宮職、同日攝政內大臣道隆一女女御定子立中宮、<sup>母則尙侍</sup>十一月七日、改爲正曆元年、由去年大風改元也、同年、管丞相贈太政大臣宣命、正曆二年辛卯二月十二日、圓融院太上天皇春秋卅三崩、十九日庚申葬於圓融寺北原、置御骨於村上山陵傍、主上并侍臣女房着素服、但依遺詔、停天下之諒闇、閏二月十八日、天台座主權僧正餘慶入滅、年七十三、筑前國早良郡人也、同月廿七日、圓融院法皇七七日御法事被修、奉造白檀阿彌陀佛像一體、觀音勢至菩薩像各一體、奉寫金字妙法蓮華經一部、<sup>作者</sup>以前佛經供養、洵說八萬四千之相、秋月滿而高顯、開三顯一之文、春花貫以永點、伏惟太上天皇慈愛稟

顯文粹作懸  
變作悲全



作誰 寫作瀉

通記第一 校本扶桑略記卷二十七

二百五十四

法名下脫

性佛法刻心誦一乘經全護寶殊於頂上受五部法新寫智水於瓶中嗟乎過於熙連河之苦行一年禪定水靜先於沙羅林之涅槃三日應化月空上六七月天下旱魃七月十日勅曰高階真人成忠依為皇后外祖殊有恩宜為從二位又後日改真人為朝臣同月供養法興院其處為體不異仙窟林藪之半老送春秋分徐幽水石之自寒觀苦空分共咽者也導師大僧都真喜任權僧正行年六十是法興院供養導師賞也九月十六日天皇母儀皇太后諡子落於花簪入于佛道法名停宮號為東三條院賜年分受領年官年爵封戶如舊十月東三條院參詣長谷寺

說一本作託

正曆三年壬辰二月廿九日東三條院參石山寺四月廿七日庚寅行幸東三條院賦詩奏樂十二月四日安樂寺託宣云云禰宜藤原長子同月朔日早旦云依例昨夜宿御在所今曉寅時夢中廟君告仰云以汝有可仰傳事不可罷去但我一兩日可他行也其間御殿不開可祇候者仍召仰宮仕法師淨洞不開御殿恒例御供御燈等於戶外御簾之前批排奉供同三日夜半雷公大鳴降雨如沃電光似日天響地震然間自排御殿之戶宮仕等皆驚恐漸及寅刻禰宜長子託宣云寺司等可召者大宮司安倍近忠託宣旨仰云々々我常思昔其心不安元者是昌泰三年正月三日朱雀院行幸日事也具如其事漏聞年內成謀明年有左遷事其同心輩不經幾程皆悉天亡子孫各絕我入滅之後參清涼殿拜謁帝皇奏已古事合掌流淚我行西時故真信公為右大辨歎我遠行遞通消息不同兄左大臣謀計由此彼家子子孫孫攝政不絕我每日三度參帝釋宮愁訴之後得自在身我今懷一絕句示寺僧等家門一閉幾風煙筆硯拋來

連一本作漣

禪院濫觴抄作  
禪林寺千手院  
作于光院

體一本作軀  
軀一本作體

九十年我仰蒼天懷古事朝朝暮暮淚連連又一切經論欲令書寫難會道心之人我家末葉難遂此願向後必出來歟已上託宣畧抄正曆四年癸巳正月十一日禪林寺燒亡八月十日之比觀音院十禪師成算童子由無實小事禪院住僧平代致大愁仍慈覺大師門徒僧等斫燒於千手院房舍并門人一千餘人僧侶追出山門已畢燒亡房舍四所權少僧都勝算房故阿闍梨滿高房阿闍梨明肇房僧連代房也斫壞房舍千手院卅餘宇蓮華院冷泉院之御願佛眼院故式部卿是忠親王建立故座主良勇房故前少僧都房算房權少僧都稔算房故阿闍梨倫譽房故已講實定房阿闍梨壽勢房故阿闍梨湛延房等也此外房舍粗有其數不能具記其後智證大師門人等各占別處不住叡山上秋比天下有飽瘡疫正曆五年甲午自正月至十二月天下疫癘起自鎮西遍滿七道五位以上七十餘人疫死二月廿日關白道隆供養積善寺安置金色丈六毗盧遮那佛像一體脇侍釋迦藥師各一軀梵王帝釋四天王各一軀圖繪釋迦一萬體書寫大小乘經妙典先公入道大相國以忠事君以信歸佛即卜勝地以立道場積善寺是也草創以後二三年間墻壁先成不日之功堂閣始締如雲之構豈圖大廈之基未半厚夜之駕早催爰有精舍稱法興院斯乃先公開放之地不日所改成也林鶯百轉暗添歌曲岸柳千條漫助舞腰已上十一月五日天台山惣持院燒亡正曆六長德元年乙未二月廿二日改為長德元年是疫死災也今年夏比疫癘殊盛納言以上薨者八人古今未有云云長德二年丙申四月廿四日內大臣藤原朝臣伊周貶謫大宰權帥年廿二中納言藤原隆家貶遷

通記第一 校本扶桑略記卷二十七

二百五十五



生於文粹作生  
急作忽

顏一本作領  
紀畧十月十日  
右衛門佐孝道  
奏云昨日未刻  
中宮邊權帥入  
京之由  
五日云々紀畧  
作十七日

赤斑瘡疫紀畧  
作天變炎旱災

出雲權守年十七配流但馬國件左遷事元者去正月十六日花山院移幸故恒德公之家內大臣又到彼家於是內大臣共人等射花山院御在所仍事起是矣云云五月四日權帥伊周離宮十一日中途稱病暫留播磨十月七日前中納言從三位行出雲權守藤原隆家卿獻上申文其詞曰隆家生於累葉丞相之家仕於一朝聖主之代年已弱冠未及二九之齡位急高貴初備十六之臣為朝為世雖懸毀謗於萬人之唇吻為家為門多施榮耀於一身之面目而無誤坐配流是猶少而先老之過也不犯處重科豈非愚而超賢之怠哉嗟呼昔侍鳳闕已為羽翼之臣今在馬州長作蕩蕩之士天性雖愚忝懲龍顏逆鱗之誠地望雖失泣仰烏頭變毛之恩而已十一月伊周竊入京洛之由風聞天下尋得重亦左遷大宰府十二月八日權帥伊周到大宰府

長德三年丁酉三月廿五日依東三條院御惱天下大赦四月五日有勅召反大宰權帥伊周并出雲權守隆家五月十三日入京

長德四年正月廿二日壬午供養圓教寺是年自夏至冬疫瘡遍發六七月間京師男女死者甚多下人不死四位已下人妻最甚外國不死世謂之赤斑瘡始自天皇至于庶人貴賤老少緇素男女無一免此瘡者但前信濃守公行獨不患之

長德五(長保元)年正月十三日改為長保元年依去年赤斑瘡疫也六月十四日亥時內裡燒亡移幸東大宮八月廿一日辛未供養慈德寺律師嚴久任少僧都寺司賞也十一月朔日庚辰關白道長一女彰子入內七日為女御年十二歲十二月一日太皇太后子昌內親王崩

名勝志引五十  
下有五字

移宮紀畧作十  
月十一日

月一本作邊紀  
畧作部

年五十朱雀之一  
女冷泉之皇后也

同日五日甲寅葬于觀音院依遺令不置山陵不入國忌

長保二年庚子二月廿五日癸酉皇后宮藤原遵子為皇太后世謂之四條宮同日中宮定子改為

皇后宮同日彰子立中宮四月七日雷零豐樂院招俊堂雷火八月十六日洪水廿日關

白道兼女尊子為女御十一月十一日天皇移御新造內裡十二月十六日皇后宮定子崩

長保三年辛丑春月疫死甚盛鎮西坂東七道諸國入京洛疫癘殊甚仍三月十八日甲午行幸大

極殿為除疾疫修大仁王會同廿八日請千僧於大極殿令讀壽命經五月九日京師諸人

於紫野行御靈會道路死骸不知其數天下男女夭亡過半七月以後疾疫漸止十月九日丙

午天皇行幸中宮御在所上東門院奉迎東三條院賀母儀四十之算侍臣奏舞十一月十八

日內裡燒亡閏十二月廿二日東三條院於右大辨藤原行成第崩依遺令不置國忌山陵停

止素服廿四日葬鳥戶野

長保四年壬寅三月十日雷電大盛冰降雨沃七月一日有日蝕五日有大流星六日亦

有日蝕月亦無光斯月伊勢豐受宮有廿箇年一度遷宮十七日大僧正觀修年五十八供

養解脫寺內常行堂其詞曰弟子自少日經幾年心繫極樂之境界口唱彌陀之寶號巖戶昏來

對日轡而馳思松門曉到望月輪而運心近年以本山之繩床不煖中都之草沓屢穿羊皮空

動蹤隔左溪之玄風鳳術頻下職繼北地之碧分解脫寺者東三條院禪定太后為誓護國家所

建立也山隣叡岳之西頭自披鬱陶於師跡之風寺鎮帝城之北面可致潛衛於皇基之日仍今

劉其隙地結此小堂奉造白檀阿彌陀佛像一體觀音勢至二菩薩像各一體奉書墨字雙觀无



岑一本作峯

量壽經一部十六卷、私云十六卷之本全不見如何安置供養法會之次、始自今日黃昏、三箇日夜間、偏爲後生菩提、修不斷念佛三昧、上巳十月十四日、右兵衛府燒亡、

長保五年癸卯五月十九日有洪水、六月九日辰時、增賀聖人於大和國十市郡倉橋山多武岑南无房入滅、年八十七、直向西方、金剛合掌乍居遷化、仍不入棺、作輿葬送、書披法華章疏、終日无倦、夜修彌陀念佛、通宵不眠、以之爲其一生行業、少昇叡山、學業日進、忽慕菩提、現狂遁去、其後數十年餘、偏期往生、不交他事、上巳智源法師法華驗記云、多牟峰增賀聖人、平安京人也、誕生以後、未經旬月、父母下坂東國、乳母抱兒乘馬進發、曉更未明、忽出行間、乳母乍居馬上、眠睡殊深、所抱小兒落馬入泥、乳母尙寢、不知兒落、空持襤褸、過數十町、眼覺無子、駭悲告親、父母聞之、涕叫无涯、牛馬人夫定蹈殺歟、爲見死骸、泣還尋求、草下水底、遍以探涉、往數千步、狹路泥中、平正石上、含咲遊臥、父母喜抱、見者稱嘆矣、其夜夢見、泥中石上、敷於天衣、令居小兒、天童合掌云、佛口所生子、是故我守護、乃至年始四歲、最初發語、向父母言、我登叡山、讀誦法華、習一乘道、當繼聖跡、作是語已、更無他言、歲及十旬、昇比叡山、爲慈惠大僧正弟子、習學圓乘、通達止觀、厭有爲世、入無常觀、遂遁叡岳之衆處、永卜倉橋之山林、臨遷化時、坐於繩床、誦法華經、結合掌印、乍居入滅、上巳秋時、參河守大江定基出家入道、法號寂照、八月廿五日、寂照離本朝肥前國、渡海入唐、賜圓通大師號、十月八日甲子、天皇移入新造內裡、十一月十二日大風電、

長保六(寬弘元)年甲辰五月九日壬辰、犬上弓場殿之上、跳下自清涼殿東庇、七月廿日、改爲寬

上座濫觴抄倒  
 上表載在文粹  
 第五紀畧作  
 權中納言

封事下一本有  
 也字

面子紀畧作面  
 了

弘元年、十一月十五日乙丑、月蝕皆既、十二月一日庚辰日蝕、廿八日丁亥、大宰帥平朝臣惟仲停任、去四月廿八日、宇佐宮司氏人等參上、愁訴帥平惟仲、令封宇佐宮寶殿事等、仍遣推問使、事既審實、由之被解職也、其替左兵衛督藤原高遠任大貳、

寬弘二年乙巳二月廿五日、前內大臣藤原朝臣伊周、勅列大臣座下大納言上座、七月廿一日、中納言藤原朝臣公任上表辭職、勅返表狀、殊加一階、十月十九日甲午、關白道長供養木幡三味堂、儀式准御齋會、以觀修爲寺別當、十一月十三日、伊周勅預朝議、十五日己未夜、內裡燒亡、天皇急幸中院、次御腰輿、遷幸職曹司、廿七日、行幸關白東三條第、十二月廿八日、流長岑忠義於佐渡國、依宇佐宮寶殿封事、

寬弘三年丙午五月十日辛亥、右少辨藤原廣業、於殿上爲藏人式部少輔藤原定佐、以笏破打損其面子、仍十一日除定佐札、六月十三日、優免定佐、八月十七日丁亥、有童相撲事、相分殿上侍臣、令挑此事、主上御覽、十二月五日、關白左大臣息男教通能信元服、教通叙正五位下、能信叙從五位上、廿六日甲午、左大臣法性寺內建一堂、置丈六五大尊、今日開眼供養、

扶桑略記第廿七



寬弘四年以下  
至治安元年冬  
皆缺

扶桑略記第廿八

後一條院卷首

缺字一本作互

下馬敬屈、連枝上卿、次第相列、不整華麗、候其松容、自餘陪從皆是、濟輩濟々焉、難可具記矣、殿下先進、牛傍、殊致信敬、口陳懇念、心發弘願、手自采草、試寄其口、牛即銜草、快以受用、動身而相敬、抗首而涕泣、舌雖不堪相語、意猶應知其思、因善根之已熟、值迦葉之再現、知尋過去之芳契、口又締當來之勝緣也、相續臨此堂閣、詣于佛前、禮拜恭敬、尊重讚歎、達嘸之物、既有其色、不能具記、已十二月二日、供養法成寺內西北院、

治安二年壬戌二月十九日、被奉勅使於石清水宮、告宇佐宮燒亡事、七月十四日、入道大相國(道長)供養法成寺金堂、其記言、方今帝王儲皇之祖雖貴、若不勤其奈、菩提何、二后二府之父雖嚴、若不懺其奈、罪業何、建立道場、號法成寺、瓦葺金堂、草創已成、其內安置三丈二尺金色大日如來、一一蓮華葉上、百體釋迦、又金色二丈釋迦如來、同藥師如來、文珠師利菩薩、彌勒菩薩、相好圓滿、左右圍繞、彩色九尺梵天帝釋、及四大天王、為住持佛法、鎮護國家也、又五大堂同以造立、安置彩色二丈不動尊一丈六尺四天尊、為降家門成怨之怨靈、為專弟子臨終之正念也、亦奉寫金字妙法蓮華經一部、黑字同經百五十部、嘔請百五十口之僧侶、施與百五十具之法衣、是日天皇行幸、春宮二后同以行啓賞司、天下大赦、十月十三日、太皇太后(彰子)供養仁和寺內觀音院、燒亡後重造、

治安三年癸亥正月二日、行幸太皇太后、朝覲也、皇太弟同行啓、七月十日、入道大相國、於法成

彩色法成寺金  
堂供養記作金  
色  
五大下有尊字  
立作之

紀畧云巡禮大  
和國七大寺參  
詣紀伊國金剛  
峯寺名寺一  
本作名區

寺被始修三十講、十月十三日癸酉、於上東門院設法會、賀從一位源朝臣倫子六十算、同十七日丁丑、入道前大相國詣紀伊國金剛峰寺、則是弘法大師廟堂也、路次拜見七大寺並所所名寺、相從人等內相府(教通)並民部卿(俊賢)中宮權大夫(能信)、修理權大夫長經朝臣前備後守能通前肥後守公則散位隆佐左衛門大尉宗相散位範基兵部大丞源致佐右衛門權少尉真重同高平前權少僧都心譽前權少僧都永圓權少僧都定基權少僧都永照三會已講教圓等都十六人、緇素並轡、共以前驅、已時御宇治殿、膳所供御膳、次留宿東大寺、十八日早旦、奉禮大佛、又寺內東去五六許町、山上有堂、謂之銀堂、堂中安銀丈六盧舍那佛像、蓋以之為堂號也、破損殊甚、銀像過半為賊穿取、衆人私相語云、此佛非無鎖籠之構、此堂非無守護之司、頻入偷兒之手、如無鎖固、或以彈指、或以流涕、仍召仰威儀師鴻助云、此佛此堂尤可哀愍、且令勸申材木等支度、至于新物、隨申請可宛給、又亦陪從人人之知識、各可加銀一兩之由、被定仰了、則召御餌囊銀鏡一盃、且預鴻助已了、巡禮之後、於大門下、御馬一疋被投僧正、次拜興福寺北南圓堂、異角小門扉自開、諸僧驚之、此門開時謂之物怪、次御元興寺、次御大安寺、次未時御法蓮寺、寺名給下八相、次御山田寺、已以入夜、前常陸介維時參來、大僧都扶公威儀師仁滿等、辨備飯膳、十九日覽堂塔、堂中以奇偉莊嚴言語云、默心眼不及、御馬一疋給權大僧都扶公、次御本元興寺、開寶倉、令覽、中有此和子(字)陰毛、宛如髮不  
知其尺寸鐘堂鬼頭、忽難撰出、依物多事忙也、次御橘寺、披覽寶物、覽物已少、所遺猶多、是依日暮途遠也、今日所恨、不求得天雨曼陀羅花、太子講勝  
經時所雨之瑞次漸向晚頭、次龍門寺、于時仙洞雲深、峽天日暮、青苔巖尖、曝布泉飛、見其勝絕、殆欲忘歸、



鏡一本作鐘

屬一本作爲

六或本作五

禮佛之後、留宿上房、霜鏡之聲屢驚、露枕之夢難結、昔宇多法皇、詠卅一字於仙室、今禪定相國、挑五千燈於佛臺、以今思古、隨喜猶同、前山下有方丈之室、謂之仙房、大伴安曇兩仙處各有其碑菅丞相都良香之真跡、書于兩扉、如白玉之盈匣、似紅錦之在機、各詠妙句、徘徊難去、前總州刺史孝標者、菅家末葉也、雖爲折桂之身、敢非滄花之才、誤以假手之文、忝書神筆之上、惡其無心、消以壁粉、其外儒胤成業之者、又並拙草、衆人嘲之、二十一日、於吉野川之末、御船漸棹、迅瀨、遠過奇巖、午時御高野政所、申尅許指山中假屋御宿、登御前例、雖騎馬、此時用藁履、僧侶俗徒皆以追從、二十二日、內相府以下拂晨侵雨、共追御步、申尅御金剛峰寺、晚頭給住僧三十口法服、此明日法會請僧也、絹袈裟一條手作衣一領綿袍一領絹裳一腰袴一腰等也廿三日癸未拂曉詣廟堂、去大寺五於是山窟雲曙、漢天雨晴、供養法華經一部、般若理趣經卅卷、權少僧都心譽屬講師、今案事情弘法大師者密教之祖師智證大師之外舅也今講師者智證之門徒兼長顯密所囑有故演說之詞、傳富留那、顯密之道、疑關霧開、僧正被申云、大師入定之後、漸欲二百年、廟堂之戶、殊不開闔、而先季有石山僧淳祐者、安住一念、斯以百日、午時廟堂之戶無人少開、禪下深信此語、觀念之中、廟戶杵立、自以仆之、滿座之眼、忽以驚之、瑞相之感、於此現之、此間左衛門督隆家追以參上、申時歸御大寺、中使藏人右馬權助源資通來傳天書、廿四日辰時、指政所御宿、於山中假屋、聊供御膳、未刻降雨、雖催御步、嶮途猶遙、此間炬火之者、偶以奉逐、丑刻就御宿、東宮並三后御使參、來廿五日御大僧正房有引出物、申刻留宿前常陸介維時之宅、簾帷加飭、盃盤盡珍、廿六日召維時給御馬、御法隆寺、先覽東院、是聖德太子夢殿也、覽種種寶物有御歌云、王乃御名乎者聞土麻多毛三奴夢殿麻天仁伊賀手木津覽、雖有古今之秀歌、不可出其右、廿七

暇或本作假  
一本作龜瀨山  
佳或本作桂

成或本作性  
勅作教  
餘下編年記有  
字字

日前權少僧都心譽同永圓、請暇入京、以智證大師遠忌近也、指河內國進發之間、龜瀨山之嵐、紅葉影脆、龍田川之浪、白花聲寒、爰於山中假鋪草座、聊供菓子、燒紅葉、煖佳酒、蓋避寒風也、昏黑御河內國道明寺、國司爲職裝束食堂、帷帳之飭、壯麗云盡、朝夕之儲、敢不忽諸、諸陪從、南廬太以過分、廿八日入攝津國、午時御四天王寺、於別當權少僧都定基房、供御膳、覽佛舍利、畢次於國府大渡下、乘御船、廿九日風靜波平、過田養島、雲海茫茫、沙渚渺々、未時指江口御之間、遊行之女船泛來、歌曲參差、爲憐其銜賣之意、仰讚州米百石給之、卅日申刻、於山崎岸邊、下於御船、御關外院院預前肥後守公則、莊嚴寢內、掃除庭中、飯之備盡、善盡美、別供之御鉢具、螺鈿蘇芳懸盤九脚同色織物打敷御鉢御器花足等皆以銀作之過差之事、雖不可然、依業已成、不從厭却、十一月一日丑刻、入御京花、於桂川邊、夜漸曙矣、宿霧滿野、嚴霜濕衣、更經七條河原路、入御法成寺御堂也、修理權大夫源長經依勅命記之、多多略抄、十四日月蝕皆既、

治安四萬壽元年甲子三月十七日戊刻地震、十八日卯刻又震、廿二日、法成寺僧房六十餘燒亡、四月廿一日、天台舍利會試樂、於祇陀林寺行之、先是座主僧正慶命、奉遷佛舍利三塔於此寺、六月廿六日、入道大相國供養法成寺內藥師堂、結構十五間之梵宇、奉安置金色一丈六尺藥師佛像七體、金色丈六觀世音菩薩像六體、金色一丈日光月光菩薩像各一體、並彩色八尺十二神等像、設廣大之齋會、展供養之法筵、七比丘之聖衆、懃儀式於薜蘿之襟、百餘口之羅漢、序夏薦於雲霞之跡、彼優陀延大王之摸尊像、纒刻七尺之梅檀、給孤獨長者之起道場、唯迎一佛之相好、情憶弟子之所、令頗超印土之薰修者乎、佛則丈六尊像、皆瑩數體於黃金、寺則衆寶



或或本作成

紀畧今日夕月  
薄蝕

狂嚴、或移十方之淨土、爲七道諸國之除災顯七佛醫王、爲六道衆生之拔苦、造六觀世音也、  
 七月十三日、改爲萬壽元年、依甲子忌也、九月十九日甲辰、行幸賀陽院、有競馬事、廿一日、  
 太皇太后入御大內、此日關白猶子右近中將源師房叙從三位、  
 萬壽二年乙丑八月三日壬子、皇太子之妃尙侍藤原嬉子、於太皇太后宮、誕生男子、後冷泉是也、  
 五日尙侍嬉子薨、年十九歲、太政大臣道長朝臣四女也、同年自夏及秋季、有赤疱瘡、皇后  
 藤原娥子崩、年口口、大納言藤原朝臣濟時女、三條天皇之后也、  
 萬壽三年丙寅正月十七日、太皇太后(彰子)落華簪爲尼、法名清淨覺、號上東門院、年官年爵封  
 戶、別賜年分受領、四月十六日薄食、五月廿九日、大僧都心譽、給封七十戶、聖主御藥之間、  
 依加持驗、抽賞其功、十月朔日食、  
 萬壽四年丁卯正月三日、行幸上東門京極院、即日自待賢門南大路、延及三條大路、燒亡、積善  
 寺等因火、于時自法興院煙火中、最勝王經一部十卷觀音經一卷遙飛、落於清水寺瀧上、同寺權  
 別當僧親慶、見此飛物、尋求落處、探得伴經一帙、悲喜披見、端少燒失、所所修補、納置寶藏矣、  
 巳 三月一日、沙門延鏡供、養近江國志賀郡世喜寺、奉安置舊造五大彌勒菩薩像一體、五月  
 廿四日、大雨雷電、豐樂院觀德堂之柱、爲霹靂折焉、八月廿二日、入道大相國供養法成寺內  
 釋迦堂、十三間堂一字、中奉安置金色丈六釋迦如來像一體、左右別六尺梵天帝釋四天王像、其  
 傍亦別同如來十大弟子八部衆形像各一體、堂之東南、各飭四間、奉置金色等身釋迦尊像百體、  
 依信心之誠自潔、昆首之功猶勝焉、別奉置金泥妙法蓮花經一部十卷、黑字同經百部千軸也、便

編年記作觀慶  
紀畧一日關寺  
供養

薨下或本小注  
有年字編年記  
云春秋五十八  
紀畧改元依  
疫癘炎早也

東北院供養紀

開平座之儀、就囑請五十口之僧侶、供養演說、  
 九月十四日、皇太后藤原妍子崩、年卅四、十一  
 月十三日、大赦天下、廿六日壬戌、天皇行幸法成寺、依入道大相國病也、即以封戶五百烟、施  
 入寺家、御誦經物絹二百疋、調布千段、宜以散位藤原庶政朝臣、任美濃守賴明死關之替也、以  
 右衛門志豐原爲長、補檢非違使、但檢非違使雖無其闕、共有造塔之功、殊被抽賞也、又供養  
 南北兩京高僧一萬口、十二月四日、入道大相國(道長)薨、  
 萬壽(長元)五年戊辰七月廿五日、改爲長元元年、前上總介平忠常有亂逆事、仍八月遣追討使  
 右衛門少尉平直方、少志中原成通等、九月十二日月蝕、  
 長元二年己巳七月廿三日、前太宰大貳藤原惟憲卿貢白鹿、天覽以後、放神泉苑、八月十二日、  
 權僧正心譽逝去、年五十九、右大臣藤原朝臣顯忠孫、右衛門佐重輔男也、十月十七日、太政大  
 臣藤原朝臣公季薨、年七十三、諡號仁義公、贈正一位、世號閑院太政大臣是也、  
 長元三年庚午八月廿一日、上東門院供養東北院、願文曰、弟子忝號帝王之母儀、十善之宿因雖  
 貴、倩觀婦女之身業、五障之餘罪有慙、狀長樂分慕常樂之境、拋綺羅而著尸羅之衣、玄雲春  
 色非不儼、當眼者西嶺赤日之晚暉、椒房秋風非不芳、染心者上品蓮臺之曉露、因茲聊捨信心  
 之淨財、將構方丈之梵宇、鳳城東面鴨水西頭、有一伽藍、則是我先考(道長)所建立也、古今未  
 有如斯道場、祇陀園之備、一百餘院、无比丈六數十之金容、興寧坊之習、清歌妙舞、豈集一切諸  
 經之玉軸、斯中弟子建立常行堂一字、奉造金色阿彌陀如來像、觀音勢至地藏龍樹菩薩像等各  
 一體、奉書寫妙法蓮華經百部、又置十二口之神像、修滅罪生善之行法、始自今日、期未來際、



御上一本缺一  
字望之云編年  
紀云准御齋會  
此當從彼補填

紀畧供養東金  
堂并塔  
諸一本作託

鳥或本作鷹

木或本作樹

上巳 十月廿九日、關白左大臣(賴通)供養法成寺之塔、儀式御齋會、  
 長元四年辛未四月卅日夜、東三條院燒亡、六月十六日、甲斐守源賴信梟於平忠常首、參洛前、  
 追討使平直方不遂、其功、空以飯洛、源賴信下、向任所之日、可討忠常之由有勅、仍欲襲征、間、  
 忠常請降、伏來、賴信隨身參上之處、於美濃國山縣、即忠常受病死去、仍只斬其頭、傳于京師、依  
 爲降之虜、返給其首於從類、九月廿五日、上東門院參石清水住吉兩社、十月廿日、關白左  
 大臣賴通、供養興福寺之塔、寺司有賞、十二月三日、京極院燒亡、  
 長元五年壬申九月廿七日、出雲守橘俊孝配流佐渡國、可造寶殿、虛誕訛宣、奏聞公家、依事無  
 實、勘罪名所配也、十二月八日、九條御廨有火、餘焰延及法住寺爲灰燼、  
 長元六年癸酉十一月廿九日、於關白左大臣高陽院、賀母氏從一位源倫子七十算、有童舞、翌日  
 天皇召覽童舞於禁省、伴童等三人、被聽昇殿、十二月、藏人式部少丞藤原經衡、於殿上前無  
 指由緒、引落左近少將藤原資房、仍經衡被削籍了、其替文章生橘義清、補藏人畢、  
 長元七年甲戌五月九日、近江國獻白鳥、六月、關白左大臣登比叡山、行舍利會、八月九日大  
 風、宮城殿門京師舍屋大半顛倒、時人比之永祚一條大風、九月廿三日、關白左大臣供養一切  
 經、十月十七日、供養圓教寺御願堂、奉造丈六金色大日如來、師釋迦佛像各一體、彩色六天  
 像各一體、同月、殊勅神寶奉伊勢太神宮、使祭主神祇伯大中臣輔親朝臣歸參、獻碧珠一顆、於  
 神宮奉仕御祈之間、自然在寶殿前木、十一月五日、奏幣大神宮、行幸八省院、此日祭主輔親  
 朝臣叙從三位、獻瑞珠之勸賞也、

紀畧作文秋

馱或本作鈿

長元八年乙亥正月二日、行幸上東門院、三月廿三日、大納言兼民部卿藤原朝臣齊信、无病頓  
 死、廿五日、上東門院、有銀三尺釋迦佛供養事、五月十六日、左大臣(賴通)於高陽院第、有歌  
 合事、以祭主輔親卿爲判者、九月十一日夜寅時、有流星變、廿日大赦天下、依天變也、  
 十二月、但馬國八幡別宮司、與國司有鬪爭之愁遣、右少史高橋文俊、推問其事、  
 長元九年丙子正月二日、於玄暉門下、藏人頭左近中將藤原俊家、令隨身男打藏人頭左中弁藤  
 原經輔、仍三日削除俊家朝臣殿上籍了、三月中旬以後、天皇不豫、四月二日、前大僧正深覺  
 聽牛車、有召依御藥也、六日、左近中將藤原俊家復藏人頭、十六日、不論輕重、原免未着馱  
 四人、十七日乙丑亥時、天皇春秋廿九、於清涼殿崩、五月十九日葬神樂岳東邊、今菩提樹院是也寬仁元  
 年如來滅後一千九百六十六年、  
 後朱雀天皇七十代 諱敦良 治九年  
 王子男二人 女五人 二人即位  
 一條天皇三男、母攝政太政大臣道長女、太皇太后彰子、長元九年丙子四月十七日受讓、年廿八  
 歲、同廿二日、中納言源顯基依先帝御愁、忽發菩提心、於大原出家入道、尊卑爲之落淚矣、年卅  
 七也、大納言俊賢嫡子也、六月廿六日、新帝行幸建禮門、告可即位之狀、七月十四日丙戌、即  
 位大極殿、九月六日、中宮藤原威子崩、年卅八、依匍瘡患也、前太政大臣道長三女、母左大臣  
 源雅信女、從一位倫子也、世謂之大中宮、十月廿九日癸酉、天皇東河御禊、十一月十七日、大  
 嘗會、近江丹波供奉其事、廿八日、良子女王爲齋宮、娟子女王爲齋院、  
 長元十(長曆元)年丁丑正月七日甲辰、關白左大臣藤原朝臣賴通、取式部卿敦康親王女嬬子女



王爲養子，令參內，母中務卿具平親王女也。二月十三日，禎子內親王立爲皇后，三條天皇女，御母前皇太后宮研子也。三月一日，女御藤原源子立中宮，攝津國獻銅金帥子，堀出也。四月廿一日，改爲長曆元年。閏四月八日，但馬守源則理，與入幡別宮司，有鬪爭事，公卿僉議之間，雷鳴雹降。五月十五日，依安樂寺愁狀，遣推問使於大宰府，左衛門權佐藤原隆佐等進發。廿日，前但馬守源則理，配土佐國，刑部大輔相奉配流伊豆國，散位成流佐渡國，凡坐事者七人也。六月二日，上東門院被供養菩提樹院。七月二日壬寅，親仁（後冷泉）親王於內裡元服。八月三日，奉幣七社，奉獻攝津國貢銅上分。十七日，以親仁親王立皇太子，年十三歲，天皇太子，母關白太政大臣道長四女尚侍嬉子也。九月三日夜子時，有流星變。十一月，太神宮奉封戶百烟。十二月九日，流人則理等召返，依有恩赦也。十三日，皇子內親王入東宮。

長曆二年戊寅正月九日，皇太子遷御凝花舍。二月十五日壬午，月蝕皆既。十九日，中納言大宰帥藤原實成，依安樂寺愁狀，停任，並解中納言職，太政大臣公季朝臣息也。世言閑院帥是也。典藥允源致親配流隱岐國，依同愁也。六月十五日，奉遣佛舍利於諸社。九月十一日，齋宮（真子）群行。

長曆三年己卯二月十八日，慈覺門徒爲座主愁，僧綱有職，並山上老少滿山僧徒三千餘人，集會祇陀林寺，自其引率，參向關白左相府（賴通）高倉第，然閉門不通，仍僧徒於其門下，成濫吹事，加制止間，僧兩三輩中，矢走反，其中惡僧爲首，定清（世號出雲少院）擄大僧都教圓爲質，同車向西坂下，爰出雲少院，於隨願寺免，怒僧都教圓，公家即遣檢非違使，追捕定清下獄，考訊之處，有陳申

考一本作榜

輔或本作副

事，仍三月九日，大僧都賴壽少僧都良圓阿闍利充慶等，召仰法家，被勸罪名。十二日，以大僧都教圓爲天台座主。十六日寅刻，高陽院燒亡，放火云云，嫌疑入叡山專當能法師遁，避山林，因被尋求諸國，遂以捕得，禁囚獄中云云。四月六日丙寅，有伊勢太神託宣，世秘之，故人以無知。卅日，祭主大中臣佐國，配流伊豆國，是則依有神事違例之託宣，令勸罪名，解却見任，所被行也。五月七日，上東門院令剃御髮，重受戒，大僧正明尊爲戒師。六月廿三日，神祇大輔大中臣兼興爲祭主，解却佐國之替也。廿七日丙戌戌時，內裡燒亡，天皇幸移朝所，東宮遷御大膳職。廿八日，青宮自大膳職遷上東門院。七月十三日，行幸上東門院。十九日，召返流人前祭主佐國，依託宣也。自廿三日，天皇不豫。廿六日乙卯，大赦天下，前中納言藤原實成等復本位。八月七日，祭主大中臣兼興任若狹守，依託宣，停祭主也。十四日望月食。十九日，中宮源子誕生女王。廿八日中宮崩，年廿四也。閏十二月廿一日，內大臣藤原朝臣教通息女生子，始入內裡。

長曆（長久元）四年庚辰正月朔日食。廿七日，行幸東北院，先是母儀仙院御於此院，爲朝覲也。大僧正明尊前大僧正永圓，共賜封七十五戶，大僧都教圓叙法印，皆是寺司賞也。五月以後，頓死者多。九月八日寅時大地震，十日子刻，京極院燒亡，主上先遷御法成寺東北院，即行幸母儀仙院御在所，故前大貳惟憲卿陽明門第。廿七日，依豐受宮寶殿倒事，令參議藤原良賴卿，參向伊勢太神宮焉。十月廿日，關白左大臣藤原朝臣賴通之家室從二位（隆姬）源氏，供養三井寺常行堂，奉造金色丈六阿彌陀如來像一體，等身六，觀音像各一體，奉書寫金泥妙法蓮華經一部。



敬擇曜宿、開講供養矣、佛則十號之尊、月愛之珠爛燈、經亦一乘之教、露點之文鮮妍、林葉代幡蓋也、空張錦繡之文、離菊供色香也、已迷布金之地、莊嚴微妙、不能盡矣、上巳廿二日、天皇遷幸內大臣藤原朝臣教通之二條第、同日祐子內親王着袴、准三后、賜年官年爵矣、十一月一日壬子夜地大震、十日辛酉、改長曆四年為長久元年、十二月廿五日、行幸平野社、左右(教通)實資大將有障不參、

長久二年辛巳正月一日、入道前大納言公任薨、年七十六、先是出家、多年住解脫寺念佛、前關白太政大臣藤原朝臣賴忠嫡子也、二日、皇太子朝觀天皇、二月廿日、入道兵部卿致平親王薨、年九十一、村上帝三男也、廿一日行幸北野、三月四日、有花宴、召擬文章生賜勅題、歌舌不如騶七言四韻、七日召諸儒於陳頭、令評定及第者十二人也、五月十一日、有三井寺申請戒壇之定、十四日、三井寺戒壇立否事、可問諸宗、被下宣旨、其後諸宗各獻勸文、七月廿日丑刻地震、法成寺鐘樓顛倒、八月三日、行幸大原野、十六日、前春宮坊小一條院敦明親王、出家入道、廿七日行幸松尾、九月十三日大安寺燒亡、十月十日、權左中弁兼大和守藤原義忠入部之間、陷沒吉野河、十九日贈參議從三位、依侍讀勞也、十一月九日甲寅、大赦天下、依天變也、十二月十五日、於內裡以百僧三箇日修御讀經、十九日甲午、主上車駕、移幸新造內裡、皇太子親仁親王扈從、家主內大臣藤原朝臣教通、牽貢細馬十疋、權中納言信家叙正二位、右近中將信長叙從三位、女御生子叙正二位、家室禊子內親王叙二品、家司師成登任、各省加階矣、是日自攝津國始獻紺青、

河下編年記有卒字

丙裡或本作大

春一本作青

儀一本作義

長久三年壬午三月十日子時、三井寺圓滿院為寺大衆燒亡、廿六日己巳、春宮大夫藤原朝臣賴宗卿息女延子、始入內裡、五月十四日丙辰、於陣掖有御卜事、依東大寺大佛自然濕之怪異也、廿七日、於關白左大臣高陽院第、有競馬事、六月朔、日食依雨不正現、七月、停相撲節、依上東門院御惱也、九月廿一日辛酉、行幸高陽院、由競馬事、十月二日夜、左近少將源定季、於堀河宅門下、為敵被討殺畢、九日藤原延子為女御焉、十二月八日丑時、內裡燒亡、火起、右近衛陣北、天皇儲貳遷御太政官朝所、長久四年癸未、牛產兩頭犢、仍有御卜、三月廿三日庚寅、主上春宮移御一條院、五月一日有日食、天下旱魃、八日令僧正仁海於神泉苑、修請雨經法、十三日午後雨下、十五日仁海聽輦車、八月十四日、太宰師中納言藤原重尹勅停務、依管國之愁也、九月九日、召文章生大江佐國惟宗、孝言源時綱、學生藤原國綱於弓馬殿、給勅題試、禮儀為品、七言十韻、是則進士申秀才、學生申給析、仍有此試、十二日、前大僧正深覺入滅、年八十九、前右大臣藤原朝臣師輔十一子也、十二月一日丑刻、一條院燒亡、帝王遷御關白左大臣(賴通)高陽院、廿一日、主上遷幸東三條、長久五(寬德元)年甲申、自正月始至六月季、疾疫殊盛、死骸滿路、三月廿三日、阿古也聖勸進貴賤男女、令書寫法花經六萬九千三百八十四部、奉運上叡山、四月廿七日、右近大將大納言藤原朝臣通房薨逝、年廿、關白左大臣賴通朝臣嫡子也、五月八日、大赦天下、依關白左大臣不例也、廿日、前大僧正永圓遷化、年六十五、入道兵部卿致平親王第二子也、母左大臣源雅信



朝臣女也、廿五日帝不豫、御藥經日彌重、六月三日癸巳、京中人宅皆閉門慎志、依謠言也、八月七日丙申、前大隅守中原長國任、但馬介、民部少丞藤原生行任、掾、為令存問太宋國商客張守隆、漂着彼國岸也、而國司源朝臣章任不經案內、先以存問、仍停務、不赴任所、十日夜、盜人開松尾社寶殿、掠取御裝束、仍有御卜、廿七日丙辰、有廿二社奉幣事、祈旱疫也、今度加日吉社、十月九日、天下大赦、依院御惱也、此日延曆寺文殊樓初置阿闍梨四人、十六日、行幸上東門院、依院御惱也、廿七日、公家被行萬僧供、由院御惱也、自十二月廿日、天皇不豫、同月廿四日、改為寬德元年、寬德二年乙酉正月五日無叙位、十日大赦天下、依御藥也、此日東宮參觀、十六日癸酉、天皇讓位於皇太子親仁親王、同日第二皇子尊仁親王立、皇太子、年十二歲、十八日、太上天皇春秋卅七、於東三條第崩、二月廿一日戊申、葬高隆寺乾原、置御骨圓教寺、

扶桑略記第廿八

扶桑略記第廿九

後冷泉天皇 七十一代 諱親仁 治廿四年元 王子 萬壽二年八月三日誕生

後朱雀天皇太子、母攝政太政大臣道長四女、寬德二年乙酉正月十六日癸酉受禪、年廿一歲、二月廿七日甲寅、就圓教寺、修太上皇七七御齋會、四月八日甲午、天皇即位於大極殿、閏五月十五日甲戌、上東門院遷御白川院、十一月廿一日、小一條院諱敦明親王、於東京六條第、造堂宇安阿彌陀迎接之像、五日十座供養演講、瑩真金、以飭入中之膚色、刻明珠、以鑲眉間之好相、仰瞻尊顏、則映斜日、忽放白毫之光、跪念悲願、且乘彩雲、遙擊紫金之臺、已十二月十六日、行幸太政官朝所、寬德三(永承元)年丙戌正月十八日、右大臣藤原朝臣實資薨、年九十歲、二月廿日辛未、太宰帥藤原重尹、依管國愁被停任了、其替中納言藤原經通補帥矣、廿八日、太政官朝所火災、天皇遷幸大膳職、三月朔日蝕、四月四日甲寅、主上自大膳職、移幸內大臣藤原朝臣教通二條第、十四日甲子、改為永承元年、五月十六日、僧正仁海入滅、年九十四歲、廿七日洪水、堀河洞院不通、古今無雙、七月十日戊子、童子內親王立中宮、後一條天皇長女、母前中宮藤原威子也、十月八日甲寅、幸入新造內裡、內大臣教通朝臣細馬六疋曳獻、子息家司等各有其賞、廿五日辛未、天皇御禊東河、十一月十五日辛卯、大嘗會、近江備中供奉悠記主基、廿二日戊戌、皇太弟自閑院第、入子內裡、十二月十九日甲子、皇太弟尊仁親王元服、年十三歲、廿四日、興福寺火災、金堂講堂西金堂東金堂南圓堂鐘樓經藏南大門東西上階僧坊燒亡、但北圓堂並正倉院

記一本作紀



金堂釋迦南圓堂不空縉索西金堂佛等取出了、

永承二年丁亥、六七兩月天下旱魃、六月十日、山座主法印大僧都教圓卒、年七十也、七月十八日辛卯、興福寺豎柱上梁、關白左大臣（賴通）以下公卿參會、廿一日、內大臣藤原朝臣教通任右大臣、年五十二、九月八日夜大風、十月十四日乙卯、右大臣藤原朝臣教通三女歡子、始參大內、十一月九日、太宰府捕進大宋國商客宿房放火犯人四人、依宣旨禁獄、卅日庚子、一代仁王會、十二月廿四日甲子、渡唐清原守武配流佐渡國、

永承三年戊子三月二日庚子、供養興福寺諸僧南北英雄五百廿人、衲衆二百人、甲衆百人、梵音百人、錫杖百人、唄八人、散花八人、引頭八人、關白左丞相以下公卿大夫皆列座、凡天下縉素貴賤老少多以群集、供養儀式、古今無雙、五月二日己亥、自太宰府進新羅曆、與本朝无相違、但十二月大小不同、八月十一日、大僧正明尊補天台座主、同十三日辭退、其詞曰、請被罷天台座主職狀、右明尊伏奉去十一日勅命、以小僧爲天台座主、生前之面目既足、老後之榮耀亦極、須勵昏耄、偏從朝口、而智水至淺、戒珠无全、濟度之力難廻、照融之光猶暗、况乎榆谷景暮、待黃落於秋風、蓮臺望深、繫素念於曉月、崇班是貪、餘喘幾許哉、抑亦大僧正法務者、國家師範、法宇棟梁也、謂此兩箇之所職、誠非一愚之所居、令帶三事、彌益千懼、伏冀鴻恩、曲於羊質、早停台嶺貫首之職、方授禪門差肩之侶、不耐懇款之至、謹條狀陳乞以聞、已廿二日、權少僧都源心任座主、廿八日、賀茂別雷社神主成眞、於瑞垣中被射殺訖、十一月二日戊刻、內裡燒亡、天皇遷幸官司、內侍所神鏡安置松本曹司、十六日、自太宰府進大宋曆、與本朝曆符合、

諸一本作請編  
年記同  
引頭八人一本  
作二人

缺字一本作章

令一本作今

永承四年己丑正月一日日蝕之、二月十八日辛巳申刻、山科寺內北圓堂唐院傳法院燒亡、火不及新造堂舍、是去永承元年之火災之時、所遺堂舍也、三月十四日、女御歡子誕生皇子、即刻皇子天也、十九日、式部卿敦平親王薨、年五十一歲、三條天皇三男也、七月一日壬辰、關白左大臣藤原朝臣賴通、參詣金峰山、十一日壬寅、奉供御燈、十五日、曆道注月蝕、而不蝕、十一月九日、有殿上和歌合、廿五日、諸國諸社公家送佛舍利一粒、十二月十三日、五畿七道五十五社、各奉佛舍利一粒、同月廿八日、山階寺大衆、向大和守源賴親館、前加賀守源賴房等合戰之間、興福寺僧侶等中、矢死者、粗有其數、

永承五年庚寅正月廿五日、大和守源賴親配土佐國、前加賀守源賴房流隱岐國、依興福寺愁也、三月、太宰府言上安樂寺堂舍燒亡事、同十六日壬寅、關白左大臣供養法成寺內新堂、爰卜寺中幽地、結構七間堂宇、其前東西起經藏鐘樓各一字、奉造金色二丈六尺摩訶毗盧遮那如來像、同丈六尺釋迦藥師兩善逝延命菩薩、不空縉索兩大士、綵色不動尊大威德像各一軀、并六尺五寸四天王像、安置堂內焉、已十月七日地震、十三日、天皇行幸東北院、是爲觀母儀仙院也、檢校大僧正明尊賜封戶七十五烟、別當權少僧都源心任大僧都、上座大威儀師覺昭叙法橋、十一月朔旦賀、先是大法師增命奏曰、今年閏可在十一月、因之令卒道并曆博士賀茂道平僧證昭、各獻勘文、卒道同增命奏、曆博士確執、延曆以後一章不誤、承平六年曆家之失也、我朝異國曆相違、古今例多、然而公家不必用異國說之由勘申、仍有件賀也、十二月廿一日癸卯、關白左大臣藤原朝臣賴通息女寬子、初入內裡、母中務卿具平親王女、贈從二位源朝臣祇子也、



蒲下濫觴抄有根字

繼一本作經

屈一本作囁  
去下一本有年  
字

永承六年辛卯正月八日、野鹿入禁中、此日前皇太子入道親王敦明薨、年五十八、世謂「小一條院」是也、三條天皇之太子也、廿日院司參陣外薨奏、即有警固、二月十三日甲午、關白左大臣息女、女御從四位下藤原寬子、冊以為皇后、年十六歲、五月端午日、殿上侍臣左右相分、有薦蒲合事、和歌五首、六月五日、宇佐宮彌勒寺燒亡、同日賀陽院有和歌合、歌人男女各六人、資業兼房家繼範、永經、能因、廿四日、右大臣藤原朝臣教通三女女御歡子、准三宮、賜年官年爵封戶千戶、一云七月十日准三宮云云、七月十一日、主上自太政官朝所、遷幸大膳職、十九日丁卯、入御新造冷泉院、九月、白河院競馬五番、有重陽宴、題菊開水岸香、十二月廿五日、太政官大辨以下、就法性寺奉賀關白左大臣六十算、

永承七年壬辰正月廿六日癸酉、屈請千僧於大極殿、令轉讀觀音經、自去冬疾疫流行、改年已後、彌以熾盛、仍為除其災也、今年始入末法、三月十八日戌刻、藏人玄蕃助藤原隆成、引率數多從類、於和德門前、傷損藏人右衛門少尉藤原定俊、翌日除隆成籍、停任所職、被下召名宣旨、追捕下手人等、同月廿八日癸酉、左大臣捨宇治別業為寺、安置佛像、初修法華三昧、號平等院、四月五日庚辰、於豐樂院被修如說仁王會、左大臣以下皆悉參入、有惣禮、七日僧綱以下、於賀茂社為禳疾疫、奉供養大品般若經四部、依夢想告也、五月六日、行幸女院御在所、六條第、依御惱重也、即日大赦天下、六月十七日庚寅、囁千口僧於大極殿、轉讀金剛壽命經、蓋祈疾疫也、自同月卅日、天皇有御藥事、七月十五日、依奉療御藥之賞、典藥頭和氣相成叙從四位上、掃部頭丹波雅忠叙從四位下、八月廿五日、長谷寺火災為灰燼、但中尊首上小

佛下一本有像字

行一本作幸

百練抄云四月廿六日貴布禰社為水流損移立他處

佛遺於灰中、十一月朔日餽、

永承八年(天喜元)年癸巳正月十一日壬子、改為天喜元年、三月四日甲辰、關白左大臣平等院內建立大堂、安置丈六彌陀佛像、囁百口高僧、設其供養、准御齋會、佛莊嚴古今無雙、五月廿三日、皇后宮依母氏喪出禁中、六月十一日、從一位倫子薨、年九十歲、關白左大臣母氏也、七月廿日丙辰、天皇自冷泉院遷幸關白左大臣賀陽院、御藥之間、冷泉院不吉故也、八月十四日、天下大赦、依天變頻而、聖體不豫也、九月十四日庚辰、齋王參向伊勢大神宮、仍行幸八省院、十月朔日餽、十一日天台座主源心卒、十三日、上東門院參詣宇治平等院矣、廿六日以權僧正源泉為天台座主、廿八日辭退、爰三井寺大衆、數千人引奉、至觀音院、相迎源泉將歸之間、京中騷動、廿九日權大僧都明快為座主、十一月六日、東宮御在所能長卿之三條第燒亡、天喜二年甲午正月八日寅時、賀陽院燒亡、天皇移幸冷泉院、二月十六日庚戌、車駕遷行關白左大臣四條宮第、四月十二日甲辰、豎柱上棟、廿六日、皇后母氏從五位下源朝臣祇子贈從二位、八月十一日壬寅、供養長谷寺、導師大僧正明尊、讀師小僧都長守、六十僧、九月廿一日、遷幸上東門院、十二月八日子刻、件院火災、遷幸民部卿長家朝臣三條第、母儀仙院御在所也、廿八日車駕遷幸四條宮第、

天喜三年乙未三月十八日、犯人籠禁中、藏人右兵衛尉源齊賴、并瀧口源初小野幸任等、捕進件犯人、仍齊賴蒙檢非違使宣旨、初任右兵衛尉、幸任任右馬允、五月八日乙丑、發遣奉幣使賀茂貴布禰兩社、是即貴布禰本宮為水流損、仍被移立他所之由也、六月七日甲午、被冷泉院



體一本作軀  
光一本作先

渡立一條院、八月廿一日半夜、東寺之塔爲雷火燒、九月廿七日、法成寺之僧房皆悉燒亡、十月廿五日己酉、公家供養圓乘寺、仁和寺南有一形勝、此處立堂號圓乘寺、奉安置金色丈六釋迦如來普賢文殊延命如意輪等菩薩像各一體、繡毳珠軒、雖在當今之新飾、丹唇紺頂、莫非光朝之素懷、凡厥大門迴廊經藏鐘樓、一寺莊嚴、四神具足、令撰吉曜、敬奉供養、彼秋後落砌之葉、自成四種之光、冬初殘洞之花、暗添百和之氣、何唯百餘口之禪徒、傳梵唄於中天之日、千萬曲之樂韻、移笙歌於西土之風而已、法會之儀盛矣、上

天喜四年丙申二月廿二日甲辰、主上遷幸一條院、四月卅日皇后宮有和歌合、九月十九日鹿入大內、有御卜、

天喜五年丁酉三月十四日、上東門院供養八角堂、大僧正明尊僧正明快共賜封戶、供養記言、弟子玉簪落飾、新繼佛子之蹤、木又凝誠、專守牟尼之教、仍先公建立法成寺內、重占地形、忽結梵宇、使奉造立金色丈六阿彌陀如來像一軀、佛則兩足之尊、遙顯南方端嚴之像、堂亦八角之構、偏寫南圓靈勝之基、上四月十四日、大極殿鴉尾墮地破損、十五日辛酉、賀茂齋禊子內親王依病不供奉祭、同月十六日、鹿上脩明門棟須臾走失、八月朔日蝕、四日寅刻、彗星見東方、

長丈餘、十日前陸奧守源賴義、襲討浮囚安倍賴時之口給、官符東山東海兩道諸國、可運充兵糧之事、公卿定申、又下遣官使太政官史生紀成任左辨官史生惟宗資行等、九月二日、鎮守府將軍源賴義、與俘囚阿倍賴時合戰之間、賴時流矢所中、還鳥海柵死了、但餘黨未服、仍重進國解、請賜官符、徵發諸國兵士、兼納兵糧、悉誅餘黨、十一月、將軍賴義率兵千三百餘人、欲

一本無缺

勳一本作厲

討貞任等、爰貞任等、引率精兵四千餘人拒戰、于時風雪甚厲、道路艱難、官軍无食、人馬共疲、賊徒馳新羈之馬、敵疲足之軍、官軍大敗、死者數百人、將軍長男義家、驍勇絕倫、騎射如神、以大鐵箭、頻射賊師、矢不空發、所中必斃、夷人靡走、敢无當者、將軍從兵、或以散走、或以死傷、所殘纔有六騎、賊衆二百餘騎、張左右翼圍攻、飛矢如雨、爰義家頻射殺魁帥、賊類謂神、漸引退矣、

使一本作便

同月廿八日、後朱雀院女御原生子、供養三井寺內真如院、卅日、供養崇福寺、此寺者勝形甲於天下、靈驗洽于寰中、草創以來、星霜多積、爰去治安二年佛閣火災、如雲之構化燼、滿月之像爲灰、方今尋基趾於曩時、建堂舍於舊地、又奉造金色彌勒菩薩像一體、脇士菩薩二體、惣如本願、使擇曜宿、敬以供養、十二日、鎮守府將軍賴義言上、諸國兵糧兵士、雖有徵發之名、无到來之實、當國人民、悉赴他國、不從兵役、先移送出羽國之處、守源兼長、敢无糾越之心、非蒙裁許者、何遂討擊、上同月廿五日、陸奧守藤原良經遷任兵部大輔、源賴義吏補陸奧守、有重任、宣旨、又止源兼長任、以源政賴爲出羽守、相共分擊、貞任等、其後諸國軍兵糧、頻雖賜官符、不到彼國、政賴亦乍蒙不次恩賞、全無征伐之心、然間貞任等、恣劫略人民、

齊一本作齋

天喜六、康平元年戊戌二月廿三日夜、法成寺燒亡、金堂阿彌陀堂講堂釋迦堂藥師堂五大堂十齋堂八角堂東北院西北院戒壇兩法華堂、并塔僧坊等、鐘樓經藏南樓寶藏、皆以火災、凡丈六佛像數十餘體、等身金色佛菩薩像百餘體、一時爲煙、見者流淚、同月廿六日、內裡并中和院大極殿東西樓迴廊朝集堂等皆悉燒亡、去廿三日省試題云、偶燭施明、人文之徵、頗似可慎、四月三日、賀茂齋王依病退出矣、七月廿五日、法琳寺字小栗大元堂前地陷、長卅餘丈、廣三丈餘、八月一



宸一本作神

日遣左大史小槻宿禰孝信於法琳寺檢知地陷事。廿九日丁卯改天喜六年為康平元年依火災也。十一月十八日乙未以參議藤原經季卿奉幣伊勢太神宮有宸筆宣命。十二月十六日信濃國言上神御坂霖雨間頽壞事。閏十二月口日右大臣藤原朝臣教通二條第燒亡。康平二年己亥正月一日日蝕。八日夜半一條院燒亡幸移上東門院室町第。二月八日遷御關白左大臣賴通三條第。三月八日壬寅大赦天下依左大臣病也同日中宮職供養和仁寺內新堂。五月二日大雨洪水。七月十日供養御筆仁王經四箇。御入講講師慶暹任律師。十月十二日法成寺阿彌陀堂五大堂并真言供養先如舊建立无量壽院即奉安置金色丈六阿彌陀如來像九體一丈觀音勢至二菩薩像各一體彩色四天王像各一體此中彌陀尊一體者禪定仙院寺家之內別排禁宇素所安置也堂舍已為灰燼佛像獨避烟焰以此一佛為其中尊昔釋尊之出火宅也設譬喻於羊鹿牛之蹤今彌陀之留月輪也得扶持於龍象衆之力彼亦善巧方便之詞也此顯常住不變之理也又皇后職建立五大堂非嘗償先公之蓄懷兼亦答弟子之厚意也即奉造立彩色二丈二尺不動明王像一體丈六四大尊像各一體專抽懇懷敬以供養。康平三年庚子二月廿五日行幸白河院賦詩奏樂。五月四日興福寺亦燒亡東金堂南圓堂僅免餘災翌日灰中求出釋迦眉間銀佛全不損壞僧侶歡喜矣。六月二日河內國司言上盜人撥推古天皇山陵之由。十八日寅刻地震有音。廿二日緣炎早有恩赦。七月五日關白藤原賴通辭左大臣。同月越前國解狀云大宋商客林表俊侯改等參着敦賀津即有朝議從迴却而林表等上奏曰逆旅之間日月多移糧食徑竭加之天寒風烈海路多怖委命聖朝而已。

三條上名勝志引有自左大臣四字

宗編年記作乘

者所奏不能默止賜宣旨令安置矣。八月二日伊勢守藤原義孝除官爵配流土佐國。十一日丁卯天皇三條亭遷幸新造賀陽院關白貢細馬十疋。十月十九日大赦天下依聖體不豫也。十一月廿六日關白從一位賴通於白河別業被賀大僧正明尊九十之算圖繪釋迦如來像一鋪書寫妙法蓮華經九十部其詞曰伏惟大僧正法印大和尚位戒定瑩器忍辱裁衣一乘圓融之嶺開顯之花春鮮五部惣持之園智慧之菓秋盛旁究學海之波浪早為佛家之棟梁弟子從弱冠之始迄攜杖之今依其護持之力全此愚昧之身方今和尙春秋之算九旬全盈可喜可懼正是其時也仍掃白河之勝形敬致丹地之懇念彼姬公旦之在洛邑也未開花文於禪林之月智法師之老蘇州也誰賀松年於巨川之波今日之事少超古人又源亞相師房述和歌序其詞云三冬之仲子月下旬關白尊閣忽排白河之花亭設縹素之宴席蓋賀大僧正法印和尚九十算也和尙戒定內明智行外朗早為一宗之棟梁久經數代之朝廷過八十八廻如來猶以不爾超九々九歲算師所難量也是以因无漏无爲之功德證不老不死之妙文者歟遂感希代之鶴齡命佳會之鸚蓋已左大臣教通以下皆參。康平四年辛丑三月三日宇佐宮御廐內馬喰殺鳩。五月六日丑時地震群鳥驚鳴。七日巳刻地震。八日有恩赦依地震也。廿二日甲辰屈于僧於豐樂院轉讀仁王般若經。六月朔日食之。七月廿一日壬寅供養東北院佛像堂宇莊嚴無比此日大赦天下。九月廿一日關白參詣賀茂社殿上人侍臣勤仕舞人中納言以下公卿前驅不異行幸希代之事歟。十月廿五日供養宇治平等院之塔皇后寬子宮職造立件多寶塔一基奉安置金色摩訶毗盧遮那如來像。



一體、阿閼如來像一體、寶生如來像一體、无量壽如來像一體、不空成就如來像一體、平等院者水石幽奇、風流勝絕、前有一葦之渡、長河、宛如導、群類於彼岸、傍有二華之疊、層嶺不異、積諸善而爲山、是以改寶閣、分爲佛家、廻心匠、分構精舍、爰造彌陀如來之像、移極樂世界之儀、禮月輪以舉手者、仰引接於八十種之光明、臨露地以投步者、縮往詣於十萬億之刹土、况乎弘一乘之妙文、修三昧之行業、弟子建多寶塔於斯處、安金剛界於其中、露盤之代、仙掌、寫輪奐於照明園之雪、風鐸之懸、四端、任製造於菩提樹之月、巳。十一月廿三日、太政官就法性寺五丈堂、賀關白(賴通)七十算、廿五日、備中國吉備津彥社燒亡、十二月十三日、一云廿四關白從一位藤原朝臣賴通、任太政大臣、

康平五年壬寅、春月高階經重爲陸奥守、依源賴義任終也、經重進發下向、人民皆隨、前司指揮、經重歸洛、五月廿二日、主上出御馬臺、御覽競馬、皇太弟(後三條)參觀、六月廿二日、皇太子妃藤原茂子薨、中納言公成女、貞仁親王(白河)母也、八月廿九日、太政大臣、賴通、參淨妙寺、拜先公(道長)墳墓、九月五日、皇太弟妃馨子內親王誕王子、不經幾日、巳以天亡、十一月八日、於東北院被修十種供養、十二月廿八日、前加賀守源賴房復本位、奥州合戰記云、諸國軍兵等、頻雖賜官符、不越來當國、仍將軍源朝臣賴義、屢以甘言、相語出羽山北俘囚主清原真人光賴、舍弟武則等、令與力官軍、常贈以奇珍、光賴武則等、漸以許諾、康平五年七月、武則率子弟、發萬餘人兵、越來當國、到栗原郡營岡、於是、將軍大喜、率三千餘人軍、七月廿六日發向、八月九日、到彼營岡、迭陳心懷、拭淚悲喜、十六日定七陣押領使、武則赴松山、道次、營井郡中山犬風

澤、翌日到同郡菰馬場、彼此合戰、射斃賊徒六十餘人、被疵逃者、不知其數、賊衆捨城逃走、則放火燒其柵了、官軍死者十三人、被疵者百五十人也、其後遭霖雨、徒送數日、糧食已盡、軍中飢乏、各遣兵士、分蒔稻等、給軍糧、間、漸經十八箇日、殘留營中者、僅六千五百餘人也、爰貞任等、傳聞官軍爲求兵糧、四方散亂、九月五日、引率精兵八千餘人、動地襲來、玄甲如雲、白刃耀日、兩陣相對、交鋒大戰、貞任等敗北、到磐井河、或墜高岸、或溺深淵、於河邊射殺賊衆百餘人、奪取馬三百餘疋也、武則等以精兵八百餘人、暗夜尋追貞任等、遂奔高梨宿、并石坂柵、逃入衣河關、卅餘町程、斃亡人馬、宛如亂麻、六日、攻入衣河、燒重重柵了、殺傷者七十餘人、十一日、襲鳥海柵、宗任等奔城逃走、保厨川柵、射殺賊徒卅二人、被疵逃者不知其員、十五日酉刻、到替厨川柵、十六日卯時攻戰、終日通夜、積弩亂發、矢石如雨、官軍死者數百人、十七日、將軍令士卒曰、各入村落、壞運屋舍、填之城邊、又每人蒔菅草、積之河岸、壞運菰積、須臾如山、將軍下馬遙拜皇城、誓曰、昔漢德未衰、飛泉忽應、校尉之節、今天威猶新、大風可助老臣之忠、伏乞八幡三所、吹火燒亡彼柵、則自把火、稱神火投之、是時有鳩、翔軍陣上、將軍再拜、暴風忽起、煙焰如飛、樓櫓屋舍、一時起火、城中男女數千人、同音悲泣、或投身於碧潭、或倒首於白刃、官軍以鉞刺貞任、載於大楯、六人舁之、將到將軍之前、其長六尺有餘、腰圍七尺四寸、貞任經清重任等、一一斬生首、又經數日、宗任等九人歸降、合戰之際、義家每射甲士、皆應弦死矣、後日武則語義家曰、僕欲試君弓勢如何、爰武則重疊甲三領、懸於樹枝、恣令射之、義家一發貫甲三領、武則大驚曰、是神明之變化也、豈凡夫之所堪乎、十二月十七日、國解言、斬獲賊安倍

隙一本作際



件一本作荷

丙戌酉刻一本  
作酉戌兩刻

撥一本作發  
奪一本作其

貞任等十人、歸降者安倍宗任等十一人、此外貞任家族、无有遺類、已  
 康平六年癸卯二月十六日、鎮守府將軍前陸奥守源賴義、梟俘囚安倍貞任、散位藤井經清等三人  
 首、傳京師、檢非違使等向東河受取、繫其首於西獄門、見物之輩、貴賤如雲、先是獻頸使者、到  
 近江國甲香郡、開宮出首、令洗梳其髮、件擔夫者貞任從者降人也、稱無櫛、使者倭仗季俊仰  
 曰、汝等有私用櫛、以其可梳之、擔夫則出私櫛梳之、垂淚嗚咽曰、吾主存生之時、仰之如高  
 天、豈圖以吾垢櫛、忝梳其髮乎、悲哀不忍、衆人皆以落淚矣、廿七日、被行勸賞、賴義叙正四  
 位下、任伊豫守、一男義家叙從五位下、任出羽守、二男義綱任左衛門少尉、從五位下清原武則  
 叙從五位上、任鎮守府將軍、獻首使藤原季俊任左馬允、廿八日巳刻地震、卅日丙戌酉刻、地  
 震各有音、三月十一日酉刻地震、廿二日、戌刻豐樂院燒亡、火起壽景樓西北廊、五月十三  
 日發遣山陵使、是依去三月盜人撥池後山陵、成務掠奪寶物也、廿九日軒廊御下、深草山陵  
 (仁明)鳴之異也、六月廿一日、始造八省行幸所、廿六日、前大僧正明尊入滅、年九十三、兵庫頭  
 泰時子也、八月十八日、清水寺燒亡、取出觀音像、九月廿六日、被定山陵寶物等、如舊可返  
 納之狀、紀傳明經等諸道勘文、并犯人罪名被勘法家、十月十七日、興福寺僧靜範坐山陵事、  
 配流伊豆國、緣坐者十六人、僧俗共配流安房常陸佐渡隱岐土佐等國、此日立興福寺使、參議左  
 大辨藤原經家卿少納言源師督等、爲遠流寺家僧、被告其由也、同月廿九日丁酉、公家勅於  
 天台延曆寺內、建立精舍、號實相院、三間四面檜皮葺、堂奉安置金色半丈六藥師如來、同等  
 身如意輪觀世音菩薩、同文殊師利菩薩像各一軀、又一間四面三昧堂一字、安置七寶塔婆一基、

法上一本有蓮  
字

使一本作便

中奉納金泥妙法華經一部、便擇耀宿之日時、敬就密教而供養、始從今日修法華三昧、難解  
 難入之教、長待牟尼之先言、半行半坐之勤、遙期慈尊之三會、是則爲滅罪生善也、  
 康平七年甲辰三月、太宰府言上、宮崎宮濱殿大風顛倒、其中有入死之怪、閏三月、伊豫守源賴  
 義從陸奥參洛、奉使節之後、全經十一箇年歸來、去年誅罰賊安倍貞任之日、所獲生日同宗  
 任正任等五人、各引率其身、於是有朝議、今月廿九日賜官符、件宗任等不令入京中、使放遣  
 伊豫國、又去年前出羽守源齊賴所捕進、同黨類僧良昭、同遣太宰府、四月十四日月蝕、十九  
 日、加茂祭、未刻天陰暴風雷雨水雹交降、大如梅李、牛馬駭走、數刻不銷、廿三日、軒廊御下、雨  
 雹之異也、五月十三日、太宰府觀世音寺燒亡、八月十一日、供養清水寺、講師權律師良秀、  
 九月十三日行幸東北院、十六日前下野守源資配流佐渡國、依燒亡上總介橘惟行館、并殺  
 害人民之愁也、十一月廿九日、關白家室從一位源隆姬子落簪爲尼、天台座主明快爲戒師、  
 前中書王具平親王女也、十二月五日、賴資改配流土左國、其使奏聞、雪深路峻難達之由、仍改  
 流也、十三日左大臣藤原朝臣教通、依關白前太政大臣賴通朝臣讓、爲藤氏長者、朱器臺盤、並  
 譜第莊苑等傳之、  
 康平八(治曆元)年乙巳正月五日、右大臣藤原朝臣賴宗依病出家、二月三日、入道前右大臣(賴  
 宗)薨、年七十三矣、家上紫雲聳現、九日權大納言藤原朝臣能信卿薨、十九日公家於天台山  
 根本中堂、供養一千部金光明經、三月廿四日戌刻地震、五月七日丙寅地大震、十二日辛  
 未、於禁中被修大般若御讀經、今年當三合之厄運、天下怖災、然間自去四月賀茂祭日以來、



社下 一本有有字

日蝕 一本作月蝕

延 一本作延演作宣

門 一本作問增下有表字

偶 一本作遇全作金

雨澤不降，旱澇最酷，仍所被行也。十七日丙子，廿一社奉幣，依同災也。廿一日庚辰，勅差分左右近衛番長以下各四人，為左大臣藤原朝臣教通隨身，今日台嶽僧侶等，群集賀茂社，為祈雨，轉讀仁王經，爰有小蛇，於寶殿前，吐出水氣，不經時刻，雨脚少降，依理運之災，雖遍不灑，郡縣佛法之威力，神道之冥感，誠以揭焉。廿三日壬午，公家於神泉苑，限三箇日，被轉讀孔雀經，又於大和國龍穴并東大興福寺，轉讀大般若。六月三日，內大臣藤原朝臣實任，右大臣，年廿四，同日大納言源朝臣師房任，內大臣，年五十八，中務卿具平親王男也，源氏內大臣之始焉。十五日申刻日蝕。廿四日大和國十市高市兩境，雨雹并冰降徑寸餘。八月二日，改康平八年，為治曆元年。九月廿五日壬午，公家奉為先帝於宸居東對，設四日八座法會，供養御筆金字法華經，并白檀釋迦三尊，一問，阿闍梨惟尊表白，聖王陛下，舜日高晴，一天皆仰仁風，堯川永清，四海悉浴恩波，方今開蓮之文，聖跡嚴而垂露點，貫花之偈，神筆妙而寫風勢，爰擇鶯子，講一乘之妙文，歸鳩王，展八講之梵釋，誠是尋聖代之舊風，顯孝養之新儀者也，講延先當其仁，詳演其義，弁說是晴，如秋風之掃朝霧，言論最明，似夜月之出嶺雲，抑聊解疑冰之結，將開蒙泉之迷矣。第二門者，阿闍梨賴增白曰，六萬九千之文字，出於神筆，鳥曇之夢，盛開臨池之妙，四日八座之御願，耀於佛日，鶯嶺之風，遙扇扶桑之枝，大唐則天太后，崇佛法，寫華嚴題，聖跡不終一部之文，宋帝拂內殿，講楞伽經，高僧只開五姓之文，誠是千歲一偶之秋，億々萬劫之中，得值遇者也。十月十八日，供養法成寺全堂藥師堂觀音堂，未刻行幸彼寺，大赦天下，但繫神社之訴，并放火之輩，非赦限，勸賞寺司前大僧正明尊，申立御願寺，號大安樂，寄阿闍梨三人，權僧正覺圓任。

大僧正，年卅，五關白前太政大臣賴通朝臣二男也，母前中書王具平親王女也，阿闍梨覺尋任權律師，依前大僧正明快之讓也，上座阿闍梨賴任補權律師，已上行幸賞。十二月九日，皇太弟之第一皇子貞仁（白河）元服，年十三，公卿參入。

像 一本作廟百練抄同  
四條下名勝志引有坊字

治曆二年丙午三月六日曉，彗星東方見。廿八日壬午亥刻，天有光景，春日社大鳴，人不知其吉凶，同日吉祥院新造天神堂，奉移尊像。四月一日酉刻，彗星西方見，司天之所奏，災孽可慎。八日卯時地震。五月一日甲寅，大宋國商客王滿，獻種種靈藥等，但鸚鵡於途中死了，只獻其羽毛。十五日午刻，四條釋迦堂住僧文豪，於鳥部野燒身，道俗成市。廿五日石清水宮司，言上去三月廿八日戌刻，河內國譽田天皇山陵震動，放光之異也。六月三日，伊勢太神宮司言，去月十三日，神宮并齋宮寮降大雹之異，大如鷄卵，鳥鵲之類，多以被搏殺。七月二日甲寅，被免流人，前下野守源賴資，并興福寺僧靜範等類伴。十八日酉刻，白雲二道，廣三尺，東西天，八月十四日月蝕。十月十三日，右大臣藤原朝臣實，平等院內建五大堂，供養之。十六日主上出御釣臺，有船樂。十一月廿六日，左大臣藤原朝臣教通，參詣春日社，以帶刀舍人為舞人。廿八日，公家撰定吉宿，延百餘僧，供養鎮西太宰府觀音寺，瓦葺五間四面講堂一字，奉造立安置金色丈六觀世音像一體，又同丈六揔像不空罽索像一體，此像者全逃猛焰之底，遂現常住之相，殊加補修，如舊安置。十二月廿七日午刻，主殿寮并近邊小屋百餘家燒亡，寮家之重寶，油鑊煎御藥火爐，共為灰燼，世以歎息。治曆三年丁未正月十日己未，比叡神社燒亡。二月廿五日癸酉，供養興福寺，建立金堂一字，奉

觀下 一本有世字



造立安置丈六金色釋迦如來像一體、同藥王藥上菩薩像各一體、同十一面觀世音像二體、彩色四天王像八體、彌勒淨土院、安置菩薩諸天等像、建立講堂一字、加修飾、奉安置丈六金色阿彌陀如來像一體、觀音勢至文殊淨名等菩薩像各一體、彩色四天王像各一體、建立東金堂一字、奉造立安置丈六金色藥師如來像一體、日光月光虛空藏觀世音菩薩像各一體、維摩詰弁天像八體、又造立卅手觀世音菩薩像一體、如舊安置食堂、更擇曜宿、敬以供養、即囑三百口之僧侶、忽驚虛空界之諸尊、四月廿七日、先是竊被盜外記日記二百卷、新寫納文殿了、八月九日寅刻、主計寮燒亡、十六日、參河國解狀、管寶飯郡渡津鄉住人壬生真世所領牝牛、以去七月廿七日辰一點、所生牝牛、其體長三尺許、毛色赤斑、額腰少白、有四牙、有二尻二尾七足、其四足如例、自餘三足、相添前後之足裡、後二足有腹際、前一足有腹下、自膝下相分、己生二蹄、凡有七足八蹄、又一尻有臍下股裡、其體、相副進上、但彼牛領主真世、恐其奇怪、不申子細、打斃了、老者令神祇官陰陽寮等占申之處、神祇官占申云、可有天下病事口舌所致歟者、陰陽寮占申云、自怪所及艮坤方、非奏口舌鬪諍事、有天下疾疫憂歎、祈慎无其咎乎者、正三位行權中納言兼治部卿皇后宮權大夫源朝臣隆俊宣奉勅、宜仰五畿內七道諸國、符到之後、擇定吉日、奉幣禱祠、又於轉經佛寺、拂兵革於未萌、消疾疫於方來、仍須長官以下、共致潔齋、自詣諸社、奉幣禱祠、又於國分二寺、及諸定額寺、囑請淨行僧侶、三箇日間轉讀仁王般若經、薰修間禁斷殺生、殊致精誠、必顯冥感者、諸國承知依宣行之、符到奉行、十月五日庚戌、天皇車駕幸臨宇治平等院、宸儀渡御、兔道橋之間、伶人棹華船、泝河上、凡仁祠之莊嚴、事絕于曩篇、入御之後、即駕腰輿、奉

臍上一本無有三字而有一尾在

修下一本有之

禮阿彌陀堂、池上架錦繡假屋、又池中有龍頭鷄首船、奏童樂、訖、渡御經藏、御覽佛具、還御之後、供御膳、以金銀珠玉儲之、事之希有、殊催叙感、翌日雨下、乘輿停蹕、風流地勢、殊可賞翫、忽有時議、召屬文之生、令獻詩、文人着座之間、被獻細馬六疋、七日壬子還御、寺家加封三百戶、前大相國賜准三宮勅書、年官年爵食邑三千戶、內舍人二人、左右近衛兵衛各六人、為隨身、資人卅人、如忠仁公舊事、權中納言源隆俊叙正二位、備中守藤原定綱、但馬守同忠綱、并叙四位、越中守豐原奉季、依造橋之功、延任、寺家別當權少僧都勝範任大僧都、權別當勝圓任權律師、法眼仁覺補大僧都、內供奉賴譽任權律師、是大僧正覺圓之讓也、離宮明神授其位記、廿二日、於中殿御覽童舞、權中納言源顯房之息舞、胡飲酒、召御前給御衣、祖父內大臣源朝臣師房起座拜舞、十二月十二日、廿二社奉幣、依聖體不豫也、

治曆四年戊申正月朔日蝕、二月以後、聖體彌以不豫、三月廿三日、前太政大臣藤原朝臣賴通辭關白已了、久由沈重病也、同月於禁中、令仁和寺入道師明親王、行孔雀明王法、限以三七箇日、結願之日、以弟子阿闍梨行禪任權律師、依優賞性信(師明)法親王驗德也、廿八日庚子、於法成寺供養百廿體丈六繪像尊容、院宮女御(歡子)家、并太政大臣(賴通)左大臣(敦通)合力致誠、其儀准御齋會、大赦天下、此間御藥少有平痊之氣、四月九日、仁和寺師明入道親王法號性信、勅聽牛車、十四日乙卯、左右馬寮御馬十六疋奉諸社、依御藥重也、十六日丁巳、立女御藤原朝臣歡子為皇后宮、但無宣命、以宣旨立之、關白敎通朝臣之女也、母前大納言藤原公任卿女也、同日左大臣藤原朝臣敎通、詔為關白、年七十三、或本云十七日戊午、為關白、藏人頭左中

廿下一本有五字



弁藤原師基依病辭退、以左馬頭藤原敦家補之、以藏人頭左近衛中將源隆綱、任參議兼中將、十八日、藏人刑部丞藤原長明有時議、叙爵有云々事歟、其替以主殿助源國仲補藏人、十九日庚申寅刻、天皇於高陽院中殿崩、年卅四矣、五月五日丙午、葬船岳西野、安御骨於圓教寺、

後三條天皇七十二代 諱尊仁 治五年 王子男三人 女四人 一人即位

後朱雀院第二皇子、母三條院之女皇太后禎子也、治曆四年戊申四月十九日庚申踐祚、廿五年戊刻關白左大臣(教通)以下公卿侍臣等、歷左衛門陣、步行參儲皇御所閑院第、神璽寶劍等、賚左近權中將源信宗右近少將藤原師兼獻之、左大臣如舊、詔為關白、五月廿四日乙未、檢非違使源義綱同家宗等、捕擄故典藥允致親男等、參禁門奏事由、去十一日夜、於太皇太后宮殺害彼宮之傅故也、六月廿一日辛酉、行幸神祇官、可即位之由、奉弊告伊勢太神宮、但路次之間、鼠自乘輿中躍落、神祇陰陽等所占為吉兆者、廿四日、肥後國阿蘇山雪降、深五六寸、廿六日丙寅、天皇遷幸大納言藤原信長卿大宮第、七月廿一日辛卯、行幸太政官、未二刻天皇即位官廳、太極殿未造故也、八月九日己酉、自今日限三箇日、於應天門被轉讀最勝王經、為祈可造太極殿之由也、十四日甲寅、造始大極殿、又奉幣七道諸國天神地祇、同日天皇男女皇子等為親王、九月四日、自大宮第遷幸關白左大臣教通朝臣二條第矣、十月十日乙酉、太極殿豎柱上棟、土左國言上數年仆臥木一夜起立、出羽國言上、浪井涌、諸道所勘申、多為嘉瑞者、廿八日丁卯、大嘗會御禊東河、十一月廿二日辛卯、大嘗會、近江國愛知郡備中國英賀郡、供奉悠紀主基、廿六日乙未、大嘗會之節會了、天皇還御關白二條第、十二月十一日己酉未刻、宸居關白第燒亡、乘輿便

妄一本作衷

出御關白東二條舊亭堂舍、入夜遷御閑院、行幸儀如常、今日月並祭幣立了、神今食祭延引、又累代內印燒闕了、月次祭使、太神宮祭主大中臣元範宅有死穢、勤件役之由有風聞、神事違例之怖、殊驚叡衷、仍擲捉元範從者、并近鄰住人等、拷訊、雖無承伏之口、神祇官陰陽察等所卜筮有穢氣者、仍被召留元範、餘神事皆以停止、廿八日丙寅、天皇遷幸大納言大宮亭、廿九日丁卯有除目焉、

治曆五(延久元)年己酉二月十七日甲寅、天皇母儀太皇太后禎子賜院號詔、廿三日庚申、勅止寬德二年以後新立莊園、縱雖彼年以往、若券契不分明、於國務有妨者、同停止之、三月十五日壬午、行幸石清水、此日於朱雀院東門前、御輿杙損、召內匠寮、即令修補、十六日還御之間、同杙破損、後日右中弁隆方朝臣有所恐懼、依為裝束使也、四月四日庚子、宋人盧範給物直廻却、先朝御時所進上也、七日癸卯、仰中務省令鑄內印、去年十二月十一日燒損也、十三日己酉、改治曆五年為延久元年、同大大炊寮觸穢間、供御及諸宮所々之熟食、於主水司令供進、件穢往還下人、以死人頭投入寮中云云、同月廿八日甲子、以今上第一皇子貞仁(白河)親王、立皇太子、五月廿八日甲子、前太政大臣(賴通)於平等院、始行一切經會、六月十五日庚戌、女御二品馨子內親王立為中宮、後一條天皇二女、母前關白入道大相國(道長)三女也、十九日甲寅、第一內親王聰子叙一品、給千戶封邑、并年官年爵、俊子內親王叙二品、佳子篤子兩內親王各叙三品、廿一日丙辰、遷幸高陽院、七月朔日蝕、二日丙寅、皇太子自閑院參觀於賀陽院、十八日壬午、停止內膳司饌諸國御厨子、并贊後院等御贊、廿二日、令御厨子所領御厨子



等始供精進御菜、廿七日賀茂齋王(正子)依病退出本院、八月一日令前駿河守平維盛檢  
 非違使左衛門少尉源家宗等追捕大和國釜摩山強盜、九日癸卯行幸賀茂社、十六日庚戌  
 行幸關院拜觀母儀仙院(陽明)踐祚之後初拜觀也、關白(教通)辭左大臣、廿二日丙辰右大臣  
 藤原朝臣師實任左大臣、內大臣源朝臣師房任右大臣、大納言藤原朝臣信長任內大臣、前左大  
 臣教通朝臣二男也、母前大納言藤原公任女□□□□春宮大夫能長卿息女(道子)入皇太子  
 宮、十月□□□□諸國發大神寶使、十九日壬子依出雲國解□□□□本令奉納丈六千手觀  
 音御頭中佛舍利香藥等件佛并寺、去月七日大風破壞顛倒、閏十月四日左衛門尉家宗、梟釜  
 摩多山強盜致親首并引率降人等入洛、七日前駿河守惟盛斬強盜類人首參上、十一月  
 廿六日二品俊子內親王三品佳子內親王加別封各二百戶、十二月廿日壬午一代仁王會  
 廿七日己丑東北院置阿闍梨四口依上東門院被申也、廿八日大宰府言上八幡宇佐宮正  
 宮二所殿令鳴給者令勸他社鳴時例、  
 延久二年庚戌正月十三日成務天皇神功皇后等山陵兆域內狩獵并伐損樹木之輩會赦否由  
 被問法家其後件犯人等令檢非違使尋捕、廿五日地震、二月七日戊辰被定絹兩數疋別  
 三兩二分籠絲之圓用四□□□□年例也、又布法近代無所見但隨國自有□□□□可精好之由  
 同被定下此日陰陽寮占申八幡宇佐宮鳴惟令大宰府慎口舌鬪諍并可祈禱天下疾疫之由  
 差遣宣旨、十三日昨日撲滅禁中火之者主殿寮屬有道等三人各給勅祿疋絹、十四日永  
 停近江國筑摩御厨并今年許止同國日次御贄、又停廢高砂御厨魚令供精進物、廿三日關

圓一本作國

白(教通)任太政大臣、廿五日關白太政大臣參入宇治別業被申慶賀於前太政大臣(賴通)有  
 拜謝之禮人以嘆美未聞有人臣乍居堂上受關白太政大臣拜之例矣、廿六日丁亥行幸  
 閑院拜觀母儀(陽明)東宮同行啓左右近衛供歌舞、廿六日天台總持院燒亡、一云三月廿七  
 日惣持院火、四月十二日令備前國弁申銅金青綠青等出來事、後日差遣官使被尋實否之  
 處隨身銅等樣所參上也、十七日自大宰府言上自去三月廿一日□□□□至同廿五日、天南  
 有聲其鳴如擊大鼓欲言雷鼓□□□□无雨矣、同月天台座主前大僧正明快卒、五月九日以  
 大僧都勝範補坐主仍智證大師門徒懷憂騷動、八月一日宣旨散位藤原基通面縛歸降之由  
 下野守源義家所言上也、然則陸奧守源賴俊不可向陸奧國追討者義家朝臣依有所申請  
 也、抑賴俊合戰時基通奪取彼印鑑者也、十四日有勅權大納言源隆國參議同經信權左中辨  
 藤原隆方外記史以下參石清水宮行放生會自今以後可用此例者使右近衛少將藤原師行  
 左右官人以下爲儆人陪從、十月十四日辛未戌時感神院大廻廊舞殿鐘樓皆悉燒亡、但天神  
 御體奉取出之別當安譽身焦餘焰翌日入滅、世人以爲神罰、廿日半夜地震動洛中家家築  
 垣往往顛落東大寺口鐘震零諸國寺塔間以壞損焉、廿三日時時又震、十一月七日依口祖母  
 上東門院御惱大赦天下但坐神事壞佛像殺父母者不在赦限、十七日甲辰五畿七道諸  
 社被奉佛舍利、十八日乙巳以官使檢錄感心院八王子四體并蛇毒氣神大將軍御體燒失實  
 否、廿一日戊申未刻地震、十二月廿六日壬午供養圓宗寺請僧百六十口有行幸皇太子行  
 啓御願文云勅政務事繁雖慎神器於一日之裡渴仰志厚猶事佛陀於萬機之間况淑情之至

大寺下一本無

心一本作神



深、宸慮之想像、爲教法久住國家永穩、方起伽藍之一院、欲致意根於三寶、爰鳳凰城之西畔、仁和寺之南傍、有一吉土、相叶議者、新降絲綸之命、忽營土木之功、寫淨界之古風、消雲之營不日而就、廼建金堂、奉造立安置一丈金色摩訶毗盧遮那如來像一體、丈六同藥師如來像一體、同一字金輪像一體、丈六彩色六天像各一體、建講堂、奉安置一丈八尺金色釋迦如來像一體、丈六同普賢文殊觀音彌勒等像各一體於斯堂、春則講最勝之妙文、宜祈國家於萬年、秋又演法花之實語、欲救群類於六道、建法花堂、奉安置三尺金銅塔一基、其中奉安金字妙法蓮華經一部八卷、始自今日、定置僧侶六口、令修法華三昧、无二无三、忽扇鷲嶺之風、半行半座、遙期龍花之日、是則爲鎮護國家、引接群生也、殊擇曜宿、設供養、已廿七日、依加賀國解、白山御體燒損、而以舊體殘奉、籠新像、并如此之時、占吉凶否之由、令勘先蹤、卅日、下野守源義家、申降人藤原基通隨身將參狀、

延久三年辛亥正月八日甲午、於圓宗寺被修□□□十六日壬寅、囑千僧於太政官、被供養轉讀觀音經、祈時疫也、二月二日、大雲寺阿闍梨成尋、爲入唐赴鎮西府、四日庚申亥時、奔星入紫微宮、其大如疊器、氣暫不消、似蜺色、又白、同夜有天變、奇異之星出現、其體似雲有光矣、十日丙寅、故參議侍從源基平卿息女御息所基子、誕第二皇子、(實仁)三月五日庚寅、內裡豎柱上棟、九日甲午、左大臣藤原師實朝臣、取左兵衛督源顯房卿息女(賢子)爲養子、令入皇太子宮、十二日丁酉、關白太政大臣、(數通)於宇治平等院大設法會、被賀前大相國(賴通)八十算、請僧六十口、十七日戌刻、大光自東亘西、殆如滿月、二十七日、御息所從五位下源基

子爲女御、五月十八日壬寅、前妃皇太子母藤原茂子贈從二位、六月廿九日壬午、行幸圓宗寺、設大會、供養常行堂、但灌頂堂者、以真言宗、令修秘密法、左右近衛各供養、熊龍頭鷄首、池上鼓棹、入夜車駕還宮、七月十九日壬寅、於新造內裡、令修安鎮法、八月十二日、以第二皇子實仁爲親王、廿五日丁丑寅刻、祇園天神奉遷神造神殿、廿八日庚辰酉刻、入幸新造內裡、左右大將(師實)師房各有故障、不參仕、十月四日、東宮自權亮源師忠宅、遷入左近衛府、十三日甲子、東宮移御昭陽舍、廿九日庚辰、行幸日吉社、座主檢校大僧都勝範、別當法性寺座主大僧都覺尋、共授法印大和尚位、同行幸之賞也、十二月廿六日、僧隆觀配流伊豆國、依家地論、以對捍檢非違使等、下罪名於法家、所被行也、別仰云、放遣別島、可令守護也、

延久四年壬子正月廿九日己酉、前關白藤原朝臣賴通、依病出家入道、年八十一、法名寂覺、本蓮花覺、二月六日丙辰、牛入左近陣中、喰損公卿座帖、三月十五日乙未、大雲寺阿闍梨成尋、於肥前國松浦壁島、乘唐人一船頭會聚之舶、與舶頭等、物員米五十斛、絹百匹、褂二重、沙金四少兩、上紙百帖、鐵百延、水銀百八十兩也、廿六日丙午、行幸稻荷祇園、別當阿闍梨行禪爲權律師、此二社并日吉社行幸、此時始之、四月三日壬子、大極殿并蒼龍白虎兩樓諸門等、各打題額、內匠頭源兼行書之、十五日甲子、行幸大極殿、被行宴會、王公以下文人以上獻詩、雅樂奏歌、舞、秉燭講詩、高御座東、文人等祇候、賜祿有差、式部大輔藤原實綱作序、并講御製、殊感感賞、被聽昇殿、七月六日、賀茂齋內親王依病、退出本院、去六月以後、痲瘡流行、貴賤不免此厄、九月廿九日、斗升法、可據用長保(一條)例之由下知、十月廿五日庚子、行幸圓宗寺、始修二會八

延一本作挺



宸一本作震

講、被置天台已講、講師阿闍梨賴增寺三井一問法印大僧都賴真興福寺有因明論議、講師云、非自宗故不答、問者云、立破真偽、无過因明、依之叡岳六月法花會、副因明義、圓宗學者、多所習學也、况准三會大堂、被置二季講筵之日、既當朝撰、為一會講師、如何不可答、因明門義耶、講師答曰、幼學之昔、依非山家所用、不學因明門義、只披一心三觀之教文、靜習一實境界之思惟、老年之今、兼受三密同體之教、早入傳法灌頂之壇矣、然值堯日照臨朝恩、適勤希代御願、講師之時、非本宗之所學、因明門義不可答、申夫尋因明門根源者、兩衆三德之談、殘於佛法花苑、米齋六句之說、渴於法水清流之日、陣那天親為破、其外道邪執、立宗因論證成道理也、因明道理、雖遣外道邪執、遂非顯其勝義諦之旨、故傳教大師云、四記之答、幼知所用、三支之量、何顯法性、雜學多聞、何競其勝負哉、加之宸且國以无外道、為其一福、雖有孔老之口口无有外道之邪法、付中我日本國、純是大乘根性、猶以不尙毗曇成實小教、今大伽藍設於最勝法華二會、弘宣圓宗教法之日、何以因明之論端、強責山家之老學矣、但至叡山豎義者、殊有別意、不可為例、兼學唯識之論文、豈答法相之論義哉、已當座依宣旨、問天台宗證匠之處、天台座主法印大和尚位勝範等奏云、山家學者、全不可答、申因明門論議者、詔云待後勅、問因明論義、暫宜停止者、已上私云後日追勅天台最勝初三會講師是第一座王義真和尚也於維摩堂遂其大業之日既有因明論義然講師義真云非天台之所學全不可答者山家維摩講師於維摩堂尙靜不答况天台圓宗講師於圓宗寺全不可答者也隱者傳聞為後日記廿七日壬寅、御入講也、第五卷日、重有行幸、公卿侍臣各以捧物行道、付物三衣、盡善盡美、廿九日甲辰、結願之座、講師阿闍梨賴增、拔為權律師、十一月口日、野鹿入禁中、捕繫以瀧口、放遣西山、廿九日、延曆寺三井寺東寺三所共置御願寺、寺別三人阿闍梨被寄、十二月

后一本作宮

一日乙亥、女御源朝臣基子准三后、給年官年爵并封戶五百煙、二日丙子、任公卿大中納言參議等、合八人也、七日辛巳、前大和守藤原成資男三郎仲季、於伊勢齋宮邊、依射殺白靈狐之罪過、配流土佐國、同月、公家被行萬僧供、八日壬午戌時、天皇春秋三十九、讓位於皇太子貞仁、自河親王、同日以第二皇子實仁親王為皇太子、年始二歲、先帝遷御飛香舍、新帝還御昭陽舍、先是警固發遣三關使、

扶桑略記第廿九



扶桑略記第三十

六條(白河)天皇七十三代 諱貞仁 治十四年 皇子男二人 女三人 一人即位

後三條天皇太子、母贈太政大臣藤原公成之女(茂子)也、延久四年壬子十二月八日壬午踐祚、年二十歲、十二日丙戌、有太上天皇尊號之詔、十六日庚寅夜、太上天皇、并皇太子自內裡遷御關白(教通)二條第、十七日辛卯、新帝行幸建禮門、奉幣伊勢太神宮、告可即位之狀也、廿九日癸卯、即位太極殿、

延久五年癸丑正月十一日乙卯、太上天皇御行前丹後守藤原公基之六條宅、依閑院造作事、被避方角忌、給也、大納言以下、着衣冠勤仕前驅、十九日、女御源基子、誕太上天皇第三皇子(輔仁)青宮同胞也、二月廿日甲午、太上天皇陽明門院一品內親王(聰子)有御住吉詣事、其次詣天王寺八幡宮、關白前大相國(賴通)同以供奉、縱觀之者路頭架肩、廿七日還御洛陽、三月十八日、天下大赦、依太上天皇御惱也、四月朔日甲戌辰時日蝕、二日乙亥、奇雲亘天東西、七日庚辰、天皇行幸太上天宮、奉訪聖躬不豫、今夕上皇遷御但馬守源高房宅、廿一日甲午、太上天皇由御惱重、出家入道、同日、中宮(馨子)落飾爲尼、廿七日庚子、上皇作祭文、被奉三井寺新羅神社、其詞曰、維延久五年歲次癸丑四月丁巳朔、廿七日庚子爾掛毛畏支新羅乃大神乃廣前爾太上法皇恐美恐美毛申給停止申去年乃冬乃比與利心神違例天今茲三月以來殊以不豫奈利卜筮乃所告其祟利區分禮祈請乃所及其數且千奈利然而徒送居諸天未得平復須抑始謝靈劔天永久萬乘之尊還遁禮今剃髮髮天偏爾三歸之道爾入禮利唯无爲之思遠抽天專遐齡之謀遠企多利遁世之身出家之人波何

赴一本作託

厄加不消除其平何病加不平愈其平抑在位之昔理政之時爾智證大師乃門跡爾旁有所申支或依座主事天致怨望志或依戒壇事天成訴詔支然而皆有其故天自然相違世利但於彼遺教天非不歸依須或開二會之講筵天囉其門跡之或排一區之伽藍天永置阿闍梨計里今臨此病事天又仰彼教法久二事乃違背世留機緣乃未到奈利大神八爲守彼佛法爾忝顯神道天利遠涉溟海天永赴日域計梨縱雖神靈之咎徵毛謝答寸留八神之所宥奈梨縱雖理運之厄會毛轉厄寸留八神之所掌奈梨因茲雖未預官幣毛若致效驗其波新奏公家永致禮奠卒除宿恙於不日支拂沈痾於一時平古大神乃厚願廣助爾可有支物奈利止所念給天奈卒故是吉日良辰遣擇定天禮代乃御幣遣令捧持天奉出給布掛毛畏支大神此狀遠平久安久聞食天霧露忽晴禮風塵永靜天身體安穩爾壽命久遠爾之天常磐堅磐爾夜守日守爾護幸給反止恐美恐美毛申給久止申已上卅日癸卯、九坎雨下、依御惱危急、重以行幸太上天宮、院司勸賞、五月一日甲辰、五百僧侶、延於院內、供養轉讀千部法華經、六日己酉、天皇先妣藤原茂子贈皇后位、置國忌山陵、又故權大納言藤原能信卿、贈太政大臣正一位、并外祖母藤原社子贈正一位、七日庚戌、太上天皇春秋四十崩、十七日庚申葬於神樂岳東原、六月廿二日甲午、於圓宗寺、被修七々御法事、无御願文、九月十六日、行幸入道大相國(賴通)高倉第、爲造豐樂院也、延久六(承保元)年甲寅正月十八日、興福寺大衆、引牽斫別當法務法印大僧都賴信房、燒亡寺東閭里、其事起由春日社司非法之政云云、廿日寅時地震、廿二日巳時地震、二月二日卯刻、宇治前大相府(賴通)薨、年八十三、此日、野鹿入法成寺、十二日寅時地震、三月二日、申時以下

葬上名勝志引  
有火字東作  
南原下有安  
御骨於禪林寺  
七字



子一本作戊  
賢子下一本分  
注出一云麗子  
四字右大臣  
一本作左

六日下一本有  
己丑

雪降、深四五寸、九日戌刻、奇雲旦天、六月十六日壬午、天皇車駕自高倉第還宮、以无品祐子  
 內親王叙二品、辭讓不受、別當參議源隆綱卿叙正三位、御傍親源重子叙從三位、右大臣源師  
 房女也、此日太皇太后皇子內親王爲二條院、停后職號、封戶如故、廿日丙子、女御藤原賢子  
 冊爲中宮、右大臣藤原朝臣師實之猶子、實是大納言源顯房女也、八月廿三日戊子、改延久六  
 年爲承保元年、十月三日丁卯、上東門院、於法成寺阿彌陀堂崩、年八十七也、六日庚午葬  
 于大谷、十六日庚辰、中宮(賢子)出禁中、行啓木工權頭藤原定綱宅、依懷孕七箇月也、卅日  
 甲午、大嘗會御禊、行幸東河、但關白大相國(敦通)不供奉、依上東門院觸穢也、十一月廿一日  
 乙卯、大嘗會、近江丹波供奉、十二月廿六日辰時、中宮誕生皇子(敦文)  
 承保二年乙卯正月十三日丙午、中宮自定綱朝臣洞院宅、遷御東三條第、用鳳輦、皇子絲毛車  
 駕殿上侍臣并朝大夫、勤仕前驅、十九日壬子、行幸東三條第、皇子敦文爲親王、外戚公卿等  
 庭前拜舞、次奏歌舞、天皇深更車駕還宮、即夜、中宮行啓大內、閏四月、自今月、嘸諸宗名德二  
 十口於弘徽殿、轉讀一切經、廿八日己未、除名散位源基宗配流佐渡國、依安藝國司訴、下罪  
 名於法家、被行也、七月十一日辛未、公家於石清水、供養金字大般若經、八月朔庚寅日蝕、  
 十一日庚子、除名少內記藤原爲定配流常陸國、依打開播磨國官倉、并炮殺百姓之罪狀也、  
 十三日壬寅、白川御願寺立柱上棟、左大臣(師實)以下公卿參會、十四日癸卯、遷幸高陽院、公  
 卿以下陸步、十六日乙巳、東宮有御袴着事、生年五歲、公卿皆參、九月廿五日甲申、卯刻關白  
 前大相府藤原朝臣教通薨、春秋八十矣、十月十五日癸卯、左大臣藤原朝臣師實、詔爲關白、時

年三十四也、十九日丁未、嘸百僧於大極殿、三箇日轉讀大般若經、祈民庶頓滅也、廿一日己酉、大赦天下、爲消同厄也、

承保三年丙辰正月九日、亥刻地震、三月四日、重行幸石清水宮、此日雨下、及曉更、車駕還宮、  
 四月廿三日戊申、行幸賀茂社、已上二箇行幸、依別御願也、每年春三月爲石清水行幸之期、  
 又每年四月中申日、爲賀茂行幸式日、六月二日丙戌、有大宋國皇帝之返信定、十三日丁酉、  
 公家被供養先帝御願寺天台山金剛壽院、十月十二月乙未、關白左大臣引率公卿向大井  
 河、令點定行幸頓宮、廿四日丁未、行幸大井河、御鷹道遙也、公卿侍臣等皆以供奉、右大臣源  
 朝臣師房述和歌序出居、式部卿敦賢親王參於御船、列大臣座之上、但馬守源高房、於桂河梅  
 津邊、作御在處矣、廿六日己酉、供養志賀寺內塔、

承保四(承曆元)年丁巳二月五日丙戌、大僧正覺圓爲天台座主、勝範卒替也、翌日辭退、七日戊  
 子、法印大僧都覺尋爲天台座主、十七日戊戌、右大臣源朝臣師房薨、年七十也、瞑目以前、藏人  
 頭源俊實爲勅使、被仰下可授太政大臣官之狀、薨了後、宣命持來、廿八日己酉、引見大宋  
 國商人所獻羊二頭、三月九日己未、行幸石清水、入封戶五十烟、廿九日己卯、太宰府言上  
 去二月五日香椎廟燒亡事、四月九日、參議藤原朝臣師通、蒙左近衛大將詔、年十六歲、關白師  
 實朝臣二男也、七月十七日、式部卿敦賢親王薨、年三十九、小一條太上天皇敦明三男也、八月  
 六日癸未、今上第一皇子敦文親王薨、年僅四歲、上自一人下至庶人、莫不患赤痢瘡矣、親王公  
 卿五位已上逝去之者多焉、今月返遣羊二頭了、十月六日壬午、六角堂之町燒亡、然觀音寶殿

一人下一本有  
三公



天像下一本有各字

遂免除災。九日乙酉，自六條宮移幸賀陽院。十一月十七日甲子，改承保四年爲承曆元年。十二月一日丁丑，行幸祇園稻荷兩社，先帝例也。十八日甲午，供養法勝寺，建七間四面瓦葺金堂一字，奉安置金色三丈二尺毗盧遮那如來像一體，花葉安置百體，釋迦光間同化佛十六體，二丈寶幢如來花開敷如來無量壽如來天鼓雷音如來各一體，光間皆有化佛十二體，相好端嚴，光明映徹，即尋胎藏之深理，修供養之行法。又安置綵色九尺六天像一體，容顏奇特，左右圍繞。又安置八尺毗頭盧像一體，七間四面瓦葺講堂一字，奉安置金色二丈釋迦如來像一體，化佛十三體，丈六普賢文殊像各一體，始從今日，於是佛前延囑諸宗之學徒，轉讀一切之經論，十一間四面瓦葺阿彌陀堂一字，奉安置金色丈六阿彌陀如來像九體，即修常行三昧之業，爲往生九品之緣。又一丈觀音勢至菩薩像各一體，六尺綵色四天像各一體，拔濟之願不疑，擁護之誓何誤。五間四面瓦葺五大堂一字，奉安置綵色二丈六尺不動像一體，丈六四大尊像各一體，降伏惡魔，消散怨靈，令修究竟秘密之行法，將爲直至成佛之善因。一間四面瓦葺法華堂一字，奉安置七寶多寶塔一基，珊瑚瑩柱，更交百寶之光，瑠璃排扉，鎮添衆曜之色，其中奉安置金泥法花經一部八卷，置六口之僧侶，修三昧之行業，滅罪生善之詞，金言無違，千秋萬歲之樂，瓦文不朽。五間四面二階瓦葺南大門一字，安置二丈金剛力士，其外大門迴廊鐘樓經藏僧房物具，莫不周備。云佛云堂，莊嚴甫就，遂定題額，號法勝寺，擇時日之曜宿，開廣大之齋會，禪侶之列三百也，髣髴于靈山之道儀，法音之唱，頌讚也，宛然于諸天之伎樂，法會勝概，冠絕曩時。上天皇行幸，百寮萬民皆參。

才一本作末

承曆二年戊午正月二日丁丑午刻，近江石山寺燒亡，如意輪觀音像，已爲煨燼了。廿七日壬寅，供養興福寺之塔，關白左丞相（師實）以下參會，去寬仁元年寶塔東金堂，忽逢雷火，已爲灰燼，即入道前大相國殊興弘願，早以修復，又康平三年，寺院之內，重逢火孽，彼時下勅，堂宇復舊，莊嚴盡美，供養先了，塔婆輪奐，今正甫就，五層究巧，穿暮雲而崔巍，七寶排扉，納行月而照耀，新寫四方之淨土，旁安諸尊之化主，脇仕圍繞，菩薩羅列，爰擇支于之吉曜，展齋會之梵筵，驚十方之聖衆，嘔百口之龍象，公家降綸命，以造營，賢相抽丹青，以敬重，又中宮職殊抽懇志，供養西金堂，奉安置金色丈六釋迦如來像，同觀世音菩薩像得大勢至菩薩像各一體，彩色六丈釋迦十弟子像各一體，同八部衆像各一體，金色十一面觀世音菩薩像一體，彩色五尺六天像各一體，同金剛力士像一體，佛則舊像加丹青而增彩，堂之前基添莊嚴而畢功，開講之儀，雖切于后房之芳意，修飭之美，已彰于相府之素懷，寺司有賞。四月廿八日，於清涼殿，有和歌合，判者大納言源顯房朝臣，左右各挑勝負。五月五日，大雨洪水，京極人屋多以流損，况乎河之邊畔哉。十八日辛卯，中宮（賢子）誕生皇女。六月十六日戊午月蝕皆既。十八日庚申，配流源基宗藤原爲定，等於下野常陸兩國，不待處分，各以歸洛之過罪也。八月廿七日，天皇自大內遷幸高陽院。廿八日御覽競馬。十月三日，於法勝寺，始大乘會，天台三會中其一會也，供養金字五部大乘經，凡書寫金泥一切經論，是其一分也。六日，行幸法勝寺，講師阿闍梨暹教，任權律師，並寺司勸賞。十一月廿五日，天皇遷幸大內焉。承曆三年己未二月二日辛丑午刻，火起春日小路與町北，至一條以北，東西洞院合數十町燒亡。



願一本作誓

貴賤舍宅不知其員矣。引及申刻，火勢漸消。廿一日庚申，伊勢祭主輔經言上，去十八日未時，大神宮內宮外院六十餘宇，拂地燒亡。印鑑並累代文簿，同為灰燼。廿五日甲子，令右中辨藤原通俊，發遣伊勢大神宮為實錄也。自今日廢朝五箇日，三月八日丁丑，行幸八省院，奉幣大神宮，勅使參議左大辨藤原伊房卿，有神筆宣命。同年攝津國水田郡石良里有沙門德滿者，上野延末之子也，生年二十歲，兩眼忽盲，經二三年，參鞍馬寺，祈禱無驗，從寺出參籠長谷寺，祈請至第七日，夢見自御帳中老僧出來，云我力不及，汝當往近江國犬上郡郡彥根山西寺觀音靈驗之處，致誠祈願。三日之內，各可有驗。夢覺以後，出長谷寺，三月九日參着彥根山西寺，泣致祈願。至第三日戊剋，兩眼忽開，始見佛前燈明，伴僧今住彼寺，常修長講。寺記 六月二日己亥申刻，延曆寺諸僧數百輩引率，群集感神院，聞及天聽，召諸衛官人檢非違使等，相距京極大路，其間僧徒於社頭讀大般若經，依彼院別當訴也。臨晚景歸山間，於大巔數千僧侶，各擎炬火，迎下松邊，洛京騷動焉。廿七日夜洪水，伊勢大神宮外院舍屋五宇流漂了。七月九日乙亥，中宮誕皇子，堀河先是出御，但馬守橘俊綱里第。廿八日甲午酉刻，興福寺食堂顛倒，東南西三方廂，基趾不傾矣。八月十七日，勅以篤子內親王，准三宮，賜封邑千戶，依祖母陽明門院之讓也。同日令前下野守源義家，追討右兵衛尉源重宗之狀，被下宣旨，募不翅之勸賞，是則與散位源國房於美濃國，擅興軍兵，合戰之過也。十月五日庚子，供養法成寺東西二塔講堂十齋堂法花堂，准御齋會矣。十一月廿七日辛卯，中宮行啓大原野社，殿上侍臣奉仕舞人。十二月廿四日，太皇太后寬子四條宮第燒亡，晦日大赦天下。

松一本作坂

承曆四年庚申二月六日庚子丑刻，高陽院燒亡。天皇駕花輿，率爾入幸內裡。十四日夜半，東宮御在所三條第燒亡。祖母仙院同駕輦，歸御閑院第。今年二三兩月之間，東京人家，多以燒亡。六月十八日大雨，十九日庚戌洪水，渺茫近水之倫，殆為魚鼈矣。七月十二日癸酉，三井寺內法定寺，被寄阿闍梨五人，明王院置阿闍梨三人，並一乘寺別院同有阿闍梨三人，宣旨，太皇太后，並隆明法印增譽法印，各所被申置御願寺也。同日，天台山御願寺持明院，置阿闍梨五人。八月十四日甲辰，大納言民部卿藤原朝臣俊家任右大臣，年六十一。前右大臣賴宗朝臣二男也，母前內大臣藤原伊周卿女也。同日，大納言東宮大夫藤原朝臣能長任內大臣，年五十九。前右大臣賴宗卿二男也，母右大臣同胞也。內大臣藤原朝臣信長任太政大臣，年五十九。前關白太政大臣教通息也。閏八月卅日，大宋國商人孫吉忠，賚明州牒，參着越前國敦賀津，先是去八月，着太宰岸，隨則府司言上，不待報，忠文吉小舟飛帆參入也，仍今日差遣官使，所召件牒也。九月九日戊戌，宋朝牒書到來，奏聞。十月十五日癸酉，供養天台御願持明院，依別當座主法印良真之讓，阿闍梨林豪任權律師。十六日丑刻月蝕。十一月朔日蝕。十二月廿四日，天下大赦，依明年辛酉之御慎也。

其一本作瓦

承曆五永保元年辛酉二月十日丁卯，改為永保元年。十一日戊辰，關白左大臣藤原朝臣師實參詣紀伊國高野粉河等寺。三月五日壬辰，興福寺大衆數千人，引率兵軍，行向多武峯，燒亡山脚人屋二百餘家，已了。先是多武峰僧徒，凌辱山階寺下部僧，故事發也。興福寺兵衆引率，昇向峰上時，大織冠聖靈木像腹中奉納，三尺本影，長講僧良增開腹中，其像荷負，遁山頂了。具注



歌之一本無作  
歌也無神守

來一本作東且  
一本作亦

輩  
一本作不覺之

子細、奏聞公家、因茲興福寺別當法印大僧都公範、暫被停任、又張本輩等、追捕禁獄、廿六日癸丑、關白左大臣、差家司職事等彼岑云云、廿八日乙卯、可移居御影像於本座之狀、仰遣已了、四月十五日、三井寺大衆、數百兵、打停比叡神社祭使御供並奉雜人等、移祭新宮、訪其事、發、是去正月彼社踏歌之口、大津下人供奉之間、聊有小事、稍被凌辱、雖訴山家、全無裁許、仍大津下人等觸愁於三井寺大衆云、自今以後、永停彼御社之所役、偏欲勤仕此新宮之所課者、爲休此訴、押留彼祭云云、是以山上大衆、殊致忿怨、亂逆騷動、十六日、賀茂祭、自昨雨脚滂沱、午刻天氣頗晴、齋王御輿、黎明至河上、已及秉燭、河水沈溢、終夜踟躕、遲明着神館、廿八日辰刻、叡山大衆引率數千軍兵、來向於三井寺、爰三井寺大衆、且率數千隨兵、各張其陣、防征欲戰、漸及晚景、山上大衆引楯逃去、其後六月五日庚申、殊有宣旨、恒例神事、不可闕怠、官使相具比叡祭使等、如例重被催之處、三井寺大衆中、不得心者、年少下臈不學之輩、背宣旨、追却官使、打止祭使等了、因茲有違勅罪、大衆長發等、各注其名、共蒙追捕宣旨已了、爰武藝之徒、多皆遁隱山野、勢德之人、悉以怖悚朝威、尊卑不知、合戰無力之間、九日甲子、叡山僧徒數千人、或着甲冑、引率戰士、行向三井寺、燒亡寺塔僧房等、佛像經卷、悉爲灰燼、免餘炎之堂舍等、七分之一也、開關以來、世未有如此之災禍矣、十八日癸酉、勅遣右大史江重俊並史生等、勘錄寺塔房舍燒失、其記云、御願十五所、堂院七十九處、塔三基、鐘樓六所、經藏十五所、神社四所、僧房六百廿一所、舍宅一千四百九十三字也、已上官使實錄記也廣考天竺震旦本朝佛法興廢、未有如此破滅、今記此災、落淚添點、智證大師門人、頻注子細、雖上奏狀、全無官裁、時人云、非但佛法之陵遲、兼又

王法之澆薄矣、智證大師入滅以後、歷百九十一年、有此災乎、佛法渡本朝後、至于今年、歷五百卅九年矣、八月六日、差遣官使、奉幣於日吉社、被告天台兩門徒鬪諍之狀、先是山僧等爲防護、社頭近邊塞路掘地、于時奉幣使、臨夜不知、案內竊以行向、爰警固僧等、誤欲寺兵來向、妄以征襲、射矢如雨、奉勅侍臣、僅得免害、恐劇歸參、時人咲之、廿一日乙亥、皇太子實仁元服年十一、九月十三日丙申、三井寺大衆中不羈倫等三百人許、密密相招、夜半登山、亂逆不報一事、被殘滅畢、十四日丁酉、公家被下宣旨、遣檢非違使並前下野守源義家等、三井寺殘房、令追捕登山僧等、翌日件使等到彼寺、十五日戊戌未時、山僧引率數百兵衆、行向三井寺、重燒殘堂舍僧房等畢云、堂院二十處、經藏五所、神社九處、僧房一百八十二處、但舍宅不注載之、不知其數幾千而已、門人上下、各皆逃隱山林、或舍悲入黃泉、或懷愁仰蒼天、今年入末法、歷三十年矣、十月廿日癸酉、公家供養宇佐宮彌勒寺堂塔、曼荼羅供讚衆二十人、少僧都禎範爲導師、廿七日庚辰、法勝寺九重塔居、礎堅心柱、永保二年壬戌正月廿五日丁未、中宮賢子行啓賀茂社、殿上侍臣勤仕舞人、公卿扈從啓陣如常、五月廿日庚子、奉幣石清水宮、被告神功皇后山陵樹木燒失之由也、七月十六日乙未、自今日於神泉苑、令阿闍梨範俊修請雨經法、去四月以還、雨澤難降、苗稼有枯旱之愁、仍被始修也、一七今日、全無其驗、雖延修一今日、亦以無驗、天之令然、人力不及歟、五畿七道田畠、天下飢饉、古今無雙、俗曰是由、去年三井寺佛像經卷燒失之災也、廿九日戊申午刻、內裡曉亡、起內膳大炊屋、延及神嘉殿、天皇駕腰輿、遷幸太政官朝所、戊刻、車駕移御六條皇居、十月二

曉一本作燒



日、右大臣藤原朝臣俊家薨、年六十四也。十七日甲子、熊野山犯來大衆三百餘人、荷負新宮那智御躰御輿、來集栗田山、暫安御輿於其山口、大衆參入公門、訴尾張國館人、殺大衆等之狀也。十一月十四日辛卯、內大臣藤原朝臣能長薨、年六十一也。廿七日甲辰、供養仁和寺內御願新堂、以性信法親王爲導師。十二月八日甲寅、大納言俊房任右大臣、年四十八、前太政大臣師房朝臣一男也、母入道大相國道長女也。

永保三年癸亥正月十九日乙未、右大臣源朝臣俊房任左大臣、大納言兼右近衛大將源朝臣顯房任右大臣、年四十七、前太政大臣師房卿二男、母左大臣同胞也、大納言兼左近衛大將藤原朝臣師道任內大臣、年二十二、關白從一位師實朝臣嫡子也、母故太政大臣源師房卿女也。三月廿八日、有富士山燒燃恠焉。十月一日癸酉、供養法勝寺之九重塔、并藥師堂八角堂、請僧百六十口、有行幸賞寺司、導師延曆寺座主法印良真、即任權僧正、依爲寺權別當也。

永保四（應德元）年甲子二月七日丙子、改爲應德元年、如來滅後經二千三十二年（已上准智證大師之記文所筆記也）。四月十一日庚辰、建三井寺金堂。九月十二日己酉、太皇太后（寬子）并關白前左大臣（師實）同家室源氏（麗子）、及右大臣（顯房）內大臣（師通）公卿等相從、參詣天王寺并住吉神社。十五日壬子、中宮俄有御惱、邪氣所爲云云、仍右大臣等飛蹄參洛。廿二日己未卯時、中宮源賢子三條內裡崩、于時年二十八歲、主上悲泣、數日不召御膳。廿四日辛酉、主上悶絕、天下騷動、歷數刻後復御尋常。每月廿二日、丈六彌陀佛各一體造立、每度修曼荼羅供、爲中宮職御菩提也、周忌之間、天下之政、皆以廢務、帝依含悲、久絕世上風波、誠是希代事焉。

名勝志引作皇太弟

立一本作豎

且下一本有矣

禮下一本有矣  
字  
十三一本作十

應德二年乙丑三月十五日戊申、申時雪降、尙如季冬。十六日己酉霜降。四月廿三日申時薄蝕、日色如血、无光入山。八月十五日丙子亥時、月蝕皆既、月色似紅、无光天暗。廿九日庚寅、供養法勝寺之常行堂、曼荼羅供之導師仁和寺師明入道親王、同日供養醍醐山內故中宮（賢子）職御堂。十一月八日戊戌辰時、皇太子實仁親王薨、年十五歲、是由疱瘡患也、人皆哀歎矣。廿八日戊午、葬於鳥戶野、緇素落淚、依件皇太子薨事、新嘗會等被止已了。十二月一日、法成寺豎義者法相宗興福寺僧覺信、關白師實息也、同三日、立者天台宗三井寺僧證觀、左大臣源俊房男也、問者阿闍梨慶增表白曰、（佐國）御願嚴重、超過法相、則周公旦胤子天台亦章、丞相之賢郎共爲佛法之罌、同遂專寺之業、此會事草創之後、未聞槐門蓮府之子姪相並昇師子床之例、非只爲鳳雛、殆不異鶖子、誠是佛日再中、法水傍流之秋也、幸接南北之群英、愁抽問答之一端、抑問者倦止觀之學五十年、才幹彌疎、口仄衰之齡七旬強、沈滯方深、今對聚螢之高才、獨耻老馬之少賀、當傍輩之勤一問者兼浴三會之仁、何臨桑榆之暮、猶渴龍華之曉、奉敎命而難逃、扶老骨而預參、已上。十二月廿二日、供養三井寺常行堂、左大臣源（俊房）朝臣、引率卿相侍臣等入禮。應德三年丙寅正月十三日戊申申刻、日色赤如朱、全以无光氣矣。六月十六日壬寅、供養叡山東坂下梶井御願寺、公卿侍臣等供奉絲竹管絃、奉安丈六九體金色阿彌陀佛像、故中宮職一周忌間、每月一體開眼供養、丈六佛像也、寺司勸賞、并被寄阿闍梨三人焉、別當法性寺座主法印大僧都仁覺補權僧正、前太政大臣源朝臣師房三男、母與左右（俊房）大臣同胞也、同月河內國智識寺顛倒、捨像大佛碎如微塵云云、長六丈觀音立像也。七月口日、勅遣檢非違使西京



處一本作所

內田三百餘町、皆悉刈弃爲牛馬飼、九月廿五日庚辰、關白從一位藤原朝臣師實、參詣日吉社、夜宿、明日引率公卿侍臣於社頭競馬、十月十日甲午、供養三井寺金堂、十三日丁酉、關白藤原朝臣攀登叡岳、修舍利會、廿日甲辰、公家供養東寺之五重塔矣、右大臣源朝臣顯房、殊慕勸賞所營作也、先是八月口日建柱、二箇月間、不日終功、幾競阿育王勢者矣、公家近來九條以南鳥羽山莊、新建後院、凡卜百餘町焉、近習卿相待臣地下雜人等、各賜家地、營造舍屋、宛如都遷、讚岐守高階泰仲依作御處、已蒙重任宣旨、備前守藤原季綱、同以重任、獻山莊賞也、五畿七道六十餘州、皆共課役、堀池築山、自去七月至于今月、其功未了、洛陽營營、无過於此矣、池廣南北八町、東西六町、水深八尺有餘、殆近九重之淵、或摸於蒼海、作島、或寫於逢山、疊巖、泛船飛帆、煙浪渺々、飄棹下碇、池水湛々、風流之美、不可勝計、十一月廿日、被補公卿大納言二人中納言一人參議一人并中少將侍從等、廿一日乙亥、有僧事、廿六日庚辰、天皇讓位於第二皇子善仁親王、號太上皇、春秋三十四、

一本作天皇

今上(堀河)皇帝七十四代 諱善仁 王子男女

六條天皇第二子、母右大臣源顯房女、中宮賢子也、應德三年丙寅十一月廿六日庚辰亥時踐祚、八當日辰時、親王從車駕、從關白從一位藤原朝臣(師實)大炊第、御堀川院、即關白祇候御車後、大納言以下公卿皆悉前驅、但內大臣藤原朝臣師通騎馬、仕於後陣、左右大臣依重服、不被供奉、亥時神璽寶劍受取、其儀式、自三條院西門、至堀川新內裡東門、掃部司敷筵道於大路、先帝藏人頭左近中將源雅俊右近權中將藤仲實二人、持神璽寶劍步行、關白從一位藤原朝臣師實內大

左近一本右近

臣藤原朝臣師通、并大納言以下公卿近衛司等、皆悉供奉、即夜有太子授位宣命、關白改爲萬機攝政詔、十二月十九日辛卯、天皇年始八歲、即位於大極殿、儀式如常、

應德四(寬治元)年丁卯四月九日庚寅、改爲寬治元年、五月十九日庚午、太上天皇(白河)、攝政從一位藤原朝臣(師實)內大臣藤原朝臣(師通)、并納言參議侍臣等供奉、渡御宇治平等院、觀覽風流水石之地、廿一日壬申、上皇自宇治院還御洛陽、十月廿二日庚子、大嘗會御禊、行幸東河矣、十一月十九日丁卯、大嘗會、近江備中供奉其事、十二月廿四日壬寅、主上始讀御書、廿八日丙午申尅、雷大發、聲數十个度、電光赫奕、勝於夏日、

角一本作箭

寬治二年戊辰正月十日戊午、左大臣源朝臣俊房、率卿相待臣等、參入三井寺常行堂、爲修故高倉從一位源氏(隆姬)之七々法事也、前中書王具平親王女、宇治入道大相府(賴通)家室也、去年十一月廿二日逝去、年九十三矣、二月廿二日己亥、太上天皇爲拜高野弘法大師廟堂、出於東洛、赴御南京、攝政公卿以下參會、已刻攝政參院、先獻銀水角、角中以金銀作橘納香藥、龍蹄一疋置鞍進之、前驅之輩左大臣(俊房)右大臣(顯房)內大臣(師通)大納言四人中納言四人參議五人、並侍臣等皆隨行路、公卿大夫並鑣、在御車前、攝政乘半部車、祇候、權僧正仁覺法印權大僧都隆明權少僧都寬意等、且爲扶廟堂之法會、且爲致羈旅之護持、各經閑道、共辭中花、此間縱觀之者、宛如堵牆、至深草邊、右衛門尉平季光馬蹄俄仆、鳥囀又落、午刻御宇治平等院、拂本堂北廂爲御所、攝政豫差仙厨御筆三本有銀伏龍、藤繪等銀器供之設公卿以下饌、于時山水幽深、草樹迎春、玄覽未飽、殆忘前筵、爰攝政獻蒔繪野劍一腰、內大臣取之、上皇以半漢一疋賜攝政、即退下有拜謝、次

差一本作羞



權大納言源朝臣師忠、取紅染掛衣、賜于攝政、攝政左大臣內大臣按察使藤原朝臣(實季)右衛門督源朝臣(俊明)左近中將藤原朝臣左大弁大江朝臣(匡房)侍從藤原朝臣(能實)等以下、自餘侍臣、依命自此處歸去、酉刻至泉河邊、近曾雨澤頻降、水勢漫々、先是檢非違使等、編小船四艘、昇居御車、公卿等候此船、又設船少々、宛雜人等、入々乘馬、僕從已在北岸、欲渡之者萬餘人、所儲之舟五六艘、是九牛之一毛、于時日暮風寒、已无行燭、上皇單少催駕、廳所設之續松等、不參、向此處、國司路頭所立之柱松、備前駢之炬火、以達前途、右近中將藤原朝臣基忠右大弁藤原朝臣通俊隆景朝臣三人僕從乘馬、終不得渡、仍不能扈從、及亥刻參御宿所、是東大寺別當法印慶信東南院之房也、上下供給、別當慶信儲之、先勸公卿侍臣、御厨子所雜具、在泉河邊、不參向、仍慶信辨備御饌、及曉更、御衣櫃等參來、傳聞雜人等、多在河北、不參着、檢非違使左衛門府生大部保成、催度人雜物等之間、不慮沒河中、纔雖存身命、殆招嘲哂、廿三日庚子、參入東大寺大佛殿、奉供御明、次御山階寺、諷誦之儀如東大寺、午刻出御於葛上郡火打崎、作三間四面檜皮葺屋一字、懸翠簾、立几帳等、為御所、廿四日辛丑卯刻出御、扈從之輩不參會、追以馳參、昨日之長途、人馬多費之所致也、未刻至紀伊御河邊、是高野政所也、當國司藤原朝臣仲實儲御船、編船二艘、其上立一間橫屋形、上張唐錦、三面曳同班幔、其中敷縷緇端疊一枚、供茵為御座、舳方立三間長屋形、張縷緇、其中敷高麗端疊、公卿等候之、有板屋形船、殿上人乘之、政所中門不得入車、仍昇車入御、以本堂北廂為御所、國司懸翠簾、儲敷設、立以銀泥繪屏風、張以紅錦承塵、結構之美、可謂過差、廿五日壬寅、上皇徒步就路、上下隨之、侍臣以

大一本作文  
指度作渡於作

滋一本作濕

人々一本作又

供炬火矣、天顏漸曙、悉辨物色、自是之後、地形頗平、御步率爾、殆難追從、衆人異之、非只十善之宿因、多是三寶之冥助也、每休息所、供黑漆床子錦茵等、陪從公卿、以小圓座皮切等各敷之、為避濕氣也、申刻、御等木板、立二間一面屋一字、檜皮葺南面懸翠簾、為御所、其東西方立五間板葺屋各一字、為公卿侍臣等座、廿六日癸卯辰刻、御厨子所供御膳、即就路、戌刻御中院、先立二間四面檜皮葺屋一字、西面懸翠簾、南面懸伊豫簾、今夜賜諸僧法服卅具、布衣袴練袈裟生裳、同合袴錦衣帶扇等也、依為明日之請僧賜之、此外別所聖人等、并漏請僧之輩、給小袖綿衣卅領、廿七日甲辰早且、指廟堂參御、僧俗相共令供奉、御裝束禮殿北庇中央、立屏風三帖、敷縷緇端帖二枚、為御座、同屋東邊地上敷高麗端疊等、為公卿座、法印權大僧都隆明為導師、手作布三百端綿三百屯、分賜寺家了、人々有本院諷誦、同布三百端、導師表白說經顯密相交、其啓白云、昔釋尊為悉達太子之時、辭皇城而歸道、今太上皇拋寶位、而攀路靈峴、往昔未聞、將來又可難者、此言未訖、導師自涕泣、貴賤又莫不拭淚矣、无勞詞句、道理至極也、講了各賜布施、講師白大樹一領、絹五十疋、供米卅石、咒願三禮等各絹卅疋、米十五石、凡僧絹十疋、米十石、又米二百石付寺家給之、權大納言源朝臣師忠、奉勅命仰御願之趣、其仰云、置三口阿闍梨、令繼傳法灌頂、造立大塔、可復舊基、理趣三昧、導師啓白已了、衆僧感悅、各稱我願既滿之由、尋件塔根元者、弘仁七年、大師表請嵯峨天皇始造大塔、為御願了、然而大厦之構、輪奐半闕、寬平法皇歎其製作之不了、令知識上下、其後層軒飛梁、不日成之、逮于邑上御宇、重加莊麗、兼置新稻、彼三代之聖主、為上皇之始祖、今興此願、時之至也、長者權少僧都定賢、付



御所邊進大師手跡二卷、髮萌黃浮線綾、付瑠璃松枝、權大納言源朝臣雅實傳進之、廿八日乙巳辰刻、權少僧都寬意、依仰開御影堂戶、室中非夜而暗、秉燭禮大師之真影、又御覽在世之什物等、物體雖疎、製造惟嚴、長者權少僧都定賢以下、徘徊堂東庭、次賜祿有差、已刻臨發鳥居下、於此處御肩輿、公卿騎馬前驅侍臣、步行隨御輿、申刻御政所、廿九日、丙午巳刻出御、以御馬一疋給定賢、申刻着御火打崎、卅日丁未、不待前驅之參會、早日進發、未刻御東南院房、三月一日戊申辰刻出御、別當法印慶信賜花驪一疋、貴賤改衣、相挑美色、或每日改之、文繡為衣、錦綺為裡、天下花美無物于喻、午刻御宇治、先是攝政、於大僧正泉房儲饗饌、奉待上皇、依有御燈事、不御寺中也、未刻到九條大路、著御本院、參議右大辨藤原朝臣通俊、奉勅命粗實錄矣、九日丙辰行幸石清水、四月廿一日丁酉、太上天皇御覽賀茂祭、廿七日癸卯、御幸賀茂社、十一月廿八日庚子、太上天皇參詣中堂、大臣以下公卿侍臣皆以供奉、十二月一日癸卯、上皇還御洛陽、即日前太宰大貳藤原實政、左遷伊豆國、依宇佐宮愁也、其息左少弁敦宗、被解弁官、并停攝津國國司之任矣、前筑前守時綱、配流安房國、依同事也、十六日戊午、太政大臣藤原朝臣信長、辭退其職、叙從一位、同日攝政從一位藤原朝臣師實、補太政大臣、寬治三年己巳五月五日丙子、天皇有御元服、時歲十一矣、三月十一日壬午、行幸春日神社、別當大僧都賴尊叙法印、權別當少僧都最深補大僧都、十月十三日己酉、攝政大相國師實參詣長谷寺、供養丈六四天王木像、十一月廿八日甲午、內大臣藤原朝臣師通、參詣近江國犬上西郡彥根山西寺、觀音靈驗、天下無雙之地也、內府頃年、耳根頗不聰利、然被參件寺以後、其恙忽

政下一本有詔字

尊下一本有光字

痊、仍為賽宿禰、十二月十日丙午、重詣同寺、三個月間參籠、十五日辛亥、攝政從一位藤原朝臣并左大臣源朝臣俊房同車、參詣於彥根寺、廿二日戊午、太上天皇引率王公卿相等、參入同寺、凡洛下貴賤、海內縉素、男女老少皆以參拜、凌寒風而飛於輕車、侵甚雪而策於疋馬、或觀音入夢、延天齡於遐年、或菩薩出驗、得人望於斯須、寬治四年庚午正月廿二日戊子、太上天皇參詣熊野、四月十九日甲寅、行幸鳥羽院、勅召諸儒文人等、有詩試、補文章生、有舟樂、天皇并太上天皇、乘船御覽池水矣、廿日乙卯御覽競馬、廿一日丙辰還宮、五月廿九日壬戌、三井寺羅惹院、今上御願寺、阿闍梨五人被寄、是法印權大僧都隆明之所申置也、十二月廿六日、從一位藤原朝臣師實、辭攝政為關白、時年四十九、寬治五年辛未正月十二日大風、大極殿西廊二十三間顛倒、廿二日壬午、前齋宮媞子郁芳內親王冊為中宮、是依天皇養母也、即日被行大饗、太上天皇之女也、母故中宮源賢子也、二月十七日丙午、上皇重參御高野廟堂、三月八日丁卯、行幸日吉神社、社司有賞、被補僧綱三人了、即夜清水寺燒火、千手觀音僅奉扶出、塔一基適免餘炎、五月三日甲子、大僧正覺圓辭退其職、勅曰、不論夏臈高下、猶可居大僧正之上首者、致仕以後希代之例也、八月七日癸亥申刻、有大地震、法成寺五大堂軍茶利丈被震倒、九重塔流星被震傾、金堂中尊寶幢瓔珞切落、講堂中尊藥師堂七佛光圓堂寶形常行堂壁、并裳層等、皆以震損、又大和國金峰山金剛藏王寶殿、皆為地震破損、古今未聞云云、寬治六年壬申正月十九日壬寅、供養興福寺內北圓堂、關白從一位師實、引率內大臣師通以下



公卿等參會請僧百口云云、寺司有賞矣、三月六日己丑申時、關白之三條第燒亡、凡近邊人家十餘町火災、同日山階寺大衆數百人引率、燒失山城國木津川東里二百餘烟、賀茂莊云云、先是件莊人、凌轉興福寺學生讚岐守高階泰息僧、仍事發矣、十五日戊戌子刻、月蝕皆既、引及丑時、漸以光滿、七月二日癸未、太上天皇參詣金峰山、十三日甲午、上皇參着御在所、奉御燈明、并供養法花經百部、金泥五部大乘經、同字御筆法華經等、囑請百口僧侶、施百條甲袈裟、導師權僧正隆明賞寺家司等、別當法眼快親之弟子僧、并好算共叙法橋、阿闍梨二人被寄置了、先是十日辛卯、上皇於下山寶塔、俄以御惱、上下緇素騷動無極、爰權僧正依召參入加持、御藥忽立平存、佛法効驗、誠以揭焉、廿一日壬寅、前大僧正覺圓、供養三井寺講堂、請僧百口、八月三日甲寅大風、諸國洪水高潮之間、民烟田島多以成海、百姓死亡不可稱計、伊勢太神宮寶殿一字並四面廊等、皆爲大風顛倒、廿八日巳卯未時、虹遠日輪、九月廿八日戊申、加賀守藤原爲房配流阿波國、并解却左少弁、又宮內少輔高階仲實配于安藝國、是共依叡山大衆愁也、十一月十日己丑戌刻地大震動、群犬駭吠、

寬治七年癸酉正月三日辛巳、行幸六條院、十九日丁酉、中宮媞子蒙院宣旨、封戶如舊、賜年分受領、二月十四日辛酉未刻地大震動、屋內道俗皆怖下庭、廿二日己巳、女御篤子內親王立爲中宮、後三條天皇之女也、母鳥羽太上皇(白河)同胞也、關白從一位之養子、仍於賀陽院、三今日間大饗、三月廿日丁酉、太上天皇參詣春日神社、關白并左大臣(俊房)右大臣(顯房)內大臣(師通)納言參議文武百寮、皆以供奉、其間過差不可勝計、法眼覺信任權大僧都、關白尊閣之息

三人一本作三十人

也、沙門真覺任法眼、故大相府源師房卿之子也、共是御幸之賞也、同日、大和國高市郡倉橋鄉多武峰妙樂寺沙門經暹、於安養坊入滅、兼日少惱、似告往生、臨終之日、西向起居、專修念佛、稍數百遍、手結定印、氣絕終焉、時年八十二、播磨國人也、少年出家住三井寺、既爲心譽僧正門人、僧正遷化之後、又就經救僧都學法相宗、其後處々練行、未及二毛之齒、栖多武峰五十餘年、持戒精進、閑送餘算、廣習真言奧旨、傳授密宗、學徒一山渴仰、四隣來歸、凡厥行業偏期、菩提入弟子僧團慶慈應二人之夢、往生極樂矣、六月廿七日癸酉、上皇於法勝寺、供養丈六觀音像、曼荼羅供導師權僧正隆明、讚衆廿人、同日抽出、赦免左右獄徒各三人、又流人前加賀守藤原爲房有勅、召返赦免、八月六日辛亥、山上大衆數千人引率、切破座主大僧正良真之房、已了、十八日癸亥、終日大雨洪水、古今無雙、件日座主良真、催上數百兵士、先上東塔、斫倒九房、十九日甲子未明、件兵士等亂入西塔、欲伐諸房、于時西塔橫川之大衆等防戰追返、座主之方兵軍等、悉皆被瘡逃散既了、爰山上大衆、押入東塔之西谷南澗、斫壞座主弟子之房舍六十餘宇、並燒坂下眷屬之舍八十餘宇、已了、廿二日丁卯、山階寺大衆、獻上奏狀、其詞云、興福寺僧綱大法師等誠惶誠恐謹言、請被殊蒙處分、任傍例行罪科、近江守爲家朝臣、損亡春日御社市御、打凌神人兼禁獄狀、右謹檢舊記、當社靈異揭焉之處、鎮護國家之砌也、我大日本國者、依天照大神勅天兒屋根命之扶持力也、是以上衛王室、下撫民家、朝廷佯頭、黔黎束手、日本九州之域、盡皆賴其扶持、海內萬民之輩、莫不仰其威重、就中大織冠建立釋迦像、淡海公草創興福寺者、爲盛王室全社稷也、自爾以降、代々帝王皇后、皆出此氏、春日明神守護興福寺、興福寺扶持春



異怪一本作靈

日明神云云社處一代同社愁即寺愁也爰近江國蒲生郡市御莊者爲當社之領致節供之勤而守爲家朝臣僞雇官使副放私使損亡莊家禁獄神人思其罪愆可處重科近則太宰大貳實政卿依宇佐宮訴貶謫東涯最外之國賀州刺史爲房朝臣依比叡社愁遷配南海幽僻之地彼雖朝廷之重臣不免明時之憲章然則神威既同罪科何異矣况乎社頭頻鳴山谷屢響神異萬數異性千變加之二面僧房閉鑽仰之窓東西佛堂輟禮誦之聲悲哉四百餘歲傳燈佛法當於此時將以淪廢焉望請鴻恩因准傍例高階爲家處遠流罪子孫家族被停其官者將仰神威之不輕彌知憲章之有由矣誠惶誠恐謹言連署律宗十一人學衆得業等三會已講僧綱等廿六日辛未興福寺大衆數千人引率七大寺諸僧參上洛陽依春日神民之愁也廿七日壬申勅近江守高階爲家解却見任配土佐國並息男同爲遠停阿波守任是由山科寺之大衆訴也後日爲遠復任阿波守九月四日戊寅皇后宮馨子崩年六十二後一條天皇二女後三條院后也十二日丙戌僧正仁覺補天台座主依大僧正良真辭退也廿日甲午金峰山金剛藏王御殿燒亡但御體不燒云云十月三日丁未上皇并新院參詣日吉社關白并大臣以下皆共供奉十一月廿日甲午權大納言源雅實補右近大將依親父右大臣顯房朝臣讓也母故中納言源隆俊女帝王親舅也十二月廿七日庚午左大臣源朝臣俊房補左近大將年五十九內大臣藤原朝臣師通辭退大將之替也

寬治八嘉保元年甲戌正月三日乙亥行幸上皇御在所六條院五日丁丑終日大雪深及一尺家如北山數日不銷十六日戊子陽明門女院禰子崩年八十五三條天皇御女後朱雀院后

後三條天皇之母儀矣赤疱瘡所害也三月一日壬申申時日蝕如三日月矣二日癸酉關白尊閣重被參詣淨妙寺

右以井上賴國氏所見狩谷掖齋自筆校訂本及高野山舊藏逸本再訂以附之手民  
明治三十三年十一月  
近藤瓶城識



校本扶桑略記第三十大尾

一代要記卷第一 前件逸

- 五 忍之別皇子  
母同
  - 六 稚倭根子皇子  
母同
  - 七 大酢別皇子  
母同
  - 八 五十狹城皇子  
母同
  - 九 吉備兄彥皇子  
母同
  - 十 神櫛皇子  
母五十竹媛
  - 十一 稻背入彥皇子
  - 十二 武國凝別皇子
  - 十三 日向襲津彥皇子  
母日向緩長大日媛
  - 十四 國乳別皇子  
母襲媛
- 吉備郎姬成務妃



十五 國背別皇子

同上

十六 豐戶別皇子

母同上

十七 豐國別皇子

母妃御刀媛

十八 淳熨大斗皇子

母同稚足彥

十九 淳名城皇子

母同上

皇女

廿 五百城入姬

母同上

廿一 麿依姬

母同上

廿二 高城入姬

母同上

弟姬

母同上

後宮

皇后播磨稻目大郎姬 一云稻目稚郎姬 二年三月為皇后 五十二年五月薨

皇后八坂媛命 八城入彥千皇女 五十二年立之

妃

瑞齒郎媛 三尾氏磐城別妹也

五十河姬

高田媛 倍濱倍倍氏日本紀作阿倍氏木事女也

日向髮長大田根

襲武媛

御刀媛

第十三 成務天皇 後漢明帝永平十四年辛未

稚足彥 母皇后八坂入姬八坂入彥皇子女也景行十年癸未誕生同十一年辛酉八月壬子日為太子卅九辛未歲正月五日戊子即位四十九治六十年庚午六月十一日崩百八葬大和國添下郡狹城楯列池後陵 都高穴穗宮近江國志我郡 元年辛未

開十一年 景行 蓋一 脫年 十上 蓋一 景行 五字 景行 紀五 景行 年 辛帝 為一 御 五十一 御



四年甲戌始定國造郡  
五年乙亥定里縣邑  
六十年庚午

後宮

皇后八坂入姬命母后二年十一月為皇太后

妃吉備郎姬稚倭根子皇女

齋王自此九代中絕

大臣

武內宿彌天皇三年癸酉正月己卯為大臣大臣號於此始之孝元曾孫武雄心命之子母山下陸女紀伊國名草郡字治鄉人也

皇子皇女無之

第十四  
仲哀天皇容姿端正 長一丈 後漢獻帝初平三年壬申

足仲彥 母皇太后兩道入姬命活目天皇女

己丑歲誕生四十八年戊子三月為皇太子壬申歲正月十一日庚子即位四十四

治九年庚辰正月崩于筑紫櫓日宮五十二武內大臣取御骨葬河內國志紀郡東我長師西

陵

都穴戶豐浦宮長門國

元年壬申

二年癸酉幸角鹿居筒飯行宮巡狩南國幸穴門皇居於豐浦津得如意寶珠於海中

八年己卯正月幸筑紫櫓日宮九月神託皇而訓曰有財寶國金銀顏色多在其國是謂新羅若登者曾不直反其國必自降歸矣

九年庚辰神功皇后討新羅遂入其國封重寶舟府歟庫收圖籍文書于時新羅國王以金銀彩色綾羅繡緝載八十艘貢日本國

〔仁德殘編〕

後宮

皇太后仲姬命元年尊為皇太后

皇后磐之媛葛木襲津彥女二年三月戊寅立之

皇后八田皇女二(三日本紀)十八年三月戊寅立之

大臣

武內宿禰當代五十年壬戌薨年二百九十已經六代但薨年不詳一云天皇五十五年己卯薨年二百八十二在位二百四十四年年紀不審

執政

平群木兔宿禰武內之息也武內薨後為執政之臣一云此時不見之

第十八  
履中天皇後魏道武帝天興三年庚子



去來穗別母皇后磐之媛命葛城襲津彥女

仁德二十七年己亥誕生同三十一年癸卯為皇太子五庚子歲二月二日壬午即位六十

二治六年乙巳二月十五日崩六十七同年十月四日葬和泉國大鳥郡百舌南郡

都磐余若櫻宮大和國十市郡

元年庚子

五年甲辰九月皇后黑媛頓薨

此御時羅什三藏法華經譯

皇太子

瑞齒別天皇同母弟二年立之

後宮

皇后黑媛天皇元年二月立之同五年九月薨葦田宿禰女

皇后幡梭皇女六年正月立之仁德女

嬪大姬郎姬御魚磯別王女也

高鶴郎姬大姬弟也

執政

平群木兔宿禰

宗我滿知宿禰

物部伊久弗

大連

葛城朝臣圓使主武內曾孫葛城襲津彥孫玉田宿禰子也

己上二年十一月記云時執政四人初任年及薨日未詳

皇子

磐坂市邊押羽皇子為雄略天皇被殺眉輪王母皇后黑媛之時

御馬皇子母同

青海皇子同母

皇女

中磯皇女母幡媛皇女

中蒂姬皇女母大草香皇子女

第十九  
反正天皇後魏道武帝天賜三年丙午

瑞齒別履中同母弟

壬午歲誕生履中二年辛丑為皇太子年五十丙午歲正月二日戊口即位五十五治六年

辛未正月崩六十葬和泉國大鳥郡百舌耳原北陵

都柴離合河內國丹比郡



此天皇生時齒如一骨本兄下有井世謂瑞井則此水浴太子故云瑞齒皇子身長九尺二寸  
五(二)分齒長一寸如貫珠容貌美麗  
此時風雨順時五穀豐饒

元年丙午

二年丁未十月遷都

後宮二人

皇后津野媛天皇元年八月立之大宅臣祖木事女也

妃弟媛津野媛弟也

執政

舊城圓使主

皇子

高郡皇子母弟媛

圓皇子母同

皇女

香大娘皇女母皇后津賜女

財皇女母同高郡

右晉通本缺之今以井上賴國翁所藏本補之明治三十三年十一月

近藤瓶城

一代要記

甲集

允恭

安康

雄略

清寧

顯宗

仁賢

武烈

繼體

安閑

宣化

欽明

敏達

用明

崇峻

推古

舒明

皇極

孝德

齊明

天智

天武

持統

文武

元明

元正

聖武

孝謙

廢帝

稱德

乙集

光仁

桓武

平城

嵯峨

淳和

仁明

文德

清和

丙集

陽成

光孝

宇多

醍醐

朱雀

村上

冷泉

圓融

丁集



花山	一條	三條	後一條
後朱雀	後冷泉	後三條	
戊集			
白河	堀河	鳥羽	崇德
近衛			
己集			
後白河	二條	六條	高倉
安德 <small>舊本本紀首養和元年 以上悉闕今更補入</small>			
庚集			
後鳥羽	土御門	順德	
辛集			
後堀河	四條	後嵯峨	後深草
壬集			
龜山	後宇多		
癸集			
伏見	後伏見	後二條	花園

第二十允恭天皇後魏元帝永興四年壬子

雄朝津間稚子宿禰、反正同母弟、仁德第四子也、甲戌歲誕生、先帝崩後、群臣議曰、此皇子當其任、云云、固辭不即位、已經年、百寮大愁、而元年壬子妃勸之、司等大歡、獻神璽等於天皇、仍十二月、遂以即位、年三十九、治四十二年、癸巳正月十四日崩、年八十、葬河內國志紀郡惠我長野北原陵、都遠明日香宮、大和國高市郡

元年壬子

二年癸丑、初置刑部官、

三年甲寅八月、新羅名醫迎得、

二十四年乙亥夏六月、御膳羹凝、寒為氷、御器破分、

太子

木梨輕皇子母皇后忍坂大中姬天皇二十三年  
甲戌三月立之、姪亂甚盛、人謗之

後宮

皇后大仲媛天皇二年二月  
己酉日立之

執政

葛城圓大臣大臣任年不詳  
公卿補任不見

大連

大伴守屋大臣武持大連子七年天皇詔大伴守屋大連定藤原部但初任年未詳也又  
圓大臣穴穗天皇三年所誅然此時猶執政但既有大連仍交不任執政

衣通姬應神孫牟總  
別皇子女



皇子

境黑彥母同上爲雄  
畧天皇被殺

皇女

名形大娘女

但馬橘母同上

第二十一 安康天皇後魏文成帝興  
安二年甲午

穴穗允恭第二皇子、母皇后忍坂大中姬、稚淳毛二派皇子女、辛丑歲誕生、兄太子木梨輕、依爲惡人、侍臣不隨之、遂殺彼、癸巳歲十二月十四日壬午、即位、年五十三、治三年、丙申八月九日、爲眉輪王見弒、年五十六、葬大和國添下郡菅原伏見陵、都石上穴穗大和國  
山邊郡元年甲午二月、殺大草香皇子、其妻中蒂姬爲妃之故、彼皇子之子眉輪王七歲、八月弒此帝、御子同殺之、云云、

後宮

皇太后忍坂大中姬元年尊爲  
皇太后

妃橘姬仁德天  
皇女

大臣

葛城圓天皇三年丙申八月眉輪王弒帝逃入此大臣  
家仍大泊瀨天皇率兵討眉輪王并此大臣

大連

八鈞勾(白)彥母

輕大娘母同上

酒見母同上

皇后中蒂姬皇女履中女大草香皇子妻  
二年正月己酉立之

大伴守屋連

第二十二 雄略天皇後魏文成帝大  
安三年丁酉

大泊瀨稚武、安康同母弟、允恭第五一作四子也、仁德七十九(五)年丁亥誕生、丙申歲十一月十三日、鎮亂世即位、年七十、治二十二年、己未八月崩、年九十三、葬河內國丹比郡高鷲原陵、都泊瀨朝倉宮大和國  
城上郡

元年丁酉

六年壬寅、吳國貢獻

二十一年丁巳、百濟爲高麗所滅、

二十二年戊午、水江浦島子、到蓬來、丹後國余社郡人釣大  
龜化爲美女至仙宮

太子

白髮天皇第三子二  
十二年立之

後宮

皇太后忍坂大中姬

妃稚媛吉備上  
道臣女

齋宮

稚足媛元年三  
月祭之

大臣

元妃韓媛大臣葛  
城圓女

妃童女君娘君一  
作彥



平群真鳥臣 天皇元年十一月為大臣

大連

大伴守屋連 元

皇子

磐城 母稚媛

皇女

春日大娘 更名高橋皇女

第二十三清寧天皇 後魏孝文帝泰和四年庚申

白髮武廣國押稚日本根子、雄略第三子、母皇夫人葛(葛城歟)韓姬、葛城圓大臣女此帝生而白髮、故為名、

天皇二十二年戊午正月、為皇太子、年三十五、庚申歲正月四日壬子即位、三十七、治五年、甲子正

月崩、四十一、葬河內國古市郡坂門原陵、無御子、迎取履中孫二人為子、彼二人、安康時世亂、丹

後國余社郡隱居、後遷播磨國赤石郡、密其名號、丹後少子、仕郡司屯倉首、後說身上事、郡司驚

怖而奏帝、帝迎此二人、以兄為皇太子、都磐余饗栗宮、大和國十市郡此御宇竹生鳥權現出、

元年庚申、

二年辛酉二月、天皇愁其繼(絕歟)遣大伴守屋大連於諸國求皇種、十月至播磨國赤石郡、使小

奉迎皇孫等、  
楯三年壬戌、以億計為皇太子、以弘計為皇子、

物部目連 同元年為大連履中天皇朝執政伊久弗大連之子也

星川稚宮 母同

稚足姬 更名栲幡姬天皇第一皇女

太子

億計 天皇三年四月立之

後宮

皇夫人葛城韓媛 元年尊為皇太夫人

大臣

平群真鳥臣 元

大連

大伴守屋連 元

皇子

弘計

皇女

飯豐天皇

市邊押磐皇子女、先帝崩後、億計弘計兄弟、相讓不即位、仍甲子歲春二月、以其姊豐青姬、令

乘天下政矣、同年十一月崩、年四十五、葬大和國葛上郡垣日丘陵、

第二十四顯宗天皇 後魏孝文帝泰和九年乙丑

弘計去來穗別履中天皇孫、市邊押磐第三子、母美媛、蟻臣甲子歲十一月、飯豐王崩後、皇太子猶互讓之、

雖然依有先王詔、乙丑年正月一日己巳即位、治三年、丁卯四月崩、年四十八、葬大和國葛下郡



磐林(林)丘陵、父押磐皇子、穴穗天皇三年、爲大泊瀨天皇見殺了、仍兄弟二人逃去、云云、都近明日香八釣宮、大和國此時銅錢一文、鬻米一石、元年乙丑、三月上巳、有曲水宴、宴始此時、

太子

億計如元

大臣

平群真鳥臣元

大伴守屋臣元

第廿五代東宮仁賢天皇 後魏孝文帝泰和十二年戊辰

億計諱大脚 天皇諱始茲 顯宗同母兄、清寧三年壬戌四月爲皇太子、年三十四、戊辰正月五日乙酉即位、

年四十一、治十一年、戊寅八月崩、年五十一、葬河內國丹比郡垣生坂本陵、都石上廣高宮、大和國山邊郡

元年戊辰、

太子

小泊瀨 天皇元年正月立之武烈天皇是也

皇女

高橋大郎 母同皇太子

樟氷 母同

真稚 母同

手白香 母同繼體后欽明母

橘仲 母同宣化皇后多生皇子

第二十六 武烈天皇 闕

第二十七 繼體天皇 闕

第二十八 安閑天皇 闕

第二十九 宣化天皇 西魏文帝大統二年丙辰

武小廣國排立、繼體第三子、安閑同母弟、乙卯歲十二月即位、年六十九、治四年、己未二月十日崩、年七十三、葬大和國身挾桃花飛鳥坂上陵、都檜隈入野宮、大和國高市郡元年丙辰、

後宮

皇后橘仲皇女 仁賢女天皇元年三月己酉立

妃稚子媛 大河內女也

大臣

蘇我稻目宿禰 天皇元年二月爲大臣年三十一

大連

大伴金村元

物部庶人 元天皇元年七月薨在官三十年

皇子

上殖葉皇子 母皇后橘仲皇女

火焰皇子 母稚子媛

皇女

石姬皇女 母同上殖葉欽明皇后敏達母

小石姬皇女 母同上



倉稚綾皇女母同欽明妃

山下日影皇女母同

第三十欽明天皇西魏文帝大統六年庚申

天國排開廣庭、繼體第一子、母皇太后手白髮陵女、仁賢女也、己未歲二月即位三十一、治三十二年、辛卯崩、六十二、葬大和國檜隈坂合陵、都磯城島金刺宮、大和國山邊郡元年七月遷此時賀茂祭始、八幡大菩薩始化現、

元年庚申、

二年辛酉、高麗百濟新羅任那朝貢、

三年壬戌十月十三日、從百濟國阿彌陀三尊、浮浪來、到攝津難波津、佛像最初也、

五年新羅軍來、

十二年辛未春三月、麥種一千石賜百濟國、

十三年壬申冬十月十三日辛酉、百濟國聖明王、始獻金銅釋迦像一軀、彌勒石像并經論幡蓋等、又獻阿彌陀像一尺五寸、觀音勢至像一尺、善光寺像是也、又貢五經博士曆博士樂人等、

或記云、和泉國智母浦海中、響聲如雷、光色過日、奇見取上之、即楠木佛像也、今吉野光像是也、今年佛法始自漢土來、本朝、後漢明帝永平十年丁卯、佛法自天竺渡漢土、其後至于今年四百八十六年也、自佛入滅之後、一千五百一年、佛法始來我朝、今年大臣大連等奏曰、倭朝神國也、崇佛法者恐成神怒、即佛像流難波堀江、放火燒寺、於是天無雲降、雨、忽滅火、自天火降、燒內裏、

太子

淳名倉大珠敷十五年正月立之帝第一子即敏達天皇

後宮

皇太后手白香皇女天皇母儀

妃稚綾姬皇女石姬妹也

妃堅鹽媛大臣蘇我稻日子

妃糠子娘春日孤臣女也

齋宮

磐隈皇女帝第五女二年三月祭之後坐奸皇子茨城而解之

大臣

蘇我稻目宿禰元天皇二十一年三月薨六十五

大連

金村元年九月稱老歸住家二年薨

皇子

箭田珠勝大兄母皇后石姬皇女

倉皇子母日影皇女

梳子皇子母同

皇后石姬皇女天皇元年正月甲子日立之宣化女也

妃日影皇女石姬妹也

妃小姊姊君娘堅鹽媛妹也

物部尾與連元年三月為大連如初任年未詳

敏達天皇石上皇子母稚綾姬皇女

用明膳雌鳥皇子母同

石上部皇子母同



山背皇子母同

櫻井皇子母同

橘本稚皇子

崇峻茨城皇子 母小姊君姬

葛城皇子 母同

渥部穴穗部皇子 母同更名 天香子

橘麻呂皇子 母糠子姬

泊瀨部皇子 母小姊君姬

皇女

額田部皇女 母堅鹽媛

笠縫皇女 母皇后石姬 更名狹田毛

磐隈皇女 推古天皇母同橘 豐田更名夢皇女

大宅皇女 母同

大伴皇女 母同

有(肩)野皇女 母同

舍人皇女 母同

渥部穴穗部皇女 茨城皇女

春日山田皇女 母糠子姬

第三十一 敏達天皇 闕

第三十二 用明天皇 闕

第三十三 崇峻天皇 隋高祖開皇八年 戊申

泊瀨部、欽明第六子、母小姊君、蘇我稻目宿禰女也、戊申歲八月二日即位、六十七、治五年、壬子十月、爲大臣馬子宿禰有事崩、七十二、葬大和國城上郡梯岡上陵、都倉橋宮、大和國十市郡元年戊申二月一日、百濟貢佛舍利、或記云、今年天王寺移難波荒陵東、始付寺號、

二年己酉

三年庚戌

四年辛亥

五年壬子天皇爲馬子弒

後宮

妃小手子姬 大伴連糖手女

齋宮

酢香手姬 如故

大臣

馬子宿禰 元

皇子

蜂子 母小手姬

第三十四 女推古天皇 隋開皇十三年癸丑

錦代 母同

豐御食炊屋姬、欽明女、敏達后也、母堅鹽媛、壬子歲十二月八日即位、三十八、治三十六年、戊子三月崩、七十三、葬大和國高市郡越智山陵、都小墾田宮、大和國高市郡天皇十年十月遷之、或記云、此御時異國軍、從太宰府至播磨國燒明石浦、云云、元年癸丑正月、馬子宿禰依合戰、願於飛鳥地、建法興寺、元興寺也四月勅曰、朕女人也、天下政皆屬



太子百寮萬民聞而悅之、太子年二十二、天皇愛之、居南殿、稱上宮太子、今謂坂田寺此處也、五月高麗僧惠慈、百濟僧惠聰等來朝、爲三寶棟梁、令住法興寺、彼惠慈爲太子師、

二年甲寅、

三年乙卯、

四年丙辰、

五年丁巳四月、百濟國王使阿佐來朝、拜太子、

六年戊午四月、太子求善馬、甲斐國貢烏爲駒、四脚白、太子云此神馬也、令舍人調使麻呂飼之、八月新羅獻孔雀、

七年己未八月、百獻貢白雉一隻、是鳳類也、九月太子馭烏駒浮海東去、侍從仰觀、調使麻呂獨在御馬右、直入雲中、三日歸來、

八年庚申、

或記云、新羅合戰、

九年辛酉、造斑鳩宮、

十年壬戌、百濟國僧觀勒來、貢曆本及天文地理書并遁甲方術之書、陽朝胡史祖王玉陳習曆法、大友村主高聰學天文遁甲、山背臣日並學方術、

十一年癸亥十月、太子令諸法師講安宅經、十一月己亥朔、太子語諸大夫、尊佛像誰得之恭敬、時秦川勝進言、賜拜之受像造蜂岡寺、今廣隆寺是也、緣起云、佛像彌勒是也、十二月始冠位十二

階、又始制五行之位、大德今云四位小德五位大小仁六位大小禮七位大小信八位大小義九位大小智初位

十二年甲子四月、太子肇制憲法十七條、手書奏之、

十三年乙丑四月辛酉朝、天皇詔太子并大臣諸臣、共同發願始造金銅丈六釋迦腋侍菩薩、作佛之工、用銅二萬三千二百斤、黃金七百五十九兩、於是高麗王遙聞之隨喜、貢黃金三百二十兩、爲同心結緣、云云、今年當隋煬帝元年大業乙丑、

十四年丙寅七月、天皇詔太子曰、宜於朕前講勝鬘經、太子握麈尾、登獅子座、三日講經、其儀如僧講演了、夜蓮花雨、

十五年丁卯五月、太子奏曰、吾先身所持經、今在衡山、遣使將來、七月妹子遣大唐太子命妹子云、大隋赤縣之南、江南道中有衡州、中有衡山、是南岳也、山中有般若臺、

十六年戊辰四月、妹子歸朝、衡山經等將來、

或記云、四月遣唐使妹子并唐人來、八月唐客入人唐天子書、九月唐客罷歸、妹子亦爲大使送之、

十七年己巳四月八日、太子製勝鬘經疏、

十八年庚午、高麗僧曇微來、能彩色及紙墨、又造碾磑、

十九年辛未、

二十年壬申正月、太子始作維摩經疏、

二十一年癸酉、太子遊片岡、飢者臥路、哀而脫衣覆之、



二十二年甲戌正月八日、太子始作法華經疏四卷、或云、此年善導和尚生、云々、  
或記云、六月遣犬上君御田鍬於大唐、

八月、蘇我馬子臥病、太子奏為大臣、出家屈千僧、太子自授具足戒、

二十三年乙亥、御田鍬至自唐、

二十四年丙子五月三日、天皇不豫、太子誓願而建諸伽藍、如願聖體如本、七月新羅王貢金佛像、高二尺、置峰岡寺、

二十五年丁丑、

二十六年戊寅、

二十七年己卯、

二十八庚辰、錄天皇記及國國記諸氏本記、今年當唐高祖元年武德庚辰、

二十九年辛巳二月廿二日、太子薨于斑鳩宮、四十九、五十歟、

三十年壬午、造廣隆寺隆成寺、

三十一年癸未、

三十二年甲申四月十八日壬戌、始置僧正、百濟僧觀勒、太子曰我在衡山時弟子也僧正觀勒云、佛法自西天至

漢土、三百歲傳之、至百濟國僅一百年、此日本國未滿百年、七十二年也、已上日本紀卅二抄之

三十三年乙酉、天下早魃、以高麗僧惠灌、令著青衣講演三論、甘露已降、依此賞任僧正、

三十四年丙戌、自二月至七月霖、天下大飢、五月二十日、大臣蘇我宿禰馬子薨、七十六、

三十五年丁亥、

三十六年戊子二月、天皇不豫、詔田村王子宜繼大位、三月崩、

太子

厩戶豐聰耳皇子 用明第一子聖德太子是也 天皇元年四月立之

齋宮

酢香手姬 如故三代不替例

大臣

蘇我馬子宿禰元 天皇三十四年五月薨 唐太宗貞觀三年己丑

第三十五舒明天皇

蘇我蝦夷臣 天皇三十四年任馬子替字豐浦大臣

息長足日廣額諱田村、敏達孫、押坂大兄皇子男也、母糠手姬、敏達女也、己丑歲正月四日丙午即位、三十七、治十三年、辛丑歲十月九日、於百濟宮崩、四十九、葬押坂陵、一云讓位於后、皇極號太

上天皇、都高市岡本宮、大和國元年十月遷、

元年己丑、今年唐貞觀三年八月、玄奘渡天、云云、

二年庚寅正月、以大仁犬上君三田稻遣唐、今年慈恩大師誕生、

三年辛卯九月、天皇幸攝津國有間溫泉、

四年壬辰十月、大唐使高表仁與三田稻來著、

五年癸巳、唐使歸朝、



六年甲午正月一日、役行者生、八月長星見南方、時人云彗星、  
 七年乙未三月、彗星見東、  
 八年丙申、  
 九年丁酉、  
 十年戊戌、  
 十一年己亥、  
 十二年庚子、始定斗升斤兩、  
 十三年辛丑、

後宮

天豐財重日足姬 皇極天皇也 天皇二年正月為皇后

夫人香櫛娘 又名挾挾浪娘 靈田臣鈴子女

嬪姊子娘 吉備岐屋采女

齋宮 自此五代中絕

大臣

蘇我蝦夷臣 天皇九年六月中大兄與中臣鎌子以謀欲誅之大臣自入火死成大鬼蘇我入鹿同被誅蝦夷大臣男也

皇子

古人(天兄)皇子 母夫人法提媛

夫人法提娘 大臣蘇我馬子宿禰女

夫人手坏娘 大臣蘇我豐浦蝦夷女

蚊屋皇子 母姊子娘

間人皇子 母同天智天皇

押坂錦向皇子 母香櫛娘

第三十六皇極天皇 唐太宗貞觀十六年壬寅

天豐財重日足姬諱寶皇女、敏達曾孫、押坂大兄孫、茅渟王女也、母吉備姬女王、舒明立為皇后、壬寅歲正月十五日辛未即位、四十八、治三年、乙巳歲六月、讓位天萬豐日、天豐日也天皇自稱皇祖、都明

日香川原宮、大和國高市郡元年壬寅七月、客星入月中、天下旱魃、祈而無驗、九月造百濟寺、今大安寺也

二年癸卯三月五日、五色大雲滿覆於天、十一月十一日丙戌亥時、入鹿為殺、山背大兄王等遣巨

勢臣德太子(臣)等率兵襲斑鳩宮、云云、

三年甲辰、

第三十七孝德天皇 唐太宗貞觀十九年乙巳

天萬豐日、諱輕、皇極母弟、乙巳歲六月十四日庚戌即位、治十年、甲寅歲十月十日崩、葬河內國石

川郡磯長陵、都難波長柄豐崎宮、攝津國天皇二年遷、

大化元年乙巳六月三日、中臣鎌子連誅謀反入鹿、即賜恩賞、授內臣、今年唐貞觀十九年正月、玄

奘歸唐、云云、

二年丙午、始造宇治橋、道昭和尙創造也、

三年丁未、



四年戊申、  
 五年己酉、製十九位階、初置八省百官等、白雉元年庚戌、大化六年二月、自長門國進白雉、仍改白雉、  
 二年辛亥、唐玄奘歸唐、云云、  
 三年壬子、  
 四年癸丑二月、遣高向玄理等於大唐、玄理卒、五月遣唐土使吉士長丹國學生二百四十一人、七月遣唐使長丹等、多得文書寶物等來、  
 五年甲寅正月、衆鼠從難波遷倭國、遷都瑞也、

太子

中大兄 舒明第一子天皇元年六月先帝立之

後宮

皇祖母尊 皇極天皇也

妃日小足媛娘 大臣阿閉倉橋麻呂女

大臣

左阿倍朝臣倉橋麻呂 正一位元年爲左大臣大鳥臣子也天皇五年薨左大臣始也

左大紫巨勢德陀古臣 雄柄宿禰七世孫五年四月爲左大臣石川麻呂替

內中臣鎌子連 元年爲內臣年二十一內臣始茲

皇后間人皇女 舒明天皇女元年七月立之

妃日乳娘 大臣蘇我山田石川麻呂女

右蘇我山田石川麻呂 馬子孫雄正臣子五年三月爲皇太子被誅依謀反自死

右大紫大伴長德連 金村孫五年四月爲右大臣同七月薨

皇子

有間 母男足媛

第三十八齋明天皇 唐高宗永徽六年乙卯

天豐財重日足姬、諱寶皇女、乙卯歲正月三日、重祚復位、皇極也治七年、辛酉七月二十四日、於筑紫朝倉廣庭宮崩、六十八、葬大和國高市郡越智大屋間陵、都岡本宮、大和國天皇適用明孫高向王而生、漢皇子、後適舒明而生二男一女、

元年乙卯五月、宮中有乘龍者、貌似唐人、著青袖笠、馳行、時人云、豐浦大臣靈也、  
 二年丙辰、

三年丁巳、中臣鎌足於山階陶原家、初建精舍、設齋會、是維摩會濫觴也、屈福亮法師爲講匠、  
 四年戊午三月、舍衛國婦女來朝、

五年己未五月、有勅造百高座百衲衣、設仁王會、七月遣小錦下坂合部石布使於唐國、  
 六年庚申十月、唐使還來、  
 七年辛酉、

太子

中大兄 如元

大臣

左巨勢德陀古臣 元天皇四年正月薨在官十年

內大錦中臣鎌子連



此代被置僧正一人、又僧都一人被置之、百濟國渡曆本、

第三十九天智天皇 唐高宗龍朔二年壬戌

天命開別、又曰中大兄、諱葛城、舒明第一子、母皇極天皇、孝德元年乙巳六月為皇太子、壬戌正月三日即位、時年四十四、治十年、辛未十二月三日崩、年五十三、葬山城國山階鄉北陵、都岡本宮、大和國 近江國志 賀郡五年元年壬戌、諒闇至孝、不稱即位、經六年、云云、四月寮御馬尾、鼠作巢生子、云々、天下不輕恠異、云々、

或記云、今年百濟軍船七十艘來、

二年癸亥、百濟滅、

或記云、百濟王卒、

三年甲子、製二十六階、三月百濟國普光王入朝、居難波、

或記云、四年三月、新羅軍兵二萬七千人伐之、

四年乙丑、

五年丙寅正月、漢沙門智由獻指南車、

六年丁卯正月、遷都近江國志賀郡大津宮、賀茂祭始之、

七年戊辰正月十七日、於近江國志賀郡建崇德寺、新羅沙門道行盜取熱田御體草薙劍、欲向新羅、風浪荒而迷歸、奉返、云々、

八年己巳、

九年庚午、造藥師寺、口傳持統天皇建 立也或天武御願

十年辛未四月、始置新臺漏刻、鎮西獻八足鹿、

太子

大海太子 天皇七年二月 戊寅日立之

後宮

皇太后間人皇女 天皇七年二月 戊寅日立之

妃姪娘 又名櫻井姬 越智姬之妹

妃常陸娘 大臣蘇我 明兄女

宮人黑媛 粟隈首德 萬女也

宮人宅子 伊賀 采女

大臣

太政大臣大友皇子 天皇十年正月任天武即位以前 壬申歲七月二十三日被誅

大紫蘇我連子臣 元年為大臣如故初任年未詳字藏大臣三年三月薨在官三年一 云三月任即薨馬子之孫雄正子臣之子右大臣石川麻呂弟也

左大錦上蘇我赤兄臣 太政大臣同日任天 武即位以前配流

右中臣金連 在大任同日任天兒屋根命之後糠手子連之子也天武即位以前 被誅一云大友皇子等襲吉野宮八月右大臣等八人極刑被誅

妃越智姬 更名美乃凌子娘大臣 蘇我山田石川麻呂女

妃橘娘 大臣阿倍倉 橋麻呂女

宮人宅夫古娘 忍海道 小龍女

宮人伴良都 越遣 君



內大織冠藤原鎌足朝臣天皇八年十月十五日改內臣為內大臣同授大織冠賜姓藤原即薨年五十六在官廿五年

御史大夫蘇我果安臣十年辛未正月五日始任位階不分明

皇子

建珥皇子母越智娘

川島皇子母色矢臣娘

施基皇子母伊賀部實志賀皇子也叙二品靈龜二年八月薨諡曰田原天皇追稱御春宮天皇

大友皇子母宅子娘更名伊賀皇子

榎井親王

大田皇女母同建珥

兔野皇女母同上又曰鷗野讚良又曰高天原廣野姬

御名部皇女母姪娘配高市皇子生長屋王

阿閉皇女母同適草壁皇子生文武日本根子天津御代豐國成姬

明日香皇女母橘娘叙淨廣肆文武天皇四年四月薨

新田部皇女母同文武天皇三年八月薨

山邊皇女母常值娘

大江皇女母文武三年二月薨

泉皇女母叙二品天平六年二月薨

水主皇女母黑媛娘叙二品天平九年八月薨

春日正四位下安貴王從五位上

市原王正五位下治部大輔

春原五百枚參議正三位左兵衛督天長六年十二月十九日卒年七十

五百井女尚侍從二位弘仁八年卒

湯原親王贈從二位大納言正三位

壹志濃王延曆廿四年十一月十一日薨年六十六

榎井親王本

神王左大臣從二位大同元年四月二十四日薨年七十

弓削道鏡法皇大禪師位元太政大臣初小僧都天平神護元年三月任太政大臣同二年十月授法皇之位神護景雲三年配下野國寶龜三年死

弓削朝臣淨人大納言正三位太宰帥實德元年八月二十一日配流

海上女王養老六年叙從三位

第四十天武天皇唐高宗咸亨三年壬申

天淳中原瀛真人諱大海號淨御原天皇又云田原天皇舒明第三子天智同母弟也先帝七年戊辰二月戊寅為皇太子五月大友并大臣等相共發兵將襲吉野山聞此事六月十日步行入東國經伊賀伊勢至美乃國居不破宮於茲而率數萬軍發向帝都至瀨田橋左右成陣大友等遂敗七月二十三日壬子大友自死明年癸酉二月二十七日癸未即位年五十一治十五年丙戌九月九日崩年六十五葬檜隈大內陵都飛鳥淨御原宮大和國高市郡癸酉歲太宰府獻三足赤雀仍改元朱雀即白鳳元年也正月朔役行者生大和國平群人也見箕面寺緣起三月近江朝遣使大唐白鳳元年壬申三月備後國進白雉仍改為白鳳初置不破關二年癸酉三年甲戌廣瀨龍田祭祈年祭除目始四年乙亥七月口星出東

三年以下至八年有差



五年丙子、  
 六年丁丑、因幡國貢稻一葦中有八千粒、十月甘露降、  
 七年戊寅、始置關門、  
 八年己卯正月、桃李生實、  
 九年庚辰、御齋會始、五月始說金光明經於宮中并諸寺、十一月始建藥師寺、  
 十年辛巳、造法令、四月天下男女皆上髮、  
 十一年壬午、停銀錢、用銅錢、慈恩大師逝、  
 十二年癸未、

十三年甲申、改爵號二十八階、七月壬申、彗星出西長一丈餘十四年乙酉舊本闕  
 朱雀元年丙戌、大和國獻赤雉、因瑞改元、六月天皇病患、草薙劔送、置于尾張國熱田社、按朱鳥元年立齋王、今年九月帝崩、而齋王猶御坐之由見如何、此代被始、太上天皇尊號、云云、除目始、五節舞姬始、大津皇子始作詩、賦和歌、事此時始、又三井寺本佛彌勒者此天皇御本尊、云云、又箕面緣起云、白鳳二十年庚午、行者登金峰山、召諸神、欲渡石橋於金剛山、

太子

草壁皇子 天皇第一子十年二月立之當帝登遐時母后踐祚仍不嗣位持統天皇朱鳥四年四月薨

後宮

皇后高天原廣野姬 天智女持統也天皇即位日爲皇后

妃大田皇女 皇后姊也天智第一女

妃大江皇女 天智第八女

大人大麩嬪 大臣蘇我明兒女也

夫人五百重娘 同大臣二女

尼子娘 宗守(方歟)君德善女也

大臣

太政大友皇子 天皇即位前被誅

右中臣金連 元年八月被誅在官二年

大納言

蘇我果安 元年改御史太夫官號爲大納言八月坐事被誅

紀大夫臣 十二年六月三日薨

五位舍人王 九年六月卒

太子

草壁 見于前

皇子

高市皇子 任太政大臣母

大臣母

矢通王 大津皇子將謀叛賜死

長屋王 左大臣正二位母近江朝天皇女御名都皇女天平二年二月十日依謀反誅年四十六

妃新田皇女 天智第六女

夫人氷上娘 大臣藤原鎌足天女皇十一年正月薨

額田姬王 鏡三女也

嬪穀媛娘 宮人臣大麻呂女也

左大錦上蘇我赤兄 元年八月被配流在官二年

巨勢比登臣 元年八月配流

大伴堅泡連 十二年六月三日薨







舍人皇子一品親王三原王——和氣王寶字八年九月十一日叙從三位任參議天平神護元年八月坐謀反到山背國相樂郡絞之埋柏野

刑部親王三品知太政官事慶雲三年五月七日薨在官七年

忍壁皇子三品慶雲二年五月薨母同新田皇子皇女

磯城皇女母毅媛穴人臣大麻呂之女也

由形皇女二品母同穗積神龜五年三月薨

但馬皇女三品母冰上娘和銅元年六月薨

十市皇女母額田姬王

長谷部皇女母同磯城天母平十三年薨

宅基皇女母同

倭姬王

第四十一 持統天皇唐則天皇后垂拱三年丁亥

高天原廣野姬、又曰鷗野讚良、諱兔野、天智第二女、天武后、母越智媛、蘇我山田石川麻呂女也、丁亥歲爲元年、第四年庚寅正月一日戊寅即位、四十四、治十年、丙申八月一日、讓位輕太子、爲太皇、大寶二年壬寅十二月十日甲寅、出家即崩、年五十八、遊位六年、葬大內陵天武同陵也、此後火葬、都難波宮、一說太上天皇號始于此代云、

元年丁亥、

二年戊子、

三年己丑正月朔乙卯、大學寮始獻卯杖、以爲恒例、

四年庚寅正月朔、奉璽劍鏡等於皇后、即皇位、

五年辛卯、

六年壬辰九月、遣使諸國、定町段、

七年癸巳、改元大化、十月有詔、講仁王經於內裏、講最勝王經、以之爲恒例、

八年甲午正月、奏蹋歌、五月以金光明經一百部、送置諸國、每年正月上弦讀、讀之、

九年乙未、

十年丙申、中納言官被始置之、異本曰、今年十一月己卯大嘗始之、

太子

草壁皇子朱鳥四年四月薨

輕皇子草壁二男天皇十一年立之

齋宮

多紀皇女元如

大臣

太政淨廣一高市皇子天皇四年七月五日任年三十七年七月薨年四十三天武第三男

右正二位多治比真人島太政同日任年三十七本姓多治比公此時止公字賜真人姓宣化立孫多治比王息也淨御原天皇四年十一月一日定八姓十三氏



大納言

直大二大神葛(高)市麻呂朝臣任日未詳

中納言

布施御主人朝臣元年正月參赴殯宮被誅補任納言無中字又云後為阿閉朝臣今案阿倍御主人是歟布施古臣之男

第四十二文武天皇唐大周聖神皇帝神功元年丁酉在位崩之初例

天津足根大父諱輕天武孫草壁第二子母阿閉皇女元明天皇持統十一年丁酉二月立皇太子八月一日甲子受禪同日即位時年十五十一月大嘗會美乃尾張異本云大化四年十一月己卯大嘗會始之治十一年丁未崩于藤原宮年二十五十月一日丙午火葬檜前安占岡上陵遺詔曰朕之母儀阿閉皇女宜攝萬機嗣天位矣仍於東樓攝行天下都難波宮元年丁酉親王法皇諸臣位階并裝束等定之藥師寺佛開眼二年戊戌

三年己亥五月丁丑日役公小角流于伊豆島此役公優婆塞者賀茂役公氏今高賀茂朝臣也和國葛城郡茅原村人入唐最初人也箕面緣起云朱鳥十三年二月二十五日為殺役行者遣使依葛木神讒也而依富慈明神表被召返歸敬如神威今年行者以呪縛葛木神今年始置鑄錢司

四年庚子三月道昭入滅

大寶元年辛丑二十一日甲午對馬始貢白銀郡司等授二階位年號大寶今年役行者渡唐年六

十八見箕面緣起大安寺道慈入唐元興寺智光賴光二人同室修學

或記云大寶元年辛丑正月粟田真人高橋笠間等遣唐

二年壬寅十二月乙巳太上皇不豫天下度一百人出家十日甲寅遂以崩

三年癸卯三月乙酉興福寺義淵任僧正今年立東西市義淨三藏譯最勝王經智鳳法師依勅入唐

慶雲元年甲辰五月十日改元去五日大極殿西樓上見慶雲仍為年號去三月口口僧都分大小

二年乙巳始賜位祿中納言三人被置之其位正四位被定畢

三年丙午藤原不比等於宮城東第設維摩會始于十月十日終于十六日內大臣忌日也

四年丁未二月十五日天皇崩

此時給斗升于諸國

上皇

持統尊號始立大寶二年十月十日崩

後宮

皇太后藤原宮子天皇元年八月癸未為皇后元夫人

妃川刀子已上二人天皇元年為妃

齋宮

妃紀竈門



多紀皇女 如元慶雲三年二月一日退出

泉內親王 天智第九皇女慶雲三年閏正月參于太神宮

田形內親王 天武第三女慶雲三年八月廿九日祭之

大臣

左正二位多治比真人島 元右大臣天慶四年轉左大寶元年七月薨年七十六(一作八)在官十二年

右從二位阿閉朝臣御主人 大寶元年三月任同四月薨年六十七兼大納言

右從二位石上朝臣麻呂 慶雲元年正月任年六十五大連物部目定(足)後字麻呂子也

知太政官事穗積親王 慶雲二年九月三日詔也天武第三男也

知太政官事刑部親王 大寶元年正月二十日詔也天武第九男慶雲二年薨

大納言

大伴宿禰御行 大寶元年正月五日任同十五日薨年五十六大寶元年正月二十日贈正廣二左(右)大臣贈官之始

石上朝臣麻呂 大寶元年正月十九日任

藤朝臣不比等 大寶元年三月十九日任

紀朝臣麻呂 不比等同日任

中納言

布勢朝臣御主人 從三位大寶元年三月任左大臣

高向朝臣麻呂 從四位上大寶元年三月二十一日廢中納言任左京大夫

大伴宿禰安麻呂 從三位高向同日任同日停中納言為散位慶雲二年四月五日還任

藤朝臣不比等 從三位大寶二年三月十九日任

石上朝臣麻呂 從三位不比等同日任二十一日停中納言叙正三位任大納言

紀朝臣麻呂 四品石上同日任停中納言叙從三位任大納言

粟田朝臣真人 從三位元參議慶雲二年四月二十日任

高向朝臣麻呂 正四位下元參議

阿倍朝臣宿奈麻呂 從四位上慶雲二年四月五日安麻呂還任同日任不歷參議

參議

大伴安麻呂 正三位大寶二年正月七日任式部卿五月十七日任參議六月十九日轉兵部卿難波朝右大臣大紫長德之第六子

粟田朝臣真人 正四位下大寶二年五月十七日任六月入唐

高向朝臣 從四位上粟田同日任難波朝刑部卿大化上國忍子

下野古麻呂 從四位下高向同日任二月詔古麻呂等領定律令宜議功賞於是賜田十町五十戶三月定二十町

小野毛野 從四位下古麻呂同日任五月九日詔曰件等人宜參議朝政本官如元者小治田朝臣大德冠妹子孫小野中毛人子也

下毛野古麻呂 從四位上慶雲二年四月二十日任兵部卿叙從四位

第四十三元明天皇 唐中宗四年景龍三年戊申

日本根子天津御代豐國成姬諱阿閉天智第四女適草壁皇太子生文武母蘇我大臣山田石川麻呂女嬪姪依文武遺詔慶雲四年丁未七月十七日於大極殿即位時年四十九和銅元年戊申十一月大嘗會近江但馬治七年同八年乙卯九月三日讓位於水高內親王為太上天皇年五十五養老五年辛酉十二月四日落飾即崩年六十一葬椎山陵依遺詔不用喪禮遊位七年都平城宮大和國添上郡和銅三年三月自難波始遷奈良京和銅元年戊申正月十一日改元武藏國秩父郡始獻和銅仍為年號二十一日移山科寺於大倭國二月始季御讀經諒闇而次年大嘗會今年始大安寺二年己酉



三年庚戌三月、始遷都平安城、興福寺右大臣不比等建立之、  
四年辛亥七月、初置出羽國、

五年壬子九月、初置出雲國、八月三日、建立北圓堂、或養老云云、

六年癸丑四月、始置丹波國并美作日向大隅等國、五月作風土記、

七年甲寅三月五日、興福寺供養、導師行信僧都、六月二十八日庚辰、以豐櫻彥親王為太子、年十四、令加元服、十月十日、始維摩會、十二月十一日、惠詔大師入滅、

齋宮

神祇記云、是時齋王不定信田方內親王多貴內親王各一度參入、次智努女王次圓方女王各一度參入云云、

大臣

左正二位石上麻呂朝臣元右和銅元年正月叙正二位轉左

知太政官事穗積親王元和銅八年七月薨去正月叙一位

大納言

藤不比等從二位和銅元年正月七日正二位三月十一日任右大臣

中納言

栗田朝臣真人從三位和銅元年三月十二日兼太宰帥

小野毛野正四位上中務卿粟田真人同日任

右正二位藤不比等和銅元年三月十二日叙正二位任右大臣年五十

大伴安麻呂從三位和銅元年二月十二日正三位

高向朝臣麻呂從四位下和銅元年正月七日從三位同兼攝津大夫同八月八日薨

阿倍宿奈麻呂從四位上毛野同日任正四位下三月太宰帥九月兼造平城長官

中臣意美麻呂從四位上神祇伯宿奈麻呂同日任同日兼伯七月十日正四位下

參議

小野毛野正四位上中務卿和銅元年三月任中納言

非參議

長屋王從三位式部卿

石上朝臣宮麻呂從三位右大辨和銅六年正月七日叙十二月五日薨

第四十四元正天皇唐玄宗開元三年乙卯

下毛野古麻呂從四位上兵部卿同三月十三日式部卿七月一日叙正四位下同二年十二月十八日卒在官八年大將軍

巨勢朝臣麻呂從三位散位

多治比真人池守散位從三位左大臣行島第一男

日本根子高瑞淨足姬、諱冰高、一云飯高、草壁親王女、文武同母姊、和銅八年乙卯九月三日庚辰、受禪、同日於大極殿即位、年三十五、靈龜二年丙辰十一月辛卯、大嘗會遠江但馬、治九年、養老八年甲子二月四日、讓位於皇太子豐櫻彥、即日為太上天皇、時年四十四、天平二十年戊子四月二十一日崩、年六十九、遊位二十五年、葬大和國添上郡佐保山陵、都平城宮如本諾樂宮、同國靈龜元年乙卯、左京人高田久山麻呂進靈龜、仍和銅八年九月三日、天皇即位日、改元為名、二年丙辰、高麗人千七百九十人、遷武藏國、始置高麗郡、元興寺建立、玄昉入唐、始被置按察使、安部仲九遣唐使事、

養老元年丁巳、十一月十一日改元、道慈歸朝、

二年戊午、十一月壬寅、彗星出、

三年己未、二月、百官主典已上、始令把笏、五位已上牙笏、六位已下木笏、七月始置按察使、十二



月始制婦女衣服、

四年庚申、

五年辛酉、六月十二日晦、始太祓、今年立長谷寺、

六年壬戌、七月有客星、見關道邊、凡五日、

七年癸亥、興福寺內、建施藥院悲田院、

上皇

元明天皇養老五年十月四日崩

太子

豐櫻彥

齋宮

久世(勢)女靈龜三年四月立之

大臣

左正二位石上麻呂元養老元年三月(正)月薨贈從一位

右從二位長屋王天武孫太政大臣高市親王男養老五年正月叙從二位任右大臣元大納言

知太政官事舍人親王養老四年任准大臣年四十五淨御原第三皇子同年賜內舍人二人大舍人四人衛士卅人

大納言

阿倍宿奈麻呂從三(二)位元中納言養老二年二月任同四年正月二十四日薨

井上女王聖武女養老五年立之

右正二位藤不比等元養老四年八月一日薨年六十二諡曰文忠(德)公後淡海公

長屋王正三位養老二年三月三日任不歷參議中納言等同五年正月從二位同十一月任右大臣

多治比池守從三位養老五年正月十一日任神龜元年正三位

中納言

阿倍宿奈麻呂從三位養老元年正月七日正三位

巨勢麻呂從三位靈龜五月七日任元左大辨不歷參議養老元年正月十八日薨

巨勢祖父從四位上養老二年三月三日任一名邑(色)

大伴宿禰旅人從四位上養老二年三月三日(二)日任不歷參議難波大臣安麻呂一男同三年正月七日正四位下九月兼山城攝官爲征夷軍人持節大將軍

藤武智麻呂從三位養老五年正月十一日任不歷參議

參議

藤房前從四位下養老元年十一月二十日任

阿倍廣庭正四位下同六年二月任石大臣御主人之子

非參議

長屋王從三位式部卿

多治比池守從三位大宰帥

藤宇合從三位式部卿

藤弟貞從三位

竹野王從三位

多治比真人三宅麻呂正四位下同五年正月七日任

巨勢麻呂從三位靈龜元年五月(正)月任中納言

藤武智麻呂從三位

藤麻呂從三位散位

百濟王南典從三位散位

智努王從三位



三原王從三位

石川朝臣乙麻呂

或記云、二年庚午、以多治比縣守、始被置權參議、同二年、被置參議八人、爲八座、

第四十五聖武天皇 唐玄宗開元十二年甲子

天瑞國押開豐櫻彥、文武太子二代東宮、母藤原宮子、贈太政大臣不比等女、大寶元年辛丑誕生、和銅七年甲寅六月二十八日庚辰、加元服、即立爲皇太子、時年十四、養老三年己未、六月丁卯日、始聽朝政、神龜元年甲子二月四日甲午、受禪、同日於大極殿即位、年二十四、十一月大嘗會、播磨備中、治二十五年、天平二十一年己未七月二日、讓位於皇太子阿閉內親王、號太上天皇、天平勝寶元年七月甲午、御出家、法名勝滿、天平勝寶八年丙申五月二日崩、年五十六、元出家葬大和國添上郡佐保山陵、葬儀如奉佛供具、不奉諡、都平城宮、

神龜元年甲子二月四日即位日、改爲神龜元年、右京人獻白龜、仍號神龜、

二年乙丑、初被置皇后宮職、并施藥院、柑子從唐國始出來、殖種結子、

三年丙寅、初置春宮寮、建興福寺東金堂、

四年丁卯、三月庚午、供養大和國城上郡長谷寺、請僧六十口、行基菩薩爲導師、義暹法師爲呪願、一云、呪願玄勝道明德道二人、建立此寺、

五年始備孟蘭盆供、十月義淵僧正入滅、

天平元年己巳、八月五日改元、去六月己卯日、左京太夫藤原從三位麻呂、獻負圖龜、仍稱天平、長屋大臣謀反事、

二年庚午、造藥師寺塔并山階塔、妙樂大師生、年二十、隨玄朗始受經卷、十一月始太神宮行幸云云、

三年辛未、

四年壬申、八月多治比廣成、爲遣唐使、

五年癸酉、四月遣唐使進發、六月十一日、廣成歸來、同月樺楊大師入滅、

六年甲戌、正月十一日、興福寺內西金堂建立、

七年乙亥、玄昉歸朝、十一月七日、善無畏三藏入滅、年九十九、

八年丙子、一云、七月八日、南天竺迦毗羅波羅門僧菩提、來朝攝津國、

九年丁丑、

十年戊寅、

十一年己卯、

十二年庚辰、始造東大寺、九月丁亥、太宰小貳廣嗣、起軍兵一萬許謀反、仍勅大將軍從四位上大野朝臣東人、副將軍從五位上紀朝臣飯麻呂、誅之、同月十一日、於肥前國松浦郡、斬之、松浦緣起云、右近少將從四位下太宰小貳藤原廣綱、

或云、天平二年、右少將廣嗣、依謀反、爲官軍大野東人被誅、成靈鬼云云、

十三年辛巳、八月十五日、金剛智三藏入滅、

十四年壬午、



十五年癸未、十月十五日、於近江國信樂京、奉創東大寺盧舍那佛金銅像、熟銅七十三萬九千五百六十斤、白鐵一萬二千六百八十八斤、練金一萬四百三十六兩、水銀五萬八千六百二十兩、炭一萬八千五百五十六石、一說云、此事在十七年、同月辛卯、始置鎮守府、或云今茲十月始置鎮守府云云  
 十六年甲申、道慈入滅、年七十有餘、  
 十七年乙酉、正月乙卯日、以行基菩薩為大僧正、大僧正職、此時始之、今年為官寺、更置太宰府、遣玄昉造筑紫觀音寺、  
 十八年丙戌、行基大僧正、授戒於天皇、今年七月、波羅門僧菩提、始來本朝、觀世音寺供養、但導師玄昉僧正、俄龍王降臨而取僧正昇天、云云、時六月十四日也、世傳云、為藤原廣嗣靈所害、云云、廣嗣靈鬼崇松浦令松浦明神是也云云  
 十九年丁亥、  
 二十年戊子、三月二日、行基人滅、年八十、俗姓高志氏、和泉國大鳥郡人也、十五出家、二十四受具足戒、今年文珠現五臺山、揚貴妃始寵、  
 二十一年己丑、  
 二十二年庚寅、  
 二十三年辛卯、  
 二十四年壬辰、  
 二十五年癸巳、

上皇

元正元

太子

基王 帝一子母光明皇后神龜四年十一月立同五年九月薨時二歲

後宮

皇太后藤宮子 天皇母文武夫人不比等女

夫人從二位石川氏 神龜元年七月薨

夫人正三位橘朝臣那川智 左大臣諸兄女

齋宮

井上內親王 帝三女元依二親喪退之

大臣

知太政官事舍人親王 一品天平七年十一月十四日乙丑薨年六十同一年十二月贈太政大臣寶字二年六月追稱崇道天皇

右長屋王 從二位神龜元年二月四日正二位轉左

右藤武智麻呂 從二位天平七年乙亥正月六日任同九年七月二十五日叙正二位任左大臣臥病間也同日薨五十八寶字四年八月七日贈太政大臣

知太政官事鈴鹿王 從三位天平十年正月十三日任正三位同十一年五月兼式部卿同十五年五月三日從二位同十七年九月三日薨

阿閉內親王 帝第一皇女天平十年立

皇后藤氏 天平元年八月立之不比等六女光明皇后是也

夫人正三位藤氏 天平二十年薨武智麻呂女

夫人正三位縣犬養宿禰廣刀自姬 從五位下麻呂女

縣女王 天平十八年祭之

左長屋王 天平元年乙巳二月十日謀反



右橋諸兄 從三位天平十年正月十三日任同日叙正三位同十一年正月十日從二位同十二年十一月十四日正二位同十六年從一位 左橋諸兄 從一位

大納言

多治比池守 正三位天平二年九月八日薨  
大伴旅人 正三位同二年十月一日任改名談等 同三年正月七日從二位七月一日薨  
藤豐成 從三位同二十年二月三日任 并從二位超一階大將如元

中納言

巨勢祖父 從三位神龜元年六月五日薨  
藤武智麻呂 從三位同二月正三位

多治比縣守 從三位天平四年五月十一日任同六年正月七日正三位同九年六月二十三日薨七十

巨勢余尼(奈氏)麻呂 從三位左大辨天平十五年五月五日任同二十年二月一日正三位

藤豐成 從三位中衛大將同十五年五月五日任同二十年三月三日任大納言叙從二位越一階 或記云神龜五年近衛大將被始置事房前最初云云如中山記者丙麻呂為最初大將云云

參議

藤房前 從三位神龜元年二月正三位天平九年民部卿四月十七日薨五十七  
多治比縣守 從三位天平三年正月兼民部卿十一月兼山陽道鎮撫使  
藤宇合 從三位式部卿同年八月任為 西海道節度使同九年八月薨

阿倍廣庭 正四位上同三年左大辨同四年中納言

大伴道足 正四位下同三年八月任右大辨十一月為南海道鎮撫使

藤麻呂 從三位兵部卿同三年八月任左京大夫十一月為山陰道鎮撫使同九年七月薨

鈴鹿王 正四位下同八月任大藏卿 太政大臣高市親王三男

多治比廣成 正四位下天平九年八月十九日任 九月十三日叙從二位任中納言

大野朝臣東人 從四位上天平十一年四月九日任陸奥出羽按察使飛鳥朝達化職大夫真廣田果安之子

巨勢朝臣奈豆麻呂 從四位下天平十一年四月十九日任民部卿東宮大夫小治田朝臣小德大海之孫大雲比登子

大伴宿禰牛養 從四位下上同日任大德唯子 連孫贈大領中少吹負之子

藤朝臣仲麻呂 從四位下同十五年五月五日任六月叙從四位上兼左京大夫武智麻呂男天平十七年正四位上同十八年從三位二十年正三位

紀朝臣麻路 從四位上叙同日任民部卿石衛門督越一階同二十年二月一日叙正四位上

石川朝臣年足 從四位下上同日任參議左大辨石足長子

非參議

藤宇合 從三位式部卿

百濟南典 從三位天平九年九月十三日任七十三

竹野王 從三位

三原王 從三位舍人親王子天平廿二年二月一日贈太政大臣

太子

基王 見子前

葛城王 正四位下左大辨同月任

藤豐成 從四位下兵部卿同年十一月八日任并兼卿四(三)十五

縣養宿禰石次 從四位下式部大輔上同日任同十四年卒

多治比真人廣足 正四位下天平二十年三月二十二日叙從四位下左大臣正二位麻呂子

藤朝臣八束 從四位下上同日任從四位下改真橋兼太宰帥

藤麻呂 從三位

藤弟貞 從三位

智努王 從三位

石川朝臣乙麻呂 左大臣麻呂之子同廿二年二月一日式部卿

阿閉 見子前



皇子

安積(穗)親王 第二母夫人縣犬養廣刀自姬

皇女

不破內親王 二女母同安積

第四十六 女孝謙天皇 唐玄宗天寶八年己丑

高野姬、諱阿閉、號高野天皇、聖武女、母皇太后光明子、不比等二女也、母年十八生之、養老二年誕生、天平十年立皇太子、二十一、天平二十一年七月二日甲午、受禪、同日於大極殿即位、三十二年勝寶元年十一月、大嘗會、因幡美作、治十年、天平寶字二年戊戌八月一日、禪位於皇太子大炊王、爲太上天皇、寶字六年六月出家、法名法基尼、都平城宮、天平勝寶元年己丑、天平二十一年七月二日、即位日改元、十月二十四日、奉鑄東大寺大佛、已關三箇年間、八箇度奉鑄之、

或記云、天皇元年、八幡託宣、自字佐渡、王城、爲拜東大寺、云云、或二年云、

二年庚寅、天皇御願西大寺、號都率天宮、天皇上皇、詣東大寺、行萬燈會、天下泰平字、內裏出來、入幡大菩薩、自字佐御上洛事、或云、九月藤原清河爲遣唐使、

三年辛卯、四月甲戌、詔以菩提法師爲僧正、世謂之婆羅門僧正、今年始置常樂會、

四年壬辰三月、參議藤原清河三十五、爲遣唐大使、大伴古麻呂、吉備真吉備、爲副使、四月九日、東大寺盧遮那佛開眼、菩提僧正供養、有行幸、講師隆尊律師讀師延福大法師、一萬僧、

五年癸巳、遣唐使歸朝、

六年甲午正月、遣唐使大伴古麻呂、吉備等歸來、唐僧鑿真等隨來朝、四月東大寺戒壇立之初登壇、今年造宇佐宮、十月十三日、東大寺戒壇院供養、咒願賞良辨、兼法務

七年乙未、

八年丙申、以藤原永手、始爲權中納言、此後中納言員不定、五月二日太上天皇聖武崩御、年五十六、

天平寶字元年丁酉、八月十八日改元、

二年戊戌、興福寺別當慈訓、任大僧都、僧都始也、今年始造住吉社、

齋宮

小宅女王 天平勝寶元年九月六日以從三位三原王女小宅女王爲齋宮

山於女王 天平寶字二年八月祭之

大臣

左橘諸兄 元正一位太宰帥勝寶二年正月賜朝臣姓八月二日致仕寶字元年正月六日薨七十四

右藤豐成 元從二位勝寶元年四月十四日任

紫微內相藤仲麻呂 從二位寶字元年五月十九日任兼中衛大將准大臣元大納言一云詔曰令外別置紫微內相一人令掌內外諸兵事其官位祿准大臣

中衛大將藤仲麻呂 大納言正三位勝寶三年同正月叙從二位去職

大納言

藤豐成 從三位勝寶元年四月任右大臣

巨勢奈豆麻呂 從二位勝寶元年四月一日任并叙從二位元大納言同五年三月晦日薨八十六



藤仲麻呂 正三位勝寶元年七月一日任中衛大將  
不歷大納言一云去四月九日從二位

中納言

大伴牛養 正三位勝寶元年四月一日任同  
日正三位同五月二十七日薨

紀麻路 從三位勝寶元年七月一日任同  
日叙從三位元參議十二日式部卿

藤永手 從三位勝寶八年五月十九日任權  
即叙從三位兼式部御不歷參議

參議

藤仲麻呂 正三位天平勝寶元年  
七月一日任大納言

紀麻路 正四位上勝寶元年  
七月一日任中納言

石川年足 從四位下勝寶  
三年任左大辨

大伴兄麻呂 正四位下勝寶元年七月二日任八月九日式部卿  
十一月正四位上勝寶三年從三位正月七日叙

橘宿禰奈良麻呂 從四位上勝寶元年七月一日任元侍從左大臣諸兄子寶  
字元年正四位下六月八日任左大辨七月二日坐事被誅

藤清河 從四位下勝寶元年七月一日任  
勝寶四年正四位下三月遣唐使

阿部朝臣沙彌麻呂 正四位下  
同八月任

非參議

竹野王 正二位

藤弟貞 正三位

石上乙麻呂 從三位勝寶元年七月一日任中務  
卿不歷參議同二年九月一日薨

多治比廣足 從三位勝寶元年四月一日任寶字元  
年七月三日依老耄罷中納言七十七

石川年足 從三位寶字元年八月三日任  
六月八日兼神祇伯兵部卿

大伴牛養 從二位勝寶元年四  
月一日任中納言

多治比廣足 正四位下勝寶元年  
七月一日任中納言

藤八東 從四位下治  
部卿太宰帥

巨勢朝臣堺麻呂 從三位寶字元年八月三日任兼  
左大辨七月二日從三位越階

藤永手 從三位勝寶八年五  
月十九日任中納言

藤乙麻呂 從三位同元年  
六月任美作守

石上乙麻呂 從三位天平勝寶元年  
七月一日任中納言

百濟南典 從二位  
位

藤弟貞 正三位

三原王 正三位天平勝寶元年八月九日任中務卿十  
一月三日叙正三位勝寶四年七月一日薨

文室智努王 從三位寶字元年  
六月八日任參議

百濟敬福 從三位

栗栖王 從三位

巨勢堺麻呂 從三位同七月四日叙同八月八日任參議難波朝左  
大臣大職德大臣曾孫從五位上小邑治之子本名關麻呂

山背王 從三位勝寶元年  
八月賜水上真人

第四十七 淡路廢帝 唐肅宗上元  
元年己亥

文室淨王 從三位勝寶  
元年六月叙

諱大炊一云廣仁天皇。天武孫一品舍人親王第二子。母大夫人山背上總守從五位上當麻孝女也。天平勝寶九年丁酉四月辛巳日。諸臣僉議立皇太子。去二月二十九日丁丑。道祖王居諒闇不善。廢皇太子之故。天平寶字二年八月十八日。受禪同日於大極殿即位。二十六舍人親王追諡崇敬天皇。是日改易官號。同十一月辛卯。大嘗會。丹波播磨治七(六)年。寶字八年甲辰十月。退帝位。賜親王號。為淡路公。或云高野天皇發軍兵。押取帝位。配流淡路國。云云。天平神護元年九月(十續紀)月。於淡路崩。三十一葬同國三原郡。都平城宮耳(日)櫻宮。寶字三年己亥。八月三日。靈真和尚奉為聖武。招提寺所創造也。三箇年讀誦般若經。可除災之旨。見詔文。四年庚子。金銀銅三錢並用之。六月七日光明皇后崩。六十。



五年辛丑、二月一日、中納言位、改爲從三位、云云、十月仲石伴爲遣唐使、  
六年壬寅、定僧位階、良辨僧正奏、  
七年癸卯、五月六日戊申、鑿真遷化、七十七、  
八年甲辰、

上皇

孝謙

後宮

皇太后藤氏 孝謙母不比等二女  
寶字四年六月薨

夫人從二位藤朝臣 那可智寶字  
三年七月薨

夫人從二位藤朝臣 不注名參  
議房前女

尚侍正三位藤朝臣宇比良古 房前女寶字  
四年正月薨

齋宮

酒人內親王 光仁第三女寶字三年十一月祭之神祇記文云寶字二年  
四月八日酒人內親王遷於春日宮但不參入大神宮云云

大臣

大保藤惠美押勝 從二位改右大臣稱大保天平寶字元年八月二十五日任同日勅  
姓中加惠美二字以仲麻呂爲押勝寶字八年九月謀反已泄被誅

大師藤惠美押勝 寶字四年正月十一日任從一位越一階

御史大夫石川年足 正三位寶字四年正月丙子任兵部卿神祇伯同  
十一日任御史大夫同六年九月乙巳薨七十五

御史大夫文室淨三 正三位神祇伯同六年  
正月四日任元大納言

大納言

石川年足 正三位寶字二年八月廿五日任元  
中納言兵部卿一云不任大納言

中納言

石川年足 從三位兵部卿寶字二  
年八月一日正三位

文室智努 從三位寶字四年正月十一日任同五  
年正月十四日正三位又改名淨三

白壁王 從三位寶字六年十二  
月一日任不歷參議

參議

大津兄麻呂 從三位左大辨  
月日謀反

文室智努 從三位治部卿寶字  
二年六月任出雲守

阿倍佐美麻呂 正四位下中勢卿  
寶字二年三月卒

藤八束 正四位下寶字三  
年六月正四位上

阿倍鳥 麻呂 從四位下同四年八月一  
日任同五年三月廿日卒

水上鹽燒 從三位寶字六年正  
月四日任中納言

藤弟貞 從三位寶字六年十一  
月一日任同七年十月薨

藤訓儒麻呂 從四位下寶字六年十二月一  
日任大師押勝子母同真光

石川豐成 從四位下右大辨寶字六年十二月  
一日任右大臣任從二位右足男

藤永手 從三位  
式部卿

藤清河 正四位上  
遣唐使

紀飯麻呂 正四位下右大  
辨紫薇大弼

藤御楯 從四位上寶字三  
年六月一日任

藤眞楯 從三位寶字六年十  
二月一日任中納言

藤惠美眞光 從四位上寶字六年正月任十二月一日任正四  
位上大師押勝二男母房前女娘正二位衣比娘

中臣清麻呂 正四位下左  
大辨神祇伯

藤惠美朝鶯 從四位下寶字六  
年十二月一日任



前官

大臣藤豐成 正二位大宰員外帥

參議紀飯麻呂 從三位實字六年正月四日叙從三位同日致仕七月丙申薨

非參議

竹野王 正三位

百濟南典 從三位

栗栖王 從三位

船王 從三位

白壁王 從三位

河內王 從三位

第四十八稱德天皇 唐代宗永泰元年乙巳在位崩御

孝鎌重祚也、天平寶字八年甲辰、十月九日壬申重祚、同九年乙巳、正月一日癸巳即位、年四十八、于時尼、一日天平神護二年為尼同十一月更行大嘗會、美濃、越前、治五年、神護景雲四年八月四日、於平城宮崩、年五十二、同十七日、葬添下郡陵、

天平神護元年乙巳、天皇即位、後同十七日正月七日己亥改元、以天神地祇力、誅逆臣仲麻呂輩故也、二年丙午、西大寺始建立、春日大明神始垂跡、六月大雪、

中納言多治比廣足 從三位天平寶字四月四日薨

藤弟貞 從三位

百濟敬福 從三位

氷上鹽燒 從三位

池田王 從三位

藤巨勢麻呂 從三位

神護景雲元年丁未、八月十七日改元、八月乙酉、參河國奏云、慶雲見、因改元、景雲二年戊申、十一月九日、藤原四等明神奉崇、春日山、三年己酉、御齋會始、傳教大師 三津氏 生、近江國志賀郡、

上皇

淡路 遊位一年或住淡路三年

太子

白壁 天智孫景雲四年八月立之年六十二

大臣

大師藤惠美押勝 正一位寶字八年九月十一日謀反除官位初解官位并藤原姓字被誅

太政道鏡禪師 神護元年閏十月二日任同二年十月二十三日授法皇位

右藤豐成 正二位寶字八年九月十四日更任賜帶刀資人三十人二十四日叙從一位元蒙罪左降太宰員外帥天平神護元年正一位十一月七日薨年六十二號難波大臣

御史大夫文室淨三 正三位寶字八年正月七日叙從二位九月致仕詔許

左藤永手 天平神護二年正月十六日轉

中衛大將

右吉備真吉備 從二位中衛大將天平神護二年十月二十日任叙從二位大將如元

大納言

大師道鏡禪師 寶字八年十月三日任職封戶准大臣施行停姓弓削元少僧都

右藤永手 正三位天平神護二年正月天皇幸彼第授正二位任右大臣



藤永手 從三位天平寶字八年九月十一日任并叙正

藤真楯 正三位式部卿天平神護二年

吉備真吉備 正三位天平神護二年三月六日任

白壁王 天平神護二年正月任

弓削淨人 正三位神護景雲二年二月十八日任兼

藤永手 從三位寶字八年九月任大納言

氷上鹽燒 從三位寶字八年八月一日兼

藤真楯 從三位寶字八年九月十日正三位為勳二等

白壁王 從三位寶字八年九月十日正三位

吉備真吉備 從三位天平神護二年三月任大納言

弓削御清朝臣淨人 正三位天平神護二年十月二十日任并叙

中臣清麻呂 從三位神祇伯神護景雲二年三月十八日任元參議年六十七

參議

藤御楯 從三位寶字八年六月一日薨

藤巨勢麻呂 從三位寶字八年九月十八日被誅薨

藤清河 正四位上遺唐大使民部卿常陸守寶字八年正月從二位

藤真光 正四位上太宰帥寶字八年九月十八日父押勝謀反同被誅

中臣清麻呂 從四位下右大辨寶字八年正月七日從四位上九月十日正四位下

藤訓儒麻呂 從四位下丹波守寶字八年九月十八日依逆謀天皇遣授少尉坂上菟田麻呂等誅

藤朝獵 從四位下寶字八年與父押勝同謀反天皇遣菟田丸等并誅

石川豐成 從四位下右大辨寶字八年正月從四位上大藏卿九月十二日正四位下

吉備真吉備 從三位寶字八年九月一日任并叙年七十五

和氣王 從三位寶字八年九月十一日任并叙十月任兵部卿丹波守舍人親王孫

山村王 從三位寶字八年九月十日任并叙

藤繩麻呂 正四位下寶字八年九月十一日任

粟田道麻呂 從四位下寶字八年九月十一日任天平神護元年坐和氣王謀反事左降飛驒員外介被幽死

弓削宿禰清人 從四位下寶字八年九月十一日任道鏡禪師弟

石上朝臣宅嗣 從四位上中衛大將天平神護元年正月八日任并叙十月二十七日正四位下左大臣麻呂孫中納言弟麻呂子

文室大市 從三位天平神護元年七月廿七日任按察使如元六十二

藤田麻呂 從四位下外衛大將天平神護元年七月廿三日任十二月十一日叙從四位上

藤繼繩 從四位下右大辨天平神護元年七月十二日任年三十九右大臣豐成男

藤魚名 正四位下神護景雲二年二月十八日任八月左京大夫十一月從三位年四十八

前官

大臣藤豐成 正二位天平寶字八年九月十三日(四)日從一位更任右大臣蒙無實罪仍被優

御史大夫文室淨三 從二位寶字八年九月一日致仕

非參議

百濟敬福 從三位

藤藏下麻呂 從三位天平寶字八年九月十一日叙并為勳二等字合男天平神護元年二月日近衛大將兼左京大夫伊豫土左按察使

高麗福信 從三位造宮卿

文屋大市 從三位天平寶字元年七月任參議

藤宿奈麻呂 從三位天平寶字元年七月七日叙年五十一字合二男

僧官

法住位圓興禪師 大僧部天平神護元年七月二十日任

法參議基真禪師 大律師正四位上天平神護元年十月二十日任同二十三日詔法皇字月斷准位御法皇大僧都第一修行追守大禪師圓興准大納言法參議大律師修行追守大禪師正四位上基真准參議



第四十九光仁天皇唐代宗大曆四年辛亥

日本根子天宗高紹、諱白壁、或曰廉仁、天智孫二品施基皇子第六子、母贈皇太后櫛(德)姬、贈太政大臣紀朝臣諸人女、和銅二年己酉誕生、天平九年八月叙從四位上、年二十九、寶字元年叙正四位下、同年叙正四位上、年四十九、同三年六月叙從三位、年五十一、同六年十二月朔任中納言、年五十四、同八年九月叙正三位、年五十六、天平神護元年正月勳一等、同二年正月八日任大納言、年五十八、神護景雲四年庚戌、八月四日立皇太子、同日受禪、同十一月十一日己丑、即位大極殿、年六十二、施基皇子、追號田原天皇、寶龜二年十一月大嘗會、參河、因幡、治十年、天皇二年天應元年辛酉四月玉體不豫、三日禪位于皇太子山部親王、為太上天皇、同年十二月二十三日丁未崩、壽七十三、明年正月庚申、葬廣岡陵、遊位九箇月、延曆五年、改葬田原、都平城宮、寶龜元年庚戌十一月十一日改元、依即位也、去六七月、彗星入北斗、今年草創紀州那賀郡粉川寺、○二年辛亥閏三月壬寅日、僧綱請置威儀法師六員許之、今年白居易生、云云、○三年壬子、三月井上皇后、坐事廢、同月始置內供奉十禪寺、○四年癸丑、十一月癸酉、詔僧正准四位、大少僧都准正五位、律師准從五位、閏十一月十六日、良辨僧正入滅、年八十五、○五年甲寅、六月十五日、不空三藏入滅、年七十二、今年弘法生、又太宰府建四王院、○六年乙卯、四月近江國、貢白龜赤眼、○七年丙辰、○八年丁巳、副使小野朝臣石根大神未足等、入海不歸、○九年戊午、遣唐使參議藤清河、於大唐薨由告來、年六十一、贈太政大臣、○十年己未、○十一年庚申、延鎮造清水觀音、八月太宰府、任限被定五箇年、○天應元年辛酉、正月朔辛酉改元、四月三日辛卯讓位、

太子

他戶寶龜二年正月廿三日立之天皇第四子母前皇后井上內親王取之  
爲子立太子時年十一寶龜六年四月廿五日薨于獄現身爲龍廿歲

山部親王中務卿寶龜四年正月十四日戊寅立之年三十七歲

後宮

皇后井上內親王聖武第二女寶龜元年十一月一日爲皇后

夫人高野新笠贈正一位乙繼女

夫人正三位藤曹司左大臣永手女寶龜授從二位

夫人從三位紀朝臣宮子紀子介稻子女

尚侍正三位大野朝臣仲子天應元年十二月薨

齋宮

酒人內親王寶龜五年十一月(二年八月)祭之後授二品桓武納之天長六年八月薨年七十六

淨庭女王寶龜三年四月廿(十一)九日祭之

大臣

左藤永手從一位寶龜元年十一月一日正一位十二月贈山背國相樂郡即出水鄉山二百町

右吉備真吉備正二位中衛大將勳二等

右大中臣清麻呂從二位寶龜二年三月十三日任并叙從二位皇太子傳如元年六十

內藤良繼正三位寶龜二年三月十三日任元大納言年五十七舊名宿奈磨寶龜八年九月十八日薨時年六十二

忠臣藤馬名從二位寶龜八年三月廿日任近衛大將

內藤魚名從二位寶龜九年三月三日任近衛大將大宰帥如元

大將

中衛右大臣真吉備

外衛參議右大辨藤繼繩從四位下寶龜元年任

中衛藤百河

近衛大納言藤馬名寶龜四年任

大納言



白壁王

大中臣清麻呂 從三位實龜二年正月十一日任皇太子傅三月任右大臣

文室大市 正三位實龜二年三月任七月彈正尹十一月從二位十二月治部卿同三

石上宅嗣 正三位實龜十一年二月一日任並叙天應元年六月二十四日薨年五十三

中納言

大中臣清麻呂 從三位實龜元年十一月十一日任大納言

文室大市 正三位實龜二年二月任三月任大納言

藤繩麻呂 從三位實龜二年三月十三日任年四十四

藤田麻呂 從三位中務卿實龜十一年二月一日任卿如元

藤是公 正三位天應元年九月戊午任中衛大將式部卿如元年五十五舊名黑麻呂

參議

藤清河 正三位民部卿遣唐使

文室大市 從三位實龜元年十一月一日正三位

石上宅嗣 從三位中衛大將兼太宰帥中將如元

藤田麻呂 從四位上太宰大貳實龜元年二月一日從四位下

弓削淨人 從二位實龜元年八月二十一日辛亥坐事謫土左國

藤魚名 正三位中務卿實龜二年三月任年二十一同五年近衛大將

藤田麻呂 正三位實龜十一年六月二十七日任即兼近衛大將年六十

藤宿奈麻呂 從三位實龜元年八月任九月式部卿十月叙正三位

石川豐成 正三位右京大夫實龜二年三月十三日任同三年九月薨

石上宅嗣 從三位式部卿實龜二年十一月二十三日任

藤繼繩 從三位田麻呂同

石川豐成 從三位宮內卿右京大夫實龜元年十月一日正三位

藤繩麻呂 從三位

藤魚名 從三位左京大夫實龜元年十一月一日叙正三位

藤繼繩 從四位下看大辨外衛大將實龜元年十月一日從四位上

藤宿奈麻呂 從三位實龜元年七月二十日任八月任中納言

藤百川 正四位下左大辨實龜二年十一月任本名雄田麻呂

藤濱足 從四位上實龜三年四月十一日任從三位任帥十一月任大藏卿一名濱成不比等孫麻呂男實龜五年正月七日正四位下五月任刑部卿武藏守實龜六年從四位上陸奧出羽按察使鎮守府將軍勳三等二月壬辰於任卒四月三日贈從三位

藤楓麻呂 正四位下實龜三年四月十九日任并叙正四位下元右衛門督兼讚岐守

藤是公 正四位下東宮大夫右衛門督式部大輔實龜五年十一月五日任同九年正四位上武智丸孫乙麻呂子

紀廣庭 從四位下駿河麻呂同日任并叙中納言從三位依麻呂子也

石川名足 從四位下實龜九年二月十日任年足子

藤乙繩 從四位上刑部卿實龜十年九月十二日任右大臣豐成子天應元年六月六日卒

藤小黒麻呂 從四位下左衛門督常陸守實龜十一年九月廿四日為持節征夷大使

紀廣純 從四位下陸奧出羽按察使實龜十一年二月一日任并叙三月廿四日陸奧上治郡大領外從五位下伊治土庇窟反率徒衆殺按察使廣純於伊治城大納言中務卿麻呂之孫左衛門督從四位下字美子

神王 正四位下大藏卿實龜十一年三月十六日任即叙天智孫梗并親王男

紀船守 從四位上近衛權中將內藏(麻)頭

前官

右大臣吉備真吉備 正二位實龜六年十月二日薨年八十三

大納言文室大市 正二位實龜八年十月五日致仕十一年十一月卒年七十七一名足珍

多治比真人土作 從四位上實龜元年七月二十二日任左大臣島孫宮內卿水守男實龜二年六月二十日卒

安倍毛人 從四位上實龜三年十一月廿一日任正四位下同三年十一月卒

藤藏下麻呂 從三位太宰帥實龜五年十一月五日任

大伴宿禰駿河麿 正四位下勳三等陸奧出羽按察使兼鎮守府將軍實龜六年九月廿七日任

藤家依 正四位上治部卿實龜八年十月三日任右衛門督左大臣永手子

大伴宿禰伯麻呂 正四位下右衛門督宮內卿越前守參議道足子

藤重麻呂 從四位上右衛門督常陸守實龜十年十二月廿日任并叙

大伴家持 正四位下左大辨中宮大夫

大中臣子老 從四位上神祇伯兼式部大輔近衛大將天應元年六月廿七日任右大臣清麻呂子

右大臣大中臣清麻呂 正二位天應元年四月致仕

御史大夫室淨三 從三位實龜元年十月五日薨年七十八



非參議

藤藏下麻呂 從三位兵部卿寶龜二年四月  
太宰帥同五年五月任參議

高麗福信 從三位天應元年五月四日  
任彈正尹兼武藏守

藤宿奈麻呂 從三位寶龜元年  
年十月任參議

大伴宿禰吉(古) 慈悲 散位從三位寶龜六年九月五日叙飛鳥朝常道贈大  
錦中小吹負孫平城朝越前按察使從四位下祖父麻呂子

飯高宿禰諸高 從三位寶龜八年  
四月叙九年卒

太子

他戶 具見  
于前

山部親王 具見  
于前

皇子

早良親王 第二子母同桓武神護景雲二年出家年十一住東大寺寶龜元年賜親王號天應元年四月  
為皇太子年三十二延曆四年十月廢之配流淡路國於海上薨同十九年追稱崇道天皇

禊田親王 第三子母從四位下尾  
張女王湯原親王女

廣根朝臣膳 天皇龍潛時女孀縣犬養勇所生延曆六  
年持貫左京三條弘仁六年改一條一坊

皇女

能登內親王 適從五位下市原王後叙三品天應元年二  
月日薨四十九母前皇后井上內親王

彌努摩內親王 適右臣神王後叙三品弘仁元年二月  
日薨母縣主島姬正六位上毛人之女

酒人內親王 母同  
山部

第五十桓武天皇 唐德宗建中  
二年壬戌

日本根子皇統珍照、又云、柏原、諱山部、光仁第一子、母皇夫人高野氏、諱新笠、贈正一位乙繼朝臣女、天平九年丁丑誕生、寶龜元年八月、從四位下為侍從、二年三月中務卿年、三十五、四年正月十四日庚寅、立皇太子、年三十七、天應元年辛酉、四月三日、受禪、同月二十五日癸丑、即位於

大極殿、年四十五、十一月大嘗會、越前備後、治二十四年、延曆二十五年三月、聖體不豫、同月十七日崩於正寢、壽七十歲、十八日奉、靈劔於東宮、四月七日、葬山城國柏原陵、都平城宮、元次長岡宮山背乙訓郡、延曆三年十一月遷、次平安京葛野郡、十三年十月廿一日辛酉、天皇駕車遷御、其後無遷都、

延曆元年壬戌、八月十九日改元、○二年癸亥、始釋奠、造梵釋寺、○三年甲子、○四年乙丑七月、傳教登叡山下居、中納言大伴家持等謀反、○五年丙寅、定威儀法師(員)、○六年丁卯、令皇太子帶劔、○七年戊辰、弘法大師空海、自讚岐國多度郡始入京、年十五、即出大學、屬直講淨成、毛詩左傳等、□□專佛法、漸企避世之志、逢贈僧正勤操和尚、受虛空藏求聞持法等、云云、傳教大師最澄初結構堂宇、安置藥師像、號比江山寺、後號一乘止觀院、此堂三字各別、文殊堂藥師堂經藏等也、仍以中號中堂、但彼經藏今大師堂也、○八年己巳、○九年庚午、○十年辛未、日本紀、○十一年壬申、○十二年癸酉、造延曆寺并西寺、○十三年甲戌、藤原繼繩等、修國史十四卷、改山背為山城、十月廿一日、天皇自長岡京、遷御平安京、慈覺大師圓仁誕生、今年始造平野社、見式、○十四年乙亥、梵釋寺置十禪師、參議以上白玉帶、四月九日、弘法出家、年二十二、於東大寺受具足戒、弘法大師年二十出家、○十五年丙子、造東大寺造東寺長官伊勢人建鞍馬寺、○十六年丁丑、菅野真人等、撰續日本紀、正月傳燈大法師善珠為僧正、四月六日入二月大安寺行表入滅、一百四十歲、傳教大師書一切經、設萬僧齋供養、令安置叡山藏、云云、大師補內供奉、○十七年戊寅、七月二日、鎮守府將軍近衛中將坂上田村麻呂、造清水寺、報恩大師、弟子延鎮內供奉、同心合